


in
lin
6
19



65-1-3

IMAGINES
PRINCIPUM,
REGUMQUE
POLONIÆ

Politicis dogmatibus, phalerisq;
Poëtarum adumbratæ:

Nuper

THESIBUS PHILOSOPHICIS

A

R. P. CAROLO BARTOLT

Societatis JESU

APPENSÆ,

LAPP

nunc

*et delapsion
Montis Argenti*

Typis Collegii Varlavienfis S. J.

RECUSÆ.

Anno Domini MDCCXL.



Libellus hic *Imagi-
nes Principum Regum-
quē Poloniæ. Reimpri-
matur.*

Antonius GRZEGORZEWSKI,
Canonicus Poshanienſis, Varſa-
vienſis & Officialis ac per Duca-
tum Mazoviæ Generalis.

npp.





PROLOQUIUM.

F Ridericus Imperator, iconem Ferdinandi Progenitoris sui è collo pendulā gestans, illis se identidē animabat vocibus: *Expergiscere tandem, expergiscere ad tacitas has voces Friderice, & aliquid dignum. Ferdinandi Filio aggredere.*

Græca Respublica suorum Principū sculpebat Imagines, *refert Rosinus l. 7. antiquit: Roman: c. 31. pa: 1153. Ut scilicet (ait Aurelius Cassiodorus l. 6. epim: 7) Imago Principum, subiectos videretur pascere per commercium.*

Veluti simulacra quædam spirantia & actiuosa, Majorum Vitas re-

o

spicere oportet: probaq; illorū o-
pera imitando, sua facere. *Basil:*
Sel:

Nullum præceptū, documen-
tum nullum, res nulla, majore
charactere imprimi potest; quàm
exemplū & mores patrii. Hi sunt
quasi leges, quæ aptantur & con-
veniunt actionibus, discuntur o-
culis, inscribuntur animo. *Em-
man: Thesaurus l. 19. capit: 2.
p. 764. in Philos: Morali.*

In actis Prædecessorū prudens
invenit, unde sapientior fiat: bel-
lator reperit, unde animi virtute
roboretur. *Cassiod.* Hinc Julius
Cæsar conspicatus in Sicilia Ima-
ginem, Alexandri Magni, &
gestorum ejus, dum in lachrymas
solveretur; causam lachrimarum
red.

reddidit: quod ea aetate, qua Alexander orbem ferè totū debellaverit; nihil adhuc gloriosum fecerim.

Scribe laudes Marii, atq; Annibalis vel alterius Ducis optimi vitâ functi; & dic, quid fecerit; ut nos eū imitemur, *Poscen; Niger ad Spartian.* Scripserunt Athenæ calamô, postquam scripssset ferrô Miltiades Atheniensium Dux, in cervicibus sexcentorum millium Persarum, à suis millib; undecim profligatorū Victorias, quæ adeo magni illius imitatoris Alexandri incitaverant animū, ut multas insomnes duxerit noctes, inquiens: *me Miltiadis trophæa dormire non sinunt. Emman. Thes: ibid: p. 766.*

Optimi Oratores sunt Majorum exempla. Habent & facta suas

lingvas, ac tacitâ quâdã eloquen-
tiâ ad quidvis citiùs & certius im-
pellūt; quã ullus sermo. Scilicet:
Segniùs irritant animos, demissã
per aures: Quàm quæ sunt oculis
subjecta fidelibus;

*Comptonus in Prometheo Christian.
diss. 9. cap. 2. & 3.*

DECAS PRIMA IMAGINUM

IMAGO LECHI.



Ita PRINCIPUM
Imago est, inquit Se
neca. Primã itaq; o
mniũ Ducũ, Principũ
ac Regum Polonorũ
Imaginem, imò totiũ Poloniæ ty
pum & protypon, non coloribus,
sed

sed moribus expressum exhibet in
se primus Sarmaticæ Patriæ Pater,
& Author Lech. Hic (teste Gva-
gnino) ex Sclavonia oriundus,
civiles motus, & interna suæ gen-
tis exorsus dissidia ad has partes, u-
bi nunc est Polonia secessit, atq;
ad Vistulam, Anno Domini 550 se-
dem fixit. Et quia *raro gubernati-*
onis principia sunt sine ferro; primū
secundo Marte cum finitima Ger-
manix gente, de limitibus iniiit
certamen, in quo Germanorum
Regē, ad singulare ab eo provoca-
tus duellū, propriā manu proba-
vit esse mortalem. Hungaros con-
tra Mauritiū Imperatorem, socijs
juvit armis. Alboinū Longobardo-
rum Ducē, cū innumeris militum
copiis, in fines ingressum, ferrō in

Hungariã repressit; inde expulit in
 Italiã. Institutã à se desertis in câ-
 pis Coloniã, Vastã populosamq;
 effecit Poloniã; sed absquẽ mænib9
 & arcibus: propriã utpotẽ vireuti
 & bellicis artibus confusus Lechus,
 cãpis in apertis bella gerebat. Hinc
 vel à campestri prælio, Polonis
 inditũ nomen Silesiam, Prussiã, Po-
 meraniã, Holsatiã, Saxoniã, cæte-
 rasq; ditiones occupavit armis;
 fundatiq; à se Imperij fines, ad
 Balthicũ usquẽ littus promovit. Ita
*certẽ angusta ingentis animi magnitu-
 do, unius regni angustis non capitur.
 Nescit in parvis latitare terris, arduo
 nisu stabilita virtus: nescit in parvis
 habitare clausi partibus orbis.* Reli-
 quit Primas Poloniæ Lechus,
 posteritati documentũ, *Reges &
 Regna*

Regna non tam nasci, quàm fieri. Imò gloriosius esse, regnum nancisci, quàm Regē nasci. Et quāvis summa difficultatis est, magnis rebus dare principia; ardua enim sunt rerū magnarum exordia: peritissimi architecti est, jacere ingentis fabricæ fundamentū: nihilominus nihil est, serio volenti difficile: multū potest, qui debet; sed plūs potest, qui vult serio. Ubi adest voluntas, evanescit difficultas. Et syrtes audax, sperat sibi cedere virtus. Velis, & audebis; imò velis, & poteris. Nihil Principū viribus nihil Regū studijs est difficile. Primā Regni sui urbē Gnesnā, ab Aquilarū nidis, hoc nomine nuncupatā, erexit. Ibi quē Aquilā candidā, ad volandum alas exsertantē conspicatus, eā pro gentilitio Insigni, & ipse assumpsit,

& toti Poloniæ, ad nōinis immortalitatē volaturæ indidit. Natā scilicet sub libero Jove Gentē, non alio stēmate, nisi armigerō Jovis Alite, voluit gloriari, Præter fortitudinem Lechi, quā invitæ fortunæ regnū eripuit, & ipsa fata ad suū compulit arbitriū: hæc sit virtutū eius epitome. Ut re non solo nomine, se Patrē Patriæ probaret; vixit cum suis civibus, ut Parens cū filiis. Non ignarus, quòd *plus amore, quàm rigore efficitur. Rebel-
lare docet Cives, qui semper terret. Extortus timor, & gravia reddit im-
peria, & invisa. Bonus Princeps, non differt à bono Patre. Indigna Principe appellatio, malus Dominus. Malum Principem, cū jugo assueti subditi, volunt dicere Dominū, errore lingvæ*
appel-

appellant tyrannū. Nullis legū tabulis usus Lechus, solis duntaxat de fœcatis suis morib9, novo jus dabat populo, scilicet: in vulgus manant exempla Parentū, utq; Ducū lituos, sic mores castra sequuntur. Sic agitur censura & sic, exempla petuntur; cū Princeps, primò, quòd jubet, ipse facit. Efficacissima lex est & morū norma, Principum vita. Exemplum Regis, est codex legis. Illuc concurrunt subditorū industria, & conatus; quò præcesserunt Imperatorū facta. Hæc felicissima est Principū conditio ut quidquid faciant, præcipere videantur. Quod Princeps non valet imperiò, extorquet exemplò. Hoc habent præcipuū Principes, quòd eorum acta, agendorū sint regulæ. Non sic lex animat populū, quā vita regentis. Vita

Regum, lex est, & lux subditorum.
 Census & tributa nulla imposuit
 Lechus; ne novellæ Gentis liberta-
 tem, quā fancivit, vocaret in du-
 bium. A subditis suis oblatiis ultrò
 frugibus, Princeps frugi alebatur.
 Frugali mensa satur, nihil nisi
 hostiū sangvinem sitiebat. In vita
 nihil habuit augustius, quā na-
 talis soli angustias gladiō amplia-
 re. Cives arvis intentos, ab hosti-
 bus tuebatur armis, quo effecit, ut
 non magis terra vomere, quā ipse
 amore coleretur. Postquam verò
 prognatū, ac adultum feliciter e-
 rexisset, ac rexisset; bellis & senio
 fractus, Gnesnæ mortalis esse de-
 siit. Si tamen eū mortalē fas est di-
 cere; qui nihil in vita non gessit
 immortale. Scilicet *hic mori nequit,*
cui

*cui vitam perennē barbarica peperere
mortes. Immortale puta nomen, quod
gloria fati eximit ipsa Ducis fama
perennis erit. Quamdiu regnaverit?
quod, & quosnā filios reliquerit?
elingvis tum regni infantia eloqui
nescivit; sua cunabula, pro pannis
involvit silentio.*

IMAGO VISIMIRI.

VEL inde prono cultu & vultu,
veneranda VISIMIRI Imago;
quod post Lechum re & nomine,
secundus Princeps meruit numera-
ri. Afferunt non pauci Lechū se-
cundū, prioris filiū, sceptrū tenuisse;
sed hoc incertū: istud certius, quod
primi Lechi nepos Visimirus, sit
visus mirus Princeps secundus; cū
primus Polonum Martem docue-
rit

rit naumachiam. Hic namquē angustatus Polonis esse tellurē ratus, bellū mari iniecit; & cum Sivardo Daniæ Rege navale inivit bellū. Nec fluctuavit inter maris procellas ejus victoria: Sivardū enim, verò, partim cæso, partim fuso ejus exercitu, ad fugā cōegit. Filiū ejus Jarmericū, inter victoriæ spolia cepit; totūq; Daniæ regnū, ad solvendū sibi quotannis feudum compulit. Hanc servitutem, dum vindice ferro, advocat's in belli subsidium, Hollandis & Syecis, Sivardus excutere tentat; iterato Marte à Visimiro victus, & in fugam actus, in phrenesim incidit: tandem in spoliū cessit Libitinæ, magnam sui sexercitūs cladem suā morte complevit. *Sic vindice ferro,*

ro, qui ferit, ille perit. Jarmericus &
 Polono carcere liberat9, feudatario
 jure adstrictus, Polonæ Reipublicæ
 egit vasallū. Porro Visimirus, su-
 perato hostiū, & marinorū fluctuū
 tumore, nihil tumidè egit nè quis
 ei illud, quod Archidamus Phi-
 lippo, victoriā insolescenti oggere-
 ret: *Metire umbram tuam, nihilô re-
 peries auctiorem.* Optimus namq;
 Princeps, parem se omnibus puta-
 bat; quāvis cæteris tantò erat ma-
 jor, quantò erat melior. Et certè
*Augustius pretiū est, non ad superbie
 fastū coronam gestare, sed ad universi
 civiū commoda possidere. Prodigium est
 Princeps felix, & non elatus: luxuri-
 ant animi, rebus plerūq; secundis. A
 magna fortuna non corrūpi, nec Her-
 culi contigit. Rarus est, qui victoris
 tumidus*

tumidus non insoleſcat. Ut opes nimias mundo, fortuna ſubacta intulit; & rebus mores ceſſere ſecundis. Superbia ſemper eſt vitium, rebus comune ſecundis. Cæterum enavigatis mortis & maris ſcopulis Viſimirus, totum ſeſe commodis Patriæ, in victimam immolavit. Et ne in portu ſubiret naufragium, bono publico ad clavum imperij reſidens invigilabat. Et quavis inconſultum eſt, per ſua dâna aliena conſulere fortuna, ordinatæ enim amor, à ſe ipſo incipit; non bene aliis proſpicit, qui ſe prius non reſpexerit: malè alienos rigat hortos, propriis ſitientibus: nihilominus Viſimirus ſui pænè oblitus, huic unicè intentus, nè quid Respublica detrimenti pateretur. Proprium illud ſibi ratus: Patria impendere vitam, nec ſibi, ſed toti genitum ſe

se credere mundo. Equidem res intima felicitas est; nihil extraneū respicit; attamen dedecus regnantis est, Rei publica calamitas. Non nobis solis nascuntur, maximum nostri partem, vendicat Patria. Privatis Principum damnis, publica felicitas redimenda. Cedunt in Regum lucra, effusa in bonū publicū dispendia. Non potest se beatū dicere: qui se tantū intuetur, omniāq; ad suas utilitates convertit. Alteri vivas, oportet. Nunquā publica privata postponas commoda causa. Divide sublimes curas, teq; omnibus unū obijcias. Consule cunctis, non tibi, nec tua te moveant, sed publica damna. Deinde consulturus Reipublicæ commodis, Visimiriā urbem, mutuato à se nomine extruxit. Gedanum quoque (aliàs Dantiscū, ab insula ad Daniā olim

olim spectante, nuncupatū) ex humilibus piscatorū casis, ad promontoriū Prussiæ evexit, & erexit. Ipse tandem prorogatis regni finibus, ultimū vitæ reperit. Quādiu vixerit & regnaverit? ignara literarū subticuit antiquitas. Majores namq̃ nostri aptiores factis, quam fastis conscribendis; non calamo in pagina, sed ferreo stylo in hostiū cervicibus notabant vulnera, & cicatrices.

IMAGO DUODECIM PALATINORUM.

Inordinatæ Reipublicæ imaginem, ne quæsiēris alibi: in regnantibus duodecim Palatinis reperies. Qui cū privata promovendo studia, bonum neglexerint publicum, do-
cuerunt

hu-
 on-
 pfe
 us,
 ix-
 arū
 mō
 ftis
 gi-
 vi-
 tri-
 A-
 m,
 us
 Qui
 ia,
 do-

cuerunt posteritatem, quidnā de.
 discere debeat: scilicet sua cuiq;
 utilitas, boni communis venenū est.
 Inutilis bono publico, qui suum dun-
 taxat^r quarit utile. Principum lucra,
 dispendia sunt cummunitatis. Malè
 publica curat, qui sua pluris habet.
 Absolum est Principi, majorem sui,
 quā suorū curam habere. Nihil est
 damnosius bono publico; quā privata
 cujusvis utilitas. Macilenta debet esse
 boni communis fortuna, ubi propria
 commoda, privatō aluntur obsequiō.
 Non dilatantur merita, si inter plures
 non dividantur: non grandescunt lu-
 cra, si in manibus pluriū non collocan-
 tur; Amantes Patria Patres, civium
 dāna, sua censent esse dispendia. Solo
 tyranni nōine discrepat, privata quis-
 quis cōmoda, publico preponit. Hi ita,
 que

que Palatini non ad Palatinos fa-
 sces, sed ad suum palatū nati, par-
 tam ferrò & sanguine ab Anteces-
 soribus suis, Polonæ gentis gloriā,
 propriæ postposuere ambitioni.
 Didicit tum Polonia, *ambitiosis ho-*
minū manibus, nunquā tuto credi,
integritatē boni publici. Non benè tur-
ba regit populū; Rex unicus esto; ubi
multitudo, ibi confusio. Qui sceptrā,
plures dividit in manus, impendiosa
damna luit spei. Imperiū prope amif-
sum, si pluribus commissum: duobus
imperantibus, obtemperat nemo. Ni-
bil fiet tardiūs, quā dum plures, aut
omnes imperabunt. Unius Reipublicæ
corpus, magnā animandum mente, u-
nus animo regendū. Soles olympus
non patitur duos. Nulla fides regni
sociis; ōnisq̃ potestas impatiens confor-
tis

tis erit. Non fert secundū Caesar, &
 amulum Pompejus odit. Astra duos
 soles, phanix duo co. pora nescit; sit
 regnis Rex sol, sit phanix; astra se-
 natus. Plura regnantium capita, raro in
 unū de bono communi sensum & sen-
 tentiā conveniunt. Non aliud discor-
 dantis Patria erat remediū, quā si ab
 uno regeretur, inquit Tacitus. Re-
 monstrārent id duodeni Rectores,
 an diremptores Poloniæ, qui pri-
 vatis acti dissidiis, gēmā regnorū,
 publicam Patriæ pacem scissam in
 partes, lugendam posteritatī reli-
 quere, sed optatā pro tunc Germa-
 niæ, quæ in turbido piscando pa-
 cationem sortita sparthā, occu-
 patas Lecheis armis ditiones, nemine
 resistente vindicavit. Hinc dum ni-
 hil boni, nedum optimi, ab hoc
 discor-

discordi Optimatum regimine,
viginti ferè annis, non tam liben-
ter, quàm reverenter tolerato, spe-
raret Respublica, in Gnesnensibus
Comitiis, gubernandi potestatem
ademit Palatinis, plurimū verita-
ne aut boni communis integritas,
inter malè còalescentes regentiū
animos periret; aut tota Lechia
hosti cederet in rapinā. Atro pro-
culdubiò stylo in fastis Ducū no-
tandi Palatini, qui collatos sibi fa-
sces, pleni fastu & astu, cum detri-
mento boni publici tenuerunt.

IMAGO CRACI.

Turbata, ac planè vastata dis-
cordi Palatinorū regimine Res-
publica, Craco Lechi Pronepoti
cessit gubernanda. Huic profectò
sefe Purpura supplex obtulit, & solus
meruit

meruit regnare rogatus. Quamvis
 enim in Gnesnensibus Comitibus o-
 mnium vota & sensus, in eum conspi-
 rantur unum; ille tamen vix eo preci-
 bus adduci potuit, ut grave regni
 pondus, innumeris super gravatum
 malis, suis humeris acceptaret por-
 tandum; ratus felicior esse sortem, aliis
 parere, quam impare, subesse omnibus,
 quam praesse. Vicit tamen demissi a-
 nimi pertinaciam, obstinatum poscen-
 tis Reipublicae votum. Proculdubio
 luculentius tum patuit, quod honor
 fugacem sequitur, sequentem fugit;
 fugam gloriae, acquiritur gloria immor-
 talitatis: honorificentius est honorem
 fugere, quam amplecti: honor per sui fugam
 nascitur: obviantibus inter amplexus
 evanescit: amittit se aversantes, odit a-
 mantes. Nihil est ditius virtute, nihil
 honora.

honoratiùs, fugiente honores; illa o-
 stendit qualis; hic, quantus quis-
 quis sit, demonstrat. Eximia agno-
 scitur virtus, quæ rogari debet. Glori-
 osiùs est mereri magna, quàm accipere.
 Magna virtutis est, cum honoribus
 luctari. Cracus factus Princeps eò
 humilior, quò se min⁹ dignū Prin-
 cipē fascibus judicaret: rexit eò fe-
 liciùs, quo remotior ab ambitu Pri-
 ma ei fuit cura, civiles componere
 motus & domestica tollere dissidia.
 Non ignarus, primū & unicū restau-
 rāda, ac conservāda Reipublica, esse
 instrumentū, Civitū unitatē. Infelix
 illa Respublica, circa quā cives athle-
 ticā, armorū & acimorū exercent.
 Quidquid complexa uno grāmio ser-
 vavit concordia; perdit id sensuū dis-
 cordia. Nescit amicitia, quidquid dis-
 cordia

cordia solvit. Regna per discordiam cur-
runt ad hostē. Solvitur Respublica, dū
dividitur. Non plura medicorū dissidio
funera, quæ corrupta discordiā victoriæ
numerantur. Concordes cadunt hostem,
discordes cedunt ~~hosti~~. Scissos Reipu-
blicæ Ordines, reductos in ordinē,
novis firmavit legibus: Gallos per
Pannoniæ fines, in Poloniæ limites
ad prædā effusos, ita Gallicanꝫ Her-
cules Cracꝫ profligavit feliciter, ut
nihil nisi mortes & cicatrices in spo-
liū cesserint Gallis. Germanos Gne-
snæ dominiū suū nidificantes, aviū
instar expulit, fugavitque. Roma-
nos repetitis armis vicit, famā autē
victoriosā Bohemos, qui ultrò re-
gnum suū, Craci submiserunt impe-
rio. Sicque Cracus victor famosus,
non tamen fumosus, victricibus de

B

hoste

hoste reportatis onustus laureis, ut
 onustior fieret, domesticorū quoq;
 vitiis indixit, bellū. Quos precibus
 & præmiis ad bonū pacis non flexit,
 plexit armis & supplicio, Optimè
 conscius, quòd *nocet bonis, qui parcit*
malis. Dum tolerantur malorū culpa,
etiam optimi corrumpuntur. Scelestus
ipse est, qui cūm possit & debeat, non
succidit. Fovet vitia, quisquis parcit
sceleratis. ne culpa culpā trahat, pana
st. tuatur. Tum crimen crimini succe-
dit, quando prius est inultum. Unum
dissimulatū crimen pluriū est semen se-
cuturorū. Vires criminū dū adolescunt;
ipsâ patientiâ Superiorum, fiunt propè
legitima. Multos trahit in vitiū, non
castigata delinquendi licentia. inter im-
tamen, quia tam omnibus ignoscere,
quā nulli parcere, crudelitas est, aut
 non.

nonnullis indulsit, aut rigore justitiæ, lenitate animi temperavit. *Nimiam namq[ue] puniendi asperitas, in tyrannidē degenerat; si lenitate & clēentiā non temperatur. Non secus cum vitis, ac cum vitibus procedendū; hæ si non abscindantur, exuberant; si nimis, exarescunt.* Imò illa Principes decet virtus: quæ plures terrore corrigit, quàm pennis absomit: quæq[ue] ne ferro cogatur, robustā recidere audaciā, adhuc tenerā minis curvat. Eadē est boni Principis commendatio; quæ medici: morbos & vitia tollere, homines servare. Semper in manu Principis, laus potior est ferri hebetis, quàm acuti. Pacata tandem Republicâ, Regni Metropolim Cracoviã, à suo nomine nuncupatam exstruxit. Arcē in monte Vavello exædificavit: sub cujus an-

tro latitantē portentosæ magnitudi-
nis draconē, ingenioso stratagemate
interēit. Victō tamen hoc monstrō,
mortē vincere non potuit, dū vi-
vere desiit, Anno 720. Gentili mo-
re in monte Lassotino est sepultus;
ut sciret orbis, quod ille Princeps,
etiā post fata eminere debeat, quem
supra communē mortalium sortē
evexit virtus.

IMAGO LECHI II.

Optimè Sarmaticus canit Horati-
us: *Nobiliū fluunt infecunda Du-
cum secula; nec bono succrescit soboles
Patri Ex nobilissimis quandoq; arbori-
bus, inutiles plerūq; excrescunt stolones.
A viris egregiis, quasi quodā fato acci-
dit, improbos proficisci filios. Sape ex
limpida fontis origine rubiginosa pro-
fluunt paludes; sape ex magno Gigante,
parvus*

*parvus surrexit Pigmeus. Multi sunt,
 qui nihil patriū, nisi nomen habent.
 Patuit in Lecho, non nomine, non
 regnandi sorte, secundo, optimi Pa-
 rentis Craci, degeneri prole. Hic
 paternæ fortunæ, non virtutis cupi-
 dus, ut patri in Regnū succederet;
 Cracū fratrem majorē natu dolosō
 ferrō in venatione interemit. Quod
 scelus ut eluderet, discerptū á feris
 publicavit. Verū nunquā mendaciis,
veritas suffragatur. Deserit cū fortuna
 favor, qui cognato non parcit sanguini.
 Præcipitio proximus est, qui per aliena
 capita graditur ad soliū. Vulgato nāq;
 paucis ab electione diebus, fratri-
 cidii crimine; regno, quo fratrem
 privavit, ipse privatus, pulsus est
 in exiliū: ut disceret orbis, quod
 celeri scelestos, pana consequitur pede:*

vindicta properat, proximo crimen gra-
du: faber dolosam, qui struit necem,
ruit. Ut umbra solē pena sic sequitur
scelus. In scelerū penas ultrix venit
ira Tonantis, hoc gravioze pena, quo
levioze pede. Raro antecedentiē scelus,
deseruit pede pena claudō. Mortu9 est
exul extra Patriā: indignus nempe,
ut impios cineres hæc conderet tel-
lus, quā fraternō polluit sanguine.

IMAGO VENDÆ.

Magni Genitoris Imago, veterum
Amazonū, Penthesilearū, Ca-
millarūq; typus. Venda Craci filia
in regnū successit: ideo hoc nomine
à Polonis nuncupata; quòd admira-
bili ejus formā, veluti hamō pisces,
exterorū Poincipū corda capieban-
tur. Et certē *venusta formā ham9 est,*
quō incaut9 ocul9 & animus capiun-
tur.

tur. Decora facies est aeies, in qua
 etā ipsi Hercules non subsistunt. Ille-
 cebris dotata species, est aucupiū ani-
 morum. Venusta facies est veluti gla-
 cies, in qua lubricatus oculus, lapsum
 parat animo. Dulce malū est: animo-
 rum blanda tyrannis, est facies oculis;
 insidiosa meis. Latet ibi hostis occul-
 tus; ubi nimius est in facie cultus.
 Imò ipse formosus vultus, est hostis oc-
 cultus. Speciosissimū malū, & truculen-
 tissima adulatrix, est formæ species. Et
 quāvis cū magna pulchritudine mon-
 strū est, magnā fortitudinē convenisse:
 hæc tamen Virgo, si sexū excipias,
 magnanimitate summis par fuit He-
 roibus. Hanc unq̃ ex procorū turba,
 Ritigerus Germaniæ Princeps, opu-
 lentissimis muneribus ad Maritalem
 inclinabat thorum. Cujus connubiū,
 post-

postquā generoso pectore repudia-
 verit; ex proco hostē est experta.
 Cū enim illā nec préce, nec pretiō
 flectere potuit; vi & armis ad sua
 vota inclinare volens, bellū indixit.
*Ita sanè infames libidinosorū flammæ,
 facilitè transeunt in furores. Creberrimè
 magni amores, in professa degenerant
 olia. Pectus, quod conceperat ingentem
 affectū, non rarò parturivit invidiam.
 Sævit amor, magnosq; irarū fluctuat
 astu. Bellū sæpè ciet ferus exitiale cupi-
 do. Hunc tamen ferrò licèt armatū,
 oculis & amore sui captū, bis, repe-
 tito feliciter præliō, vicit Virgo. Ri-
 tigers ergo à fæmina victo, ne tã-
 tã erubesceret ignominiã; sanguine
 & vitâ se privavit, proprio incum-
 bens acinaci. Venda verò ne veluti
 olim Helena in Ilio, venustate suæ
 formæ,*

fot næ, turpe alicujus Paridis facinor
 excitaret; in Viitulã de ponte Cra-
 covienſi ſe ultrò præcipitavit, hoſtẽ
 ſuũ forſitan in ſtygis barathro pro-
 ſecutura. Ex ejus gynæceo famulæ,
 ut ſe aliquo modo ſuæ Dõinæ accom-
 modarent; aquis ſe ſe invicẽ perfun-
 debant: idẽq; quotannis recurrente
 illo die, aliæ matronæ factitabant.
 Hinc forſan illa, ad hæc uſq; tẽpora
 manavit conſvetudo, quòd in feriis
 Paſchalibus, inſolens aquarũ fiat ab-
 lutio. Tũulata eſt hæc Virgo propẽ
 villã, à ſuis Manibus *mogila* nuncu-
 patã. Quòt annis vixerit, & regna-
 verit? tacent annales! illud dunta-
 xat prædicant; quòd decora vultũs
 ſpecie, non abluiſit à virtutũ venu-
 ſtate. *Et certẽ* venuſta corporis ſpe-
 cies, eſt quoddam mentis ſimulacrũ.

Excultæ ædes, indicium sunt ho-
 spitii non ignobilis. Plerūq; elucet in
 fronte; quod latet in animo Pulcher
 animi status, in faciedecora velu-
 ti in speculo relucet. Interior virtus
 ex animo in vultū, velut in theatrū
 profilit; *Et quamvis* esse solet raro
 pulchra, pudica caro; nā lis est cum
 forma magna pudicitiae; rara est con-
 cordia formæ atq; pudicitiae: *nihilōi-*
nus virtutē mentisq; pudorē, frons
 formosa tegit, formoso corpore
 claudit. Pulchra pudoris sarcina est,
 formæ pulchritudo. Grator est
 pulchrō, veniens de corpore virtus.
 Venuſtas corporis, non indecoræ
 virtutis est domiciliū. *Ceterū*, ut sū-
 ma est deformitas, cū â formoso
 vultu degenerat animus; ita supre-
 ma est pulchritudo, cū venuſtati
 frons

frontis, respondet majestas animi.
Turpe mendaciū est, candor in ge-
nis, umbræ in pectore; frons expli-
cata, animus involutus; facies decora,
mens deformis.

IMAGO PREMISLAI I.

Seu LESCONIS I.

Quod de quopiam Polonus cecinit
Color: fessos duxit heri boves, dat
magnis hodie jura Quiritibus: & quæ
bobus ademerat imponit, Gabiis & Curi-
bus juga. Idē Phosphorus aspicit magnū
quem tenuem viderat Hesperus Et al-
ter: Fasces & dubias rotat fortuna mi-
tras; hæc modō rusticū, cras esse vel Re-
gem docebit; vel famulo dare jura Regi;
illud in se expertus Premislaus, qui
humili forte natus, ultra spē & vo-
ta, à malleo ad sceptrū, ab incude
ad coronā, ab aurificina ad soliū Re-

gale est evocatus. Hic Premislai ag-
 nomen, ab industrio & ingenioso
 vincendi hostes stratagemate obti-
 nuit. Pannonib9 namq; & Moravis,
 insolentē in confiniis regni prædam
 agentibus, pellendis, cū par viri.b9
 Polonia non esset; ille ne Patria ab
 hoste suis exueretur fortunis decor-
 ticatos noctu arborū truncos, pice
 & refinā illitos, ita armis ornave-
 rat, ut innumeræ armatorū militū
 viderentur esse legiones. Illos ergo
 sūmo manē ad reflexos solis radios
 coruscantes conspiciat9 hostis, fugit
 nemine, persequente, relictâ eò glo-
 riosiore victoriâ, quò *magis arriident*
mites sinè sanguine lauri; & placeant
melius pulchri sinè cade triumphi. Et
certè hæc est præcipuè victoria digna tri-
umpho, in qua quæcunq; est; sanguine præ-
ad

da caret. Nolo virum facili redimit qui
 sanguine f. m. a; hunc laudare volo, qui
 sine morte potest. Quo pacto docuit
 hic ingeniosus victor: quod in bellis
 gerendis non omnia vires possunt; po-
 tentior sæpè industria est. Pulchrum est
 alijs auxiliis destitutū, ab ingenio suppe-
 tias petere. Imò sæpè sunt majores
 viribus artes. Ingenii victoria & feli-
 cior est, & gloriosior. Pulchrius est
 mente, quàm manu configere, & sine
 sanguine triumphare. Mens sæpè tri-
 umphat, & tutus virtute dolus rē con-
fi. it. Vincit inermis astus inerte manu.
 Polita magis feriunt ingenia, quàm exa-
 cuti gladij. Munita ingenio potentia
 absq; sanguinis profluvio, emergit ad
 laureas triumphales. Armatū consilij
 robur, sine cade triumphat. Calliditas
 Graja atq; astus potentior armis, Unde

in præmiū tantæ victoriæ non victri
 ci solūm lauro, sed etiā Ducali auro
 & diademate, ex aurifabro Princeps
 verè aure 9 fuit; quia aureæ liberta-
 tis amantissim9. Non ignarus, quòd
libertate nihil carius, nihil rarius. Li-
 bertas dicitur res vitæ optima. Æ-
 gra aut imbecillis mens nostra, dū
 cogitur; aut obruitur: aut resilit Ra-
 ra téporū felicitas, ubi sentire, quæ
 velis; & quæ sentis, dicere liceat.
 Magnū Deorū donū est libertas, vi-
 ta civilis finè libertate, mors est eò
 gravior, quò longior. Toties quisq;
 moritur, quoties liber esse desinit.
 Libertatis gēma, omni regno carior
 est. Mancipiis imperare non est re-
 giū. Amissà libertate nemo vivit, ut
 oportet; neq; haurit hunc cōmunē
 àerē, sed inficit. *Unde Equitū Polo-*
 norum

norū prima lex est, esse vindices Patriæ libertatis, ab hac nemo exēptus, nisi peremptus. Quicunq; libertatis olim hostis erit; simul & Polono dicetur hostis. Cæterum Premislaus totus bono publico intentus, Patriæ commoda, non privata studia sectabatur. Premissiā à suo nomine nuncupatam erexit. In Regali Majestatis suæ Solio, illud aureis literis exaratū habuit: *Fortuna suæ quisq; est Faber.* Unicum illud ad aureæ felicitatis apicē sub hoc Principe Polonis defuit; quòd aureus Princeps cogente fatorū necessitate, ferream mortalitatis subivit legē. Et sicut nemo eo regnante non plaudebat; ita illo mortuo nemo non plangebat. Boni namq; *Principis funus, semper est & immaturū, & luctuosū amanti populo.*

Nemo

Nemo non optat immortalē, quē expertus est optimū. Malos Principes commaniter conitantur ad tumultū tripudia, bonos la brima. Sicut natura hoc vitiū est; quòd nullus sit Princeps, qui aliquando suos non affligat, vel vivens vel moriens: ita natura quòq; beneficiū est, quod nullus sit Princeps, qui aliquando suos non recreet, vel vivens, vel moriens.

IMAGO LESCONIS
FRAUDULENTI.

LEsco hic fraudulentum nomen inde obtinuit. Dū Cracoviensibus comitiis liberæ Polonorum voces circa electionē Principis discordarent; nova eligendi methodus est excogitata. Exposita erat columna cum sceptro & diademate ante Cracoviam, eā lege Candidatis præscripta;
ut

ut qui eorū prior à Pradníko fluvio
ad columnam pervenisset, Impera-
torii honoris culmen obtineret.
Nemo tum tardus esse voluit. *Præ-*
cipiti nāq; ambitu festinatur ad soliū,
ad honorē nemo non est Mercurius, ne-
mo testudo. Præceps in sublimia ambi-
tus esse solet. Volubilis fortuna rota,
cunctatores lentulos non admittit. Ad
cacū illud numen, plerumq; cæco cur-
ritur impetu. Neminem humilia dele-
stant. Nullus est mortaliū, qui emi-
nere non cupiat. Hic ita Lesco ut so-
lus clavū Imperii occuparet, adun-
cis, clavis, dentatoq; ferro iter o-
mne impedivit, relicto sibi soli notō
viæ tramite. Et ne ipse dolosus
honoris auceps suismet caperetur
fraudibus equū suū ferreis munivit
soleis. Dū itaq; velociori animorū
quàm

quã equorũ cursu ad metam prope-
 ratur; omnes equo & spe dejecti,
 uni Lesconi coronã reliquere. Sed
 nunquam dolosus exitus faustos habet:
 quicunq; vafros casus fabricat, cadit:
 occidit, quod fraudulentis erigit arti-
 bus, non sola virtus, sed dolosa ambitio
 malè fulta sceptro. Per nefas quasitã
 fortuna exitu, cadere est. Ipsa interit
 sui faber est, sceleribus empta felicitas.
 Premit scelestos ultor à tergo Deus. Sæ-
 pè divinitatis opera hac sunt, ut farias
 jam in ipso successu securas, subita ultio
 exipiat. Ut partē effugias, non omnia
 retia falles. Patuerunt namq; recon-
 ditæ in terra fraudes in authoris in-
 teritū. Nempe lux altissima fati, oc-
 cultū nihil esse sinit. Acta Deos nun-
 quam mortalia fallunt. Nostrã sedula
 spectant scenã astra tragediã. Unde de-
 prehenso

prehenſo occupati Principatûs do-
 lo, in pænâ tanti aſtûs juſſus eſt ab
 equis in partes diſcerpi. Et ſic infe-
 lix Leſco Ducalẽ aliis vittâ præripe-
 re ambiens, propriâ amiſit vitâ; &
 coronæ loco, infamẽ vitæ aſſecutus
 coronidẽ, illud poſteritati reliquit
 ducumentũ: quod *ſcelere paratũ re-*
gnũ non eſt ſtabile. Nunquã ſcleri-
 bus fortuna ſuffragatur. Præcoci
 ruina cadit improbus, priuſquàm à
 fortuna impellatur, ipſa ſcleris ſui
 mole corruit. Infelix eſt ſcleribus
 conquiſita felicitas Præcipitant cũ
 ſtrepitu, quem ſclera extollunt.
 Nulla ſceleſti ſors diu felix fuit.
 Imperiũ flagitiũ quæſitũ, nunquam
 bono exitu terminatur. Mentita
 poteſtas, læta brevi probroſa diu:
 poſt pauca ſerena, ſpuria perpetuo
 ſor.

fordescit gloria luctu *Verissimū est illud Seneca:* quod quisq; fecit, patitur: authorem scelus reperit; suoq; premitur exemplō nocens. Retrogradū DEUS agit furorem: ut qui fabricabat malum capiti alieno; funus in proprium trahat. In laqueos multi, quos posuere cadunt. Quas Tyrannus accumulatur, subit ipse penas. Factā manu culpa suaq; dispendia sensit.

IMAGO LESCONIS II.

IOcantis fortunæ Imaginē liceat in Lescone Secundo intueri; qui servili stirpe natus, ultra spem & vota obtinuit diadema; ex verna Princeps, ex servo factus Imperator. Hic exhilarandi animi causā, cum uno ex contribulibus suis, quò remotior ab ambitu, eò liberior metu,

tu, pedes ad expōsitā cucurrit me-
 tam, quā prior quidē attigit, verū
 relictis in stadio cruentis vestigiis.
 Hunc itaq; concordī voce & votō
 Poloni dignū purpurā censuerunt;
 qui proprio cruentatus, sanguine,
 Imperatorio præludit murici. Ne
 verò Respublica temerē tibi sceptrū
 detulisse videretur, effecit ille opti-
 mē imperando. Militare robur libe-
 rali erigebat dexterā: non ignarus
aurea cote ferrum acui. Facile eō fer-
 tur animus & gladius; quō aurea im-
 pellit dextera. Mars sinē auro iner-
 mis est. Inopia argenti, validissima
 arma reddit inermia. Magnetis, au-
 rum si subeat vices; trahentur en-
 ses: fortior est manus onusta donis.
 In bello plus operatur largitio ar-
 genti, quā explosio tormenti. Non
 sem-

semper in bellis ferrū vincit, plures
quandoq; aurū & argentū numerat
victorias. Non pudet Herculé, mu-
nifici meminisse Martis. Aurū bella
gerit, mucronibus imperat aurum.
Iras & enses vendimus & manus,
hâc unde nummis aura refulserit.
Cadmea surgit messis, ubi cadit de
liberali munere dexteræ aurū. For-
ti non pudet Hectoras jurare menti,
cū strêpitus magis sonat metalli,
quàm tubarum vel monitum grave
tympanorū. Nihil in sua fortuna ha-
buit beatius, quā prodesse egenti-
bus: id unum se habere ratus, quod
in alios profudisset; quasi ei diceretur
Illud: *Quas dederis, solas semper
habebis opes.* Et certē nescit semel libe-
ralitas incitata stare, *ejus pulchritu-
dinē ipse usus commendat.* Regium est
omnibus

omnibus prodesset. Divinū aliquid sapi-
unt, qui cunctis bene faciunt. Nec
solū corda civiū vincere aurō, etiā
ferrō hostes vincere noverat. Sen-
sit ejus manū Caroli Magni exerci-
tus: cū quo ex Hungaria in Saxoniam
eunte, inter Albim & Salā fortiter
dimicavit. Ne verò Imperii fasces in
se factū gignerent; plebeia suæ ori-
ginis veste semper utebatur. Rara
est hæc virtus, ut supra communē ele-
vati sortē, de missione animi ad pristinū
descendant statū. Hominibus cognata
est superbia, si altius steterint. Cognatq̃
multorū fortuna lethargus est, alta nu-
perrimæ sortis obliuio. Etiā meminisse
pudet se minorem fuisse, qui se videt
summū esse. Imò passim experimur,
quòd asperius nihil est humili, cū
surgit in altum. Hic tamen Princeps
quò

quò erat sublimior, eò humilior:
 non ignarus, quòd compendiū laudum
 est, si suprema in dignitate locatus,
 demissè & humiliter se gerat. Cui nihil
 dignitatis ad augendū verticē superest,
 hic uno modo crescere potest, si se ipse
 submittat. Si Princeps ad subditos per
 aequalitatē descendat; non minùs deper-
 dit dignitati, quā soli radios suos in
 terram demittenti.

IMAGO LESCONIS III.

Fortes creantur fortibus & bonis,
 nec imbell. m. feroces progenerant
 aquila columbā. Optimi Patris non
 dispar soboles, Lesco hic secundi
 Lesconis filius successit in regimen.
 Non solū paternæ fortunæ, at etiā
 virtutis hæredē se probavit; præ-
 clara Patris facinora imitando. Scili-
 cet Parentum virtus est stimulus fi-
 liorum

filiorum. In prolem transcurrit gratia
 Patrū. Paterna prolem fortiū allicit,
 urgetq; virtus. Mores Parentū non te-
 nui fluunt amne in nepotes: fingitur
 ad Patris exemplar natus. Sanguis &
 stemma Parentum, sunt gloriosa amu-
 latio filiorū. Publica rapina genus est,
 illius nominis palliō honestari; cuius
 virtutem non geras. Princeps hic ci-
 vilibus impetitus armis, non alia
 arte victor evasit, quā clementiā;
 ad Patrem Patriæ spectare ratus, &
 illos servare filios, qui perire mere-
 bantur; & iis parcere, quos perde-
 re oportebat. Et certē cum omnia in
 bello civili miserrabilia, tum nihil mi-
 serabilius victoriā. Sitire sanguinē ci-
 vium, barbaros Reges sapit. Illo satu-
 rantur Polonia Reges sanguine; non
 quem fulmineus per vulnera cadesq;
 G gladius

gladius evocavit; sed quem pudor in
 genus per vultus & ora civem diffu-
 dit. Vulgus irasci decet, at f. v. te
 parcere Reges. Quisquis est placide
 potens, Dominusq. vite, servat inno-
 cuas manus, & incruentum mitis im-
 perium regit, animaq. parat. Placidô
 itaq; ac pacificô bellô domesticis
 edomitis hostibus, externum quoq;
 domuit Martem. Cum Moravis &
 Pruthenis gloriosè dimicavit. Fi-
 nimos populos insolenter origini
 suæ insultantes ferrô còercuit;
 monstravit seriæ fortitudini nullâ
 Majorû serië obesse. Sclavis Polo-
 norû consanguineis. Hungariâ im-
 periô tenentibq; auxiliares tulit sup-
 petias, cumq; illoû hostibus forti-
 ter & fortunatô decertavit. Dignus
 perenni fama Princeps nisi eum im-
 pura

pura Venus infamâsset. Ita certè
 etiã in optimis aliquid pessimi inveni-
 tur. Nemo sine navo. Unicuiq; dedit
 vitiũ natura creato. Etiam d magnis
 virtutibus, parũ absunt vitia, Nemi ẽ
 illasum fata transmittunt. Vindicat
 omnes natura sibi. Nullus sine crimi-
 ne vivit. Nulla est tam perfecta pul-
 chritudo, quæ suos non habeat navos.
 Si nisi non esset, perfectum quidlibet
 esset: pauci sunt visi, qui caruere nisi.
 Cessit fatis, & veteri ritu in Saxo-
 nia, quam imperiõ quoquẽ tenebat,
 tumultatus. Longiũ à regno abdu-
 ctus mori voluit; ne eis moriens
 lacrymas propinaret, quos vivus
 irriguis satiabat solatiis.



DECAS II.
IMAGINUM.
IMAGO POPIELI I.

R Arum erat olim in solitiis prodigiū,
virtus coronatā: insolitū suprema
dignitatis, cum summis dotibus in ter-
ra connubium: fastus plerūq; cū pur-
puratis imperabat minibus; & plura
diademati incumbabant dedecora, quā
gemma. Erubescere jubebatur a muri-
ce, si qua thronū ascendit innocentia;
provehāq; in altū integritas, ne conten-
dentibus in sublime deturbaretur a vi-
tiis, folio excedebat. verūm omnis ho-
nor turpis, nullā virtute decorus: non
ornant, sed onerant graves honorum
tituli, quem leves dedecorant mores.
Non mitra Regem, sola sed efficit Re-
gina virtus. Miserrima est magna feli-
citas, sine magna virtute. Luculentū
hujus

hujus rei Popielus I. Lesconis III.
 filius, oblivionis cinere tumulandus
 exhibuit in se argumentū: quē ipsa
 erubuit purpura, quòd Ducali con-
 tentus sanguine virtutū contēpserit
 apparatus. Ignarus forsitan, quòd
 perit omnis in illo gentis honos, cujus
 laus est in origine sola, Virtute decet
 non sanguine niti. Quid imaginibus,
 quit avitis fulta triumphis atria, diuid
 pleni numeroso consule fasti profuerint;
 si vita labat. Dives avīs, & utrumq̃
 Jovem de sanguine ducens, si virtute
 caret, tantū de laude meretur, exani-
 mis quantū trucus: licet arc superbo
 splendeat, aut Tyrio rubeat sub murice
 stipes. Princeps hic levis & incon-
 stans, in horas & momenta Prothe-
 us; nec locum residendi stabilē ha-
 buit: sedē regni Cracoviā Gnesnā,

Ghesnâ verò transtulit Crufviciâ.
*Obscura clari progenies Patrïs, strenui
 & bellicosi Parentis ignava Soboles,
 nulla gessit bella, nisi in castris mol-
 liû; quamvis vicinus hostis bellandi
 præbuerit ansam; imprecandi mo-
 rem habuit, se suosq; in escâ muri-
 bus devovendo: cui malè usurpato
 voto, in posteris ejus respondit e-
 vento. Ita sæpe luunt posteri, quod Ma-
 jeres imprecantur. In prolē dilata ruunt
 perjuria Patrïs, & pœnâ merito filius
 ore bibit: Otio & corpori totâ vitâ
 deditus, nihil dignum laude fecit: at
 illud indignissimū, quòd nataliū ho-
 nestatem turpissimis moribus deho-
 nestavit. Quid prodest sanguine longo
 cenferi, si desit virtus. Ipsa nobilitas,
 ignominia illi est; qui à Majorū suorū
 degenerat virtute. Turpe est nobilitatis
 spectâ.*

spectaculū, si in ejus domibus nihil pul-
 chri cernitur, præter Majorū Imagines.
 Non commendant eum Majorum cera,
 qui est cereus in vitiū flecti. Non ex-
 ornant avorum Imagines, quæ proprii
 dedecorant mores. Pieta fidaq; an-
 ecessorū simulacra, ignavū dissimulant
 successorē. Ignobilis est illa nobilitas,
 quæ consanguineam sibi non habuerit
 virtutem. Parū prodest illustris ortus,
 quæ mores obscurant. Limpidus perspi-
 cui fontis latex, turbidū non commen-
 dat rivum. Dedecorant bene nata cul-
 pa. Indecorū est ē clara stirpe stipitem
 nasci, haustā à Majoribus nataliū lucē;
 morū fulgoribus intendere est necesse.
 Qui meritis Patrū laudē trophæis dene-
 gat; impiū fatetur heredē, nefastus egre-
 gia propè latro fama. Cæterū exactis
 in Principatu quindecim annis circi-

ter; cum nihil boni in vita egisset;
tandem Crufvicix egit animam.

IMAGO POPIELI II.

MAli Genitoris Popieli I. pejor
filius Popielus II. paternæ vi-
tæ speculum dici potuit; eô
quod in se Patris Imaginē scelerib9
expressit. Et certè *non procul à pro-
prio stipite poma cadunt. Mali corvi
malum ovum. Rarò degenerat à vitijs
Parentū Soboles. Nunquā leones partu-
rjūt lepus. Par est miraculo, ignavi Pa-
rentis strenua proles. Prodigium est ab
improbis nasci probū. Cum lacte & san-
guine vitia vel virtutes Parentū imbi-
buntur. Imò facilius in Parentū vitia
abit proles, quā in virtutē. Nam pro-
nior est vitiorum, quā virtutū discipli-
na. Aegrè virtutes, facile vitia propa-
gantur.* Princeps hic projectæ in om-

ne nefas indolis, in juvenili ætate
 nihil maturū habuit, præter scelera:
 vitiiis superaverat annos: nondum
 adultus, jam adulter. Quidquid ve-
 rò impudica Venus suis facibus non
 exussit; plenis cyathis extinxit Bac-
 chus. Publicos regni Magistratus
 venales habuit, scilicet, *cujus Cupido*
venas invasit, nihil est ei non venale.
 Consorti suæ obsequentior fuit, quā
 virtuti & rationi. Ex ejus consilio
 lethalē simulavit morbū; & ad im-
 minens quasi sibi fatū patruos suos
 convocavit: quibus desilentibus suā
 salutem. intoxicatō ab uxore pocu-
 lō mortē propinavit. Ne verò pro-
 pinatus incautis hospicibus potur
 toxicum redolere videretur; uxos
 fictē dolere, & virulentiores vene-
 nō lachrymas fundere, cœpit. O quā

Cō

verè

verè dictum! *Nulla fides lachrymis,*
lachrymas simulare docemur, nec nisi vis
falli, risibus ulla fides. Mulierū fufis
lachrymis moveâre, caveto; ut flerent,
oculos erudière suos. Muliebri sexui tā
facile est plorantia patrare, quàm plo-
rare. Unde illud: Aspide quid pejus?
tygris: quid tygride? demon: demone
quid? mulier: quid muliere? nihil: suō
fatō Patruī didicere. Hi inſequenti
nocte omnes mortui in lacū ſunt de-
merſi. Sed occultatū parricidii ſcelus,
conſciū prodidit cœlum: & tanti fa-
cinoris vindex, de tota ſtripe exegit
pœnam. Namq; brevi Cruſviciæ Po-
pielus cum uxore & liberis à muri-
bus eſt peremptus qui ex inhumā-
tis Patruorū cadaveribus prognati,
infantiū necē vindicantes. Regiā ar-
-cem, in qua ſe occultaverat, invaſe-
 runt.

runt. Ita profectò mens malè conscia,
 nullibi securè latet, non satis illa culpa
 latet, quæ ipsū authorē non fugit, in
 ipsis non benè fraus tegitur cavernis.
 Non latebit perpetuas scelus inter um-
 bras. Nullus est murus sceleri, per altæ
 urbium turres, triplicesq; portas pæna
 perumpit: vigilant in omnes fulmina
 culpas. Nulla impiis tuta latebra: ma-
 lis ubiq; malè. Nihil conscire sibi, nul-
 lâq; pavescere culpâ, hoc opus, hic labor
 est, hic murus Abencus. Illud morte
 suâ posteris reliquit documentum:
 quòd parū interest supremâ inter & ex-
 tremâ Principū fortunâ; sæpè levi ictu
 graves Principes prosteruntur. Nihil est
 tam firmū, cui periculū non sit etiā ab
 invalido. Momento sæpè perit quod agrè
 saculū peperit. Magnæ arbores diū cre-
 scunt, horæ spatium extirpantur. Discant
 ex

ex hujus Principis fato, quod est in-
nocentis sanguinis ultor Deo. Quicunq;
alterius sanguinē sitit, suū effundit:
& qui fabricat alteri necē, illū repente
falce mors maclat sua. Conformat scele-
ribus penas justas Nemesis: fugaces in-
sequitur Nemesis tyrannos.

IMAGO PIASTI.

Semper natalibus virtus preferenda.
Sola virtus & animus non genus &
sanguis nobilitant. Tota licet veteres ex-
ornent undiq; ceræ atria, nobilitas sola
est, atq; unica virtus. Frustrā paternis
quisq; superbior tumescit ætis; fervor &
ardue jurata virtuti voluntas perpetuo
viret ipsa lauro. Quid juvat admoto
per avorū nomina calō, inter cognatos
posse referre Jovem? probati viri genus
virtutis prosapia est. In hanc virtutis
id cāversa mentis acie Poloni, Cru-
fviçien.

sviciensē incolā Piaſtū, à rotarum
 opificio hoc nōine appellatū, obſcu-
 rum genere ſed geniō illuſtrem 70.
 annorū ævō gravem, à ſecuribus ad
 faſces, à ſtīva ad ſolium promove-
 runt. *Hoc eſt nempe fortuna ludentis*
ingeniū; ut ab imo ſepe attollat ad ſū-
mū. Emergunt ſubito, qui latuere diu.
Non obſtant natales tenebræ, quominus
quis ſolem videat. Non raro quos nata-
lium fortuna deſtituit, evexit in altum
virtus. Sic humili fluit è fonte Rhenus,
creſcit alta è tenui Terebinthus herba,
Laurus ingens parva quondā virga fu-
it, modo nutat arbor. Princeps hic nec
fascias, nec faſces fortunæ debuit,
qui naſcendi ignobilitatem propria
ſupplevit virtute. Nec obeſt Herōum
magnitudini nataliū humilitas: glorio-
ſior eſt, qui totū virtuti ſuæ, nihil Ma-
jorum.

jorum debet sanguini. Nobilitat Regina
 virtus, quem ad ignobilitatem sinistra
 damnavit fortuna. Imò pulchrius est
 parari, quā creari nobilē: gloriosius est
 nominis esse authorē, quā heredē. Me-
 lius est nobilitatē nascisci, quā nobilē
 nasci. Magnarū virtutū Princeps hic
 erat, præ aliis tamen humanitate &
 liberalitate excellebat. Polonis in
 Electoralibus comitiis, discordes
 Crusviciæ trahentibus moras ad pe-
 nuriā victūs reductis annonam sup-
 peditabat. Ubi liberali suō geniō ita
 omniū Electorum inflexit ingenia,
 ut præter spem & vota, omnes eum
 unanimi voce Poloniæ Principem
 proclamaverint. Et certè liberali
 dextera ultro sese ingerunt sceptrā. Te-
 nacis minus rarō fides tenuerunt. Nec
 obfuit tenuis Fortūna Piaſti, quomi-
 nūs

nus ad soliū vocaretur: Non enim fortuna rerūq; eget, cui publici regni fortuna committitur. Potior est in votis Patria, animus in Principe summa pars fortunæ, quā opulentia. Ingēniū imperiō dignum, non gazam querunt Poloni: misera namq; est regni ratio, ubi nihil est, quod adores in Principe, præter aurum. Sit sanè plumbea gaza, dum modò sit aurea mens in Principe: cum Rege aureo, aurea terris etas immigrat. Nullos hostes Piaſtus habuit, præter Leſconis III. filios quos sibi & Patriæ insidiantes, forti repressit manu. Thori, throniq; sociā Rzepicham dictā moribus & forte nascendi similem habuit: & certè satis magnus thesaurus est uxor proba. Nulla est inops, nulla obscura, quam & locupletant virtutes & illustrat innocentia. Amicus
ſincerus

*sincerus, thesaurus verus. Mulier bona,
pretiosa viri corona. Nulla est pretio-
sior possessio, bono veroque amico; Optima
sunt divitiae, bonam invenisse conjugem.
Dos est pulcherrima, virtus. Hinc male
ducitur uxor, cui amore asserunt opes,
& Majorum cera. Periculosa est, quae
ex venustate formae conciliatur honestas.
Si sola virtus in ducenda uxore non
spectatur; illud saltem praeculis
habendum: Uxor ducenda est oculis,
auribus virtus, manibus dos exploranda.
Dignus immortalitate Princeps obiit
Crusviciae, anno aetatis 120 post in-
tegrum 50 annorum imperium*

IMAGO ZEMOVITI.

Vivam sui Imaginem, imò se ip-
sum Piasius in filio suo Zemovi-
to reliquit: in quo etià post fata per
virtutum suarum regnavit imitationem.

Et


Et certè. *Avorum est commendatio
 esse bonū & virtuosum; ut facias tua,
 in eorū facta succede. Ignavus est haeres,
 cui solū patrimonium est, derivatus à no-
 bili vena sanguis. De proprio addendum
 est, & natalium splendor pari virtutis
 claritate geminandus. Qui in heredita-
 tem venisti sanguinis, heroica quoq̃ fa-
 cinora imitare. Antecedentiū herorū fa-
 cinora, sunt ponè sequentiū institutio.
 Violenta est quadam obligatio, ut cum
 sequantur virtute, cui succedunt digni-
 tate. Satisfecit huic Zemovitus. Hic
 ad bella planè natus, postquàm im-
 perii fasces occupaverat; hanc cum
 purpura in animum assumpsit curā;
 ne ab inordinatis militum turmis an-
 turbis erubescendum aliquid in Po-
 lonia admitteretur. Unde primus ille
 Polonum Martē ad ordinem rede-
 git,*

git, exercituū præfecit Ductores,
 leges militibus præscripsit, easque;
 etiā ipse conservavit. Non ignarus,
 quòd viva lex est, obtemperans legi suæ
 legislator. Nullus faciliè reverentiā le-
 gibus negabit, quando eas Legislator
 observat. Melius jubet, qui jussū Prin-
 ceptis ipse facit suā. Lex qua obeditur
 friget in charta, institutionis exemplo
 calet in opere. Tunc observantior equi-
 fit populus, nec ferre negat, cū viderit
 ipsum auctorē parere sibi. Insita mor-
 talibus natura, propè sequi, quæ piget
 inchoare. Mutæ sunt leges, si à legisla-
 tore marmoribus, & non moribus in-
 sculpuntur. Exanimæ legem tabula
 inscriptæ fastis, animantur factis. Ad-
 dunt legibus auctoritatē Principes si-
 earundem sunt ipsimet auctores & ac-
 ctiores. Iniquū est statuentē, propria le-
 ge

ge convinci. Primus jussu subi, quas tu-
 leris leges, author & ipse feras. Incom-
 modorum erat tolerantissimus, cor-
 poris cultu & victu par cuiq, mili-
 ti. Bella gessit plurima, semper fe-
 licissime. Cum Moravis, Hungaris,
 Germanis, Prussis, Pomeranis, &
 Cassubitis, felici ac glorioso confli-
 xit Marte. Ereptam temporibus u-
 triusq; Popieli Polonis Silesiâ Prus-
 siam, Pomeraniâ, & Cassubiâ, ferrô
 vindicavit. Ferreus hic armorum
 tolerantia Princeps, aureum sub se
 fecit sæculum; hostes vincendo fer-
 rô, cives devinciendo aurô. Profusæ
 in omnes erat liberalitatis, solius,
 duntaxat somni fuit parcissimus.
 Quò magis prodigâ manu in alios
 spargebat opes; eò progidiosius pro-
 pria crescebat gaza. Ita sanè magna
 opes

opes largiendo fiunt maxima. Munifica
 & liberalis minus, etiam nolens fene-
 ratur. Beneficia sparsa, velut semen re-
 deunt auctiora. Quod dat benefica ma-
 nus, conservat. Extra fortunā est, quid-
 quid donatur amicis: quas dederis solas,
 semper habebis opes. Munera si gratis
 dederis, si laetus amicis; tollet divitias has
 tibi nulla dies Iustitiæ ita fuit amans;
 ut coelis Astræā in terras evocasse
 videretur. Supremā clausit diem
 Gnesnæ, anno ætatis 32. Hoc unico
 excessu de Poloniæ regno bono Prin-
 ceps malè meritus, quòd non diu:
 quia 5 duntaxat regnavit annis. Opti-
 morū nempe Magnatū brevis est semper
 vita. Cito ad metā perveniunt, qui mi-
 gnis passibus viam Herōū sunt ingressi.
 Nunquā non immaturè moritur, cujus
 vita pluribus erat salutaris.

IMAGO



IMAGO LESCONIS IV.

Non semper fortes creantur fortibus: non semper Mars à Marte gignitur. Non solus Nielaus Paridem parit. Sæpè eximii parentes, exiles habent filios. Plurimi sunt, qui à maximis exorti, in minimos decreverunt. Sæpè è stirpe clara nascuntur stipites: interdū è vite dulci, acidi emanant fructus. Non rarò è vetusta prosapia, prodit non venusta soboles. Sunt quos patritii stemma sanguinis, & consanguinea symbola gloria ignavos faciunt, qui patriū decus cunis intumulant suis. Aurei Patres sæpe filios reliquerunt plumbeos. E spinis rosæ prodeunt; ex optimo vino, acerbissimū fit acetū. Plurimi sire-

nui & bellicosi Herodes, ignava prole.
 genuerunt. Paruit id in Lescone IV
 filio Zemoviri Hic in tenera æta-
 te ad soliū assumptus, magni bel-
 latoris filius, oleæ quàm palmæ
 studiosior Pacē bello præferens,
 præliorū finē fecit: forsitan, quia
 pax una triumphis potior, pax o-
 ptima rerum, quas homini novisse
 datum est. Candida quæ homines,
 trux decet ira feras. Pace subsul-
 tant iuga; pace vident, tetricæ ru-
 pes. Odimus accipitrem, quod vi-
 vat semper in armis. Et sicut in
 pace suspecta tutius est bellum; Ita
 melior est certa pax; quàm sperata
 victoria. In bello parvis momentis
 magni casus intercedunt. Ita incer-
 tus est belli status, sicut castrorum

*statio Non sub certis militat fortu-
 na signis, non semper ad classē n-
 auscultat. Volvuntur casibus, &
 ipsis ruunt fortunis martiales for-
 tūe. Et quamvis Lucanus canat:
 Utile bellum; nihilominus nullum
 est bellum, cui non adhareat condi-
 tio, damnosum esse. Cæterū in aliis
 præter bellicā virtutē non diffi-
 milis fuit Patri. Exasperata odiis
 sui principatūs exordia nactus,
 regia liberalitate malevolorum
 eludit conatus. Placat namq; in-
 vidia benefica potentia. Citius au-
 ri quē ferri fulgor malevolorum
 extingvit ignes. Principum dona
 sunt authecramneta amicitia, & fi-
 delitatis. Nullus animos fortiūs alli-
 gat necus; quā scilicet in gratias
 dextere*

dextra. Catena sunt mentium, obligationes benefactorum. Beneficia Principum sunt quaedam miracula, aliorum animos in suos convertunt. Verissimum est illud, de modo placendi aliis: Temporibus nostris quicumque placere laborat; det, capit, querat, plurima, pauca, nihil. Et illud: Tu nihil es, nisi des, ergo des: respice cui des, hoc verbum do, das, nutrit amicitias. In cives raræ erat benevolentia & lenitatis Princeps: quasi illud Senecæ sibi dictum putaret. Regnare qui vult, languida regnet manu. Tutius est concitatos animos flecti, quam frangi. Ut crudelitas in unum, multos armat ad odium, sic clementia in unum exhibita, est augmentum ami-

corum. Nihil comitate & clementiâ violentius, non capit, sed rapit corda in amorem. Princeps nihil miti nomine majus habet. Et quamvis duo sunt Principatui difficillima, prodesse Reipublicæ, & placere: ille tamen & profuit omnibus, & placuit singulis, absq; boni publici detrimento. In hoc toto Reipublicæ injurius, quod non diu vixerit. Brevis nempe bonorum Principum est vita, seu fata attendas, seu vota populorum. Imò boni Principes quamvis diu vixerint, nunquam suis satis vivunt. Obiit in juvenili ætate: maturis tamen moribus, præcox supervenit fatum; cum nihil in eo fuerit immaturum, præter obitum ac ætatem.

IMAGO ZEMOMISLI I.

Quamvis hic Princeps avum suum Zemovitu[m] [quo justior alter nec pietate fuit, nec bello major & armis] magnum habuit bellatorem, togâ & sagô totî Europæ celeberrimum; pacifico tamen Patri suo Lesconi, quàm bellicoso avo similior, oleam palmæ & lauro anteposuit. An

D

quod

quod paterna prolem fortius allicit ur-
getq; virtus; an quod bellandi defuit oc-
casio & necessitas. Quanquam quarendus
est interdum hostis foris, non expectandus;
faciendi sunt aliquando, non patiendi hostiū
incursum: infrenda nō ferēda bella; extrēmū
est, ut aliquē ad laureū quærat fortuna. De-
ses est gladius, qui non nisi provocatus ferit.
Ignavū telum, quod extra metam nescit
evolare. Melius est occurrere hosti, quā
illius assultum præstolari. Gloriosius est col-
lecto agmine hostem petere, quā inducias
expetere. Placubius est ultrō in hostem sa-
vire, quā illum sentire. Abscondit se
gloria ei, qui ex aperto Marte intra ce-
spites & terra septa fortunam retrahit.
Quarendus est virtutis occasio, si ad manum
non fuerit. Toto ergo Imperii sui tem-
pore, tranquillū habuit regnum Zemo-
missus. In tanta tamen regni tranquillitate,
nihil posterorum memoriā dignum egit;
nisi quod sibi Miecissauum reliquerit.
Satis est ad immortalem paterni nominis
gloriam, bonum filium genuisse. Immorta-
lem

em degit vitam Pater, in probo & digno filio. Hun cdiu olim sterilis, in decrepita jam ætate habere meruit: scilicet magnū fatum multo tempore molitur natura; una autem nocte viles nascuntur fungi. Elephas decennio parit, sed elephantem. Hic Miecisslaus natalium clarus luce cæcus natus, in nominalium pompa, post septennium à nativitate exactum instructa, oculorum recipit usum. Zemomisslus verò exactis Imperii annis 40. ætatis annis 60 diem & oculos clausit, Gnesnæ ritu patrio tumultatus. Non ita tamen bonus Princeps obiit; ut etiam post fata non viveret in memoria posteritatis. Parvarum nempe facularum est, citò ac perperam extingui, & damno irreparabili totam amittere lucem. Principes planetarum soles occidere & redire solent: atq; ita occumbunt uni, ut alteri orbi luceant serenius.

IMAGO MIECISLAI I.

Miecisslaus primus in Polonia Christianus Princeps, non solum oculis, quos per septennium natura clauserat, rece-

D2v pit;

pit; verū etiam orthodoxæ fidei lumine
est illustratus. Sacro fonte cum non paucis
primoribus regni, ablutus, circa annum
964. susceptæ Divinæ Fidei maritalem
adjunxit, cum Dąbrowka Boleslai Bohe-
morum Regis filia, in throni & thori sc̃-
ciam adscita. Hæc quoad vixit, æterni-
tatis fortè memor, sertō coronata in-
cessit. Inter Hymenæi tædas, Deos ipsos
arascq; gentiles, vero Numini immolavit
Miecislaus. Et quia dies hic tantis Deo-
rum ignibus illustris inciderat in sabbat-
um, ante Festum Divi Ioannis Baptistæ,
ideo in annuo hujus diei recurſu, pridie,
festivi ignes, in memoriam extinctæ
idololatriæ quotannis accendebantur.
Hinc fortassis ad nostra usq; tempora illa
manavit consuetudo; quod in pervigilio
D. Joannis, similes accensis rogis exci-
tantur flammæ: quæ patrio agnomine à
Polonis Sobotka appellantur. Nec solum
hic pius Princeps profana idolorum ever-
tit fana, sed etiam plurimas Divis, vero-
que DEO extruxit, & dotavit liberaliter
Basilii.

Basilicas. Archiepiscopatus duos distributo
in eos suo Principatu instituit: Episcopa-
tus septem liberali erexit manu. Ut verò
zelosum sese Fidei Catholicæ probaret pro-
pugnatores; pium induxit morem; ut
Poloni Equites strictò mediotenus gladiò
sacri Evangelii audirent lectionem. Ro-
manam religionem per omnes regni pro-
vincias propagavit: non ignarus, quòd
fundamentum & basis rerum publicarum,
est religio. Nunquam humana majestas,
absq; reverentia Divina felix fuit: siqui-
dem jacuisse gaudet, quidquid caduco con-
didit omine non sola virtus. Fortissimum est
regnorum propugnaculum illibata religio.
Non est aliud regni beatior proventus, quàm
religionis augmentum. Fluctuat Reipublicæ
navis, motâ anchorâ religionis. Regia hæc
est virtus dignaq; ut in folio emineat, quæ
sola Regum beat solia. Religio est regno-
rum unio: gemunt regna, ubi hæc deest gem-
ma. Factura religionis, est interitus regio-
nis. Nec soli religioni, etiã ejus cultori-
bus summè tributum, decimum nempe
D3 frugum

frugum manipulum, famulantibus ad
 aras Ecclesiarum DEI servis dandum in-
 stituit: optimè gnarus, quòd *quæstuosissi-
 ma est pia in cælites liberalitas. Dum cœ-
 lo censum pendit, nunquam est sine censu.*
 His manipulis cœlo inscriptis, manipula-
 ribus hostium turmis formidabilis fuit
 Miecisslaus. Equidè cum Vlodimiro Russo-
 rum Duce, Premissiam aliasq; civitates
 populante, improsperè bellum egit; feli-
 ciùs tamen cum Bohemis Proceribus con-
 gressu. Boleslaum Dabrowcæ fratris filiù,
 in paternum regnum asserturus: Pragam
 enim ferrò occupavit, & in ea totam re-
 stituit Bohemiam. Et certè *feliciter mili-
 tant, qui Deum habent commilitonē. E-
 contra malè perfidis pugnatur armis. Ir-
 ritus Mars est, cui militare abnuìt cælū,
 licèt ira densis ferveat parmis, nimiosq;
 telis asperet arcus. Si extinctus est in
 corde militum divinus amor non accendet
 animum. Vix afflabunt martiale classicum
 tubæ, si divino pneumate non sunt plenæ.*
Secure & feliciter certatur; ubi virtus
est

est antesignana. Cæterum supplicaverat hic Princeps summo Pontifici, per Lambertum Cracoviensem Episcopum, ut Regio coronaretur diademate: sed hæc vota probandæ in fide constantiæ causâ sunt dilata, non negata. Interim devotum cæso caput, æternitatis taniâ à Superis proculdubiò est coronatum. Coronandus ergo in cælo, terras reliquit, anno 999. Posnaniæ tumulatus. Regnavit annis triginta quinque. Felix sub hoc Principe regimen fuisse nemo dubitet: Nam *ut nihil beato Rege beatius, sic mihi scelesto Rege scelestius.*

IMAGO BOLES LAI Chrobri.

Primus Regni Sarmatici Author Lechus, Orthodoxæ in Polonia Fidei Pater Miecislaus, Regum verò Polonorum Patrens fuit Boleslaus Chrobri, filius Miecislai; primus namq; ille à III. Ottone Imperatore, cum hic ex voto sacra D. Martyris Adalberti lipsana veneraturus Gnesnam advenisset Regium obtinuit dia-

dema, à Gaudentio Archi-Episcopo
Gnesnensi coronatus. Hic tanti in Polo-
niam hospitis inferentis vestigia, strato
per 7. milliaria pannò honoravit. Regiis
& egregiis Neocoronati Regis virtutibus,
& singulari humanitate victus Otto, mi-
litarem D. Mauritii hastam ad bella
Domini feliciter peragenda, & unum de
salutiferis DEI crucifixi clavis, ad stabi-
liendum Imperii clavum, Boleslao dono
dedit. Illi verò hic vicissim in vim mu-
tue venerationis sacrum D. Adalberti
brachium, quòd hactenus Romæ asserva-
tur, obtulit. Princeps hic novi magnifi-
centiam tituli, insigni adornavit probita-
te: acceptamq: à Majoribus suis gloriam
ac fortunam, propriis auxit virtutibus.
Non ignarus, quòd *illud magni animi
maximum est ornamentum, suis Majoribus
non esse minorem. Infamat improbos Majo-
rum gloria. Plebejus est nepos, qui præter
sanguinem & nomen, nihil habet virtu-
tis avorum. Non tam sanguine superbias,
quàm conjuncta cum commendatione facino-*
ra

ra æmuleris. Pulchri natales gratuita sunt munera. Non tam nasci, quàm fieri serenissimos, Herculeum est. Leo fortis non nascitur, sed vires accipit post naturã. Eundo crescunt flumina, quamvis tenuès ortus auspiciuntur. Semina gloriæ jacet illustris prosapia; florem verò & fructum propriã maturat virtus. Tantò sublimiùs ascendit natalium dignitas; quantò eminentius propriæ virtutis accedit studium. Inter omnes tamen Boleslai virtutes pietas erga Divos elucebat: hinc sacrum Divi Adalberti corpus à perfida gentiliùm Prussorùm gente aurò redemit: optimè gnarus quòd meliùs nos Divorùm sacra tuentur pignora quàm Trojam scutum Palladium, aut Romam lapsa de cælo Ancilia. Religionem à suo Patre in Poloniæ regnum invectam omni conatu promovebat. Hac nempe potissima Principibus debet inesse cura; ut fides promoveatur, religio procuretur. Bonæ gubernationis prima regula est religio: velut à prima sphaera rapiuntur cætera; à religione partes omnes felicitatis impelluntur.

Dj

Vix

*Vix est ullus Magni cognomento potitus, quē
 religionis studiū non cōmendavit. Pietati
 summē erat addictus: Primū scilicet benē
 regendi elementū, est Principis pietas. Non
 dedecet Principē, cœli cura: gratū est à Superis
 donū, pius. Et Superis simillimus Princeps. Re-
 gna beat pietas, Reges pietate beantur. Libe-
 rali & pœnē prodigā in cives auri munificē-
 tiā, aureos n̄eruit affectus: procul à præsētis
 sæculi genio, cui magis aurū placet, quā ve-
 rus amor populi multō pretiosior aurō. Nunc
 aurū Et purpura curis exercent hominis vitā,
 belloq̄, fatigant. Aurea verē nunc sunt sacu-
 la, plurimus auro venit hōnos, aurō concilia-
 tur amor. Cuncta trahunt ad se Magnates au-
 rea, sicut ad se magnetes ferrea cūcta trahūt.
 Cū verō, jus Et aequitas vincula sunt civita-
 tū; Quibil magis a Principe exigit populus,
 quā. justitiā. Duodecim Judices veluti
 Polonos Licurgos juri dicendo instituit:
 quos. tales esse voluit, ne eos criminosi re-
 perirent sibi similes: Qui aequitatem instru-
 unt monitis, doceant: exemplis est. necesse.
 Efficax enim. recti persuasio est innocentia.
 iudicis.*

judicis. Fiunt excessus formidini, cum sci-
untur iudices inculpati. Veretur quisq; scelus,
cujus non videt complicem in iudicum sub-
sellis. Ne verò hic magis litigantes cri-
menas quàm causas excuterent; ex Re-
gia gaza certum pro ijs stipendium desi-
gnavit. Et certè nihil magis suspectum in
iudicibus, quàm paupertas. Facile est cor-
rumpere egentem iudicem. Causæ per-
duntur, quæ paupertate reguntur. Hinc
fit interdum, quòd fungitur officio rarus
sine munere iudex. Unde monet Pòeta:
Iudicibus plus, quàm juri studuisse memen-
to: hos tibi quàm leges conciliatò prius.
Miraris, clausæ quòd sint tibi iudicis au-
res? cum tua iudicibus non sit aperta ma-
nus. Verùm enim verò quibus iudicij li-
brà commissæ est; ab ijs merita ponderari
debent, non munera. Gladius contemnitur,
ubi aurum suspicitur. Inermis redditur
iudex cum à cupiditate constringitur. Au-
rum aptissimum est justitiæ expugnanda in-
strumentum, quo cum perstringuntur oculi,
etiam excæcantur. Emptâ miseros defen-

De

dere

*Verè lingvâ; efficiunt turpes turpe tribu-
nal opes. Nummorum patrociniū adeptus
impunè peccat, quasi pecunia sit scelerum
baptismus: Et quia teste Tacito: nullum ma-
jus boni imperij est instrumentum, quàm
bonus Consiliarius: Optimis & prudentis-
simis Consiliarijs Regiam suam implevit;
ab eorumq; consilio suam voluit depen-
dere Majestatem. Et certè vis experts
consilij, mole ruit sua. Nemo melius
prospicit malis, quàm qui consilio perspicit
mala. Consilia rem detegunt. Exponi-
tur Respublica casibus: ubi de medijs non
prospicitur. Nihil sine consilio tutum. Seu
lata seu aspera momenta, consiliò tempe-
rantur. Nec in toga tantùm clarus fuit
Boleslaus, etiam in militari sago ejus elu-
xit virtus. Integrò quidem bienniò ab
armorum quievit strepitu, ut Religionem
in tuto collocaret: hâc tamen stabilitâ,
collatos recenter sibi honores novis deco-
ravit triumphis. Boleslao enim III. Bo-
hemorum Duci, palmâ & oculos eripuit:
Saxoniam, Moraviam Russiam, Bohemi-
am,*

am, Prussiam non tam pedibus, quam victorijis peragravit, & ad annum cœgit tributum, Poloniæ regno exolvendum. Ac quidem Russos Regiam sæpius eludentes credulitatem, armis & arcibus spoliavit. Postquam verò Polonus hic Hercules, Regni sui limites ad Albim & Tyram promovisset; areas in perennaturæ famæ trophæum, Ossæ, Borystheni, & Salæ defixit columnas. Ipse verò tot hostium & provinciarum victor, uni in spoliū cedit Libitinæ, A. D. 1014. ætatis suæ 58. Regni 25. Conditus Posnanix: relicto posteritati documentō, quod *Victor cum victis pariter miscebitur umbris. Et pace & bellō inclytis, stat terminus ævi. Debilis ac fortis, veniunt ad funera mortis. Fortibus est etiam mors metuenda viris. Bellica funereis non obstant tegmina telis. Mors fera magnanimi, non timet arma Ducis.*

IMAGO MIECISLAI II.

Miecislaus hoc nomine II. Boleslai Chrobri filius, justis parentalibus opti-

mo Patri persolutis, Posnaniæ unâ cum uxore Rixa quam ei vivente Patre, Otto Imperator hospes desponderat, est coronatus. Princeps hic solô duntaxat nominis vocabulô, erat gladij famâ celebris: re ipsâ fuit meticulosus, ad plectrum, non sceptrum natus. Ita certe non semper proprijs respondent nomina rebus, nomine sæpe leo, re lepus esse solet. Sæpe speciosu nomina turpiter mentiuntur. Non unus est pralato nomine tantum insignis. Et tamen teste Cassiodoro: Absurdum est, portare nomen à Majoribus alienum; & aliud dici, quàm possit in moribus inveniri. Nomen [inquit Salvianus] sine actu & officio suo nihil est. Si re priveris, nec nomen habere mereris. Unde monet Plauto: Nomina cum re consentiant. Hic ergo Princeps & agnomen suum, & bellicosum Avi, ac Patris sui famam ignaviâ infamavit. Scilicet exterminat arma staminibus vix apta manus. Hinc Moraviam, Saxoniam, Bohemiam, Pomeraniam, paternô ferrô regni finibus annexâ, eripi

eripi sibi permisit. Cum Prussis vario
certavit Marte, Russorum tamen Ducem
Iaroslauum non tam arte bellica, quàm
forte profligavit. Poterat ei obijci illud:
Te telæ, non tela decent. Aptior est di-
gitis lana colusq; tuis. Non tu natus
equis, non fortibus utilis armis. Bellica
non dextræ convenit hasta tua. Quid ti-
bi cum pharetra? gladium tua dextra re-
ousat. Non sunt hac digitis, arma tenen-
da tuis. Nescis severò livida brachia
signare ferrò. Te sonus omnis Æaura exter-
rent, pennâq; levi cômota volucris. Tibi fæ-
mineo stant corde timores. Ex uxoris arbi-
trio moderabatur Regnū Mieciſlaus: imme-
mor, quòd turpè ac indecorū est, illis manib9
cōmittere sceptrâ; quas ipse sexus Ænatura,
ad colum fufumq; destinavit. Scilicet insa-
no nemo in amore videt, quid deceat, non
videt ullus amans. Insanis ergo uxoris
suæ infascinatus consilijs, cū nihil sanè
boni totò novenniò regiminis sui egisset;
in insaniam reductus, miseram egit ani-
mam, A. D. 1034. vixit annis 44. Po-
fnaniæ

snanæ tumultatus. *Mortuus est, quasi victurus post funera non sit, sic vixit, tanquam moriturus non erat.* Rixa verò suæ magis Austriacæ, quam Polonæ favens genti, ne ulterioribus rixis [sub quarum turbidum Masslaus Regi nuper à poculis, provinciam regno abstraxit, quæ postea ab eo nomen Mazoviæ accepit, ut refert Joachimus Pastorius] turbaret e-
gnum, è Polonia cum filio suo Casimiro iussâ est exulare. Mater itaq; exul sub Henrici III. Imperatoris patrocinium, filius verò ad melioris vitæ asylum contulit sese Cluniacum: ubi amissâ regni hæreditate, pro Regali diademate, religiosum Divi Benedicti induit cucullum.

IMAGO CASIMIRI I.

NE credite veteri & vulgari dicto: *Non procul à proprio stipite poma cadunt.*
Nec illi recentiori Vatis Entheo: *Rarior aspici est visa proles, quæ vitij gravi descendat à Patre, & profanos in melius revoca-*

revocaret ortus. Nec huic fides danda:
 Portentum est à parentum vitijs degenerâsse.
 Abrogavit horum fidem Casimirus
 1. ignavi Parentis Miecislai, non segnis
 Soboles. Hic jam in ordine Divi Bene-
 dicti Diaconus factus, precibus Polonorum
 à summo Pontifice Benedicto IX. sacris
 absolutus vinculis, post septem annorum
 interregnum, ex Cluniacensi Claustro ad
 paternum revocatus Solium, strenuè &
 feliciter rexit Imperium. In primo ejus
 vitæ natali, insolito motu concussa terra
 tripudiâsse est visa; pessimis parentibus il-
 le natus est princeps; sub cujus optimo
 regimine respiratura erat Polonia. Pri-
 mus hic Polonorum Princeps doctus &
 sapiens fuit: Primus Latinis in Parisiensi
 Academia excultus literis scepra tenuit.
 Quam verum et illud Poëtæ dictum: *Sub
 purpuratis sæpè rudes latent mentes tiaris:
 nec sub una, scepra iacent calamiq; lauro.*
 Verùm enim verò: illa sola digna est re-
 gali scepro manus; quæ prius doctam ge-
 stavit pennam: illud caput aureâ dignum
 coro-

coronâ; quod prius Apollinari laurea est
 coronatum. Illum Regius decet murex,
 quem literarum tinctura coloravit. Re-
 gnare siquidem fortuna plerumq; benefi-
 cium est, sapere virtutis. Et certè, turpe
 est, si Princeps coronam non caput gerit.
 Ipsa hunc Principem erubescit purpura; qui
 prius ad Palladis chartas pallere non dēdi-
 cit. Non illustrat regalis auri fulgor il-
 lud caput, quod prius ad Cleanthis lucernâ
 noctis caligine non fuit inumbratum. Pri-
 oris tamen ævi Principes armatam Bello-
 nam hastatæ Palladi præferentes malue-
 runt esse bellatores, quàm literarum cul-
 tores; maluerunt potius inter armorum
 versari strepitum; quàm docta inter Mu-
 sarum jurgia. Quanquàm nec Marti
 Apollo, nec Bellonæ Pallas obicem ponit.
 Utraq; hæc Numina armata sunt, utriq;
 palmæ & lauri communes. Certiora sunt
 trophæa, si pharetratus Apollo, & hastata
 Pallas cum Marte & Bellona armorum
 ineant societatem. Horum adminiculò
 Casimirus quoties bellator, toties victor &
 trium-

triumphator. Adornato primū in Mazoviam bello, Prussorum & Jazvingorum suppetijs validam, fudit fugavitq; hostes. Plocensem Palatinatum, totamq; Prussiā armis regno suo adjunxit. Maslaum verò belli authorem atq; ductorem ex alta trabe pendere jussit: ut qui per nefas ad summa elustabatur; supra ceteros multatus emineret. Et certè non infelicitè pugnāt, qui Martem Palladi, Bellonam Mercurio jungit. Aptius illis inhaerent temporibus lauri triumphales, quibus non novum erat doctas gestare laureas. In eo vertice lucidiù nitet galea; qui sapientiā illustratus est luce. Optime illi capiti quadrat cassis; quod non cassum sapientiā continet cerebrum. Hinc illud Polonis Equitibus reliquit documentum: Ut ei sub labarum aditus pateat; qui laborem Minervæ non fugit. Illi in campum Martis educantur; quorum virtus scholarum excedit vastitatem. Illi ad clavās promoveantur, quorum amplitudinem non possunt capere Gymnasiorum conclavia. Illorū
dexte.

dexterā armet gladio *Mavors*; quibus iam
 levis est penna. Non prius aliquis confe-
 rat se ad *Martis* classica; quàm omnes
 scientiarum transgrediatur classes. Non
 prius ad propinandum hostilem sanguinem
 extendenda est dextera; quàm *Minerva* ab-
 lactet. Non prius ad cruda *Martis* bel-
 laria cupidus convertendus appetitus;
 quàm cum *Palladis* satient cupedia. Nec
 solis militaribus ac *Palladijs*, etiam *Re-*
ligiosis *Casimirus* gloriosus erat virtutibus.
 Equidem *Mars* irreligiosum est sanè *No-*
men, rarò pietatem sub signis suis numerat.
 Hinc *Vates* *Peliganus* canit: Nulla fides
 pietasq; viris, qui castra sequuntur. Hinc
 tamen magnus bellator pietati erat addi-
 tissimus, ad quam & propria virtus, &
 throni thoriq; socia *Dobroгнева* incita-
 bat, scilicet *Maxima* est sors viri, pia
 consors. Invitatis *Cluniacò* *Tyneciam*
Benedictinis arcem cum centum pagis ad
 novam obtulit *Coloniam* instituendam.
Lublinense quoq; oppidum ad erigendum
 tradidit *Monasterium*: multisq; alijs pie-
 tatis

tatis artibus, Numinis & Divorum cultum promovebat: ratus certissimum perennaturæ felicitatis omen esse, in cultum Numinis etiam toto divitiarum ire apparatus. Ad harum similiumq; virtutum exercitiū, à teneris fuit institutus. Perfecto omnē aetatem informasti, qui juventutem erudisti. Inscripti teneriori tibi characteres, etiā in arbore leguntur. Equos Garma tractabit vir; quem puerum hippodromō & arenā exercueris. Puerum sapiet etiam senex, quem adolescentem maturi mores non formaverint ad senectutem. Vis sana à viris consilia? consulta à senibus oracula? fac ut tenerior aetas inter Consiliarios & sapientes versetur. Ubi adoleverit, reddet quod accepit. Echo juventutis est senectus: Habebit venerandos sapientiā senes Senatus; si adolescentes sapientiæ institutis erudierit. Ad virtutum complementum hujus Principis & illud accedit; quod ægram post septennale interregnum Rempublicam, lenta curavit manu. Præfestinatā namq; medicinā exacerbatur malū. Me-

dicus

*dicus impatiens, est de jormorto: lentè quādoq;
obsequendum infirmitati, ut ad medelæ obe-
dientiam trabatur. Vulnera nisi leniter
tracta tractataq; fuerint; non sanantur.
Dulcia sunt medicā vulnera facta manu.
Cum mora, vitia curantur & morbi. Non
sunt festiva, quæ sunt festina. Demum
pijsimi Principis mortem ingens præces-
sit Cometes: iter forsitan ad cælos mon-
straturus. Cessit fatis Anno Domini mil-
lesimo quinquagesimo octavo. 18. Novē-
bris, tumultus Posnaniæ.*

DECAS III.

IMAGINUM.

IMAGO BOLESLAI

Audacis.

BOleslaus numero, non regnandi, sorte
secundus, cognomento AUDAX, Ca-
simiri I. filius decimum sextū ætatis annū
nōdū egressus, Regnum & paternum obti-
nuit diadema. Bohemicis, Sileficis, Hun-
garicis & Russicis palmis toties insignis
victor,

victor, insignior foret; si suis passionibus
 non succubisset. Fortior namq; est, qui
 se, quam qui fortissima vincit mænia Me-
 lius semper triumphat victrix sui majestas.
 Latius imperat, non plura, sed qui se do-
 minuit suis invictus armis. Magnus esse victor
 æquit; qui suis cupidatibus est minor. Nul-
 lum fortius est quam quod secum geritur
 prælum. Nulla gloriosior, quam de se
 ipso victoria. Illa gloriosior laurea, quã
 victor animus decerpfit ex se ipso. Qui re-
 fugit sui Rex esse, regni nesciet exteri. Qui-
 cunq; dat sibi regēdo, ille potest dare jura
 mundo. Non infeliciter ille alias gubernat,
 qui sibi ipse parere didicit imperare. Ipse
 sibi consul & ci-vis, ipse rex & colonus. In glo-
 riâ este tra se dominū, intra se servum esse.
 Hic ergo Rex inmemor inglorium esse,
 assuetas sceptro & capulo manus Veneri
 dare; & pro aurea directionis virga, mu-
 liebri myrto pudēdē gloriari relicta Bel-
 lonæ & Martis acie, ad illa transijt castra,
 de quibus Poëtæ Militat omnis amens, &
 habet sua castra cupido Fœdā hanc Regis
 milli-

militiam S. Cracoviensis Antistes Stanislaus Ecclesiasticò ferijt gladio, quo veluti fulminis ictu tactus Boleslaus exarsit in iras: quas nonnisi præsuleo sanguine restringendas ratus, sacrificantem ad aras Præsulem propria cecidit manu illoq; gladio, quo tot hostes vicerat, & auream Kijoviae portam secuit; Divo Stanislao lethale inflixit vulnus; simulq; tot victoriarum memoriam innocentissimo Martyris sanguine delevit. Insolens hoc ultra audaciam facinus, summus Pontifex in omnibus Poloniae Ecclesijs punivit interdito ipsumq; Regem Ecclesiasticò castigavit anathemate. Boleslaus ergo regno, & subditorum obedientia exutus, qualinam morte decessit; certò non constat. Ferunt Poloniâ profugum, per præruptos Pannoniae montes vagabundum, & impotentem mentis sua fata, quæ tyrannos fugiunt, quæsiuisse. Alij asserunt atroci canum morfu esse discerptum: quanquam sæviùs illum, patratum mordebat scelus. *Nul-
lus enim unquam crudelior fuit tortor, malâ
consci-*

conscientiâ. Nullus scivior carnifex, quàm
 mens sceleris sui conscia. Ipse reus ani-
 mus instigator est sui, lictores sunt affectus.
 Habet intra se macellum rea conscientia,
 ut diram exerceat lanienam. Non est cru-
 delior morsus, quàm mens malè conscia;
 quæ patitur tormenta sine carnifice, crucis
 sine tortore. Unde inquit Seneca: Prima &
 maxima peccantium pœna est peccasse. Quos
 diri conscia facti mens, habet attonitos,
 atroci verberare cedit. Mordax culpa ma-
 lum tacito cor exedit ictu. Heu quanti
 misero, pœna mens conscia donat nocte di-
 reg, suum versat sub pectore testem, occul-
 tum quatiente animo tortore flagellum.
 Invigilant animo, scelerisq; patrati su-
 plicio exercent culpa. Malis si desit carni-
 fex, sibi ipsi non desunt. Sunt qui referunt
 Boleslaum in quodâ Carinthiæ Monaste-
 rio propè Villacum, post præviam pœni-
 tentiam, sanctiùs quàm egerat, vitam
 finivisse. Si ita est, gloriosus post inglo-
 ria facinora exitio Boleslaus: etenim res
 omni miraculo major, si quis pessimè vixe-
 rit,

rit, optimè moriatur. Prodigium est, dis-
 similem vitæ studijs mortem alicui contin-
 gerè. Rarè bene moritur, qui malè vixit.
 Non dāt triticas spinarum semen. aristas,
 vitæq; nec mortem dat male ducta bonam.
 Mors vitæ echo est: respondent ultima pri-
 mis. Misera mors pessimæ vitæ lucrum est.
 Hoc tamen est certum, quod varia, quæ
 malè sibi conscius fingeat metuens peri-
 cula profugit ex Polonia: nimirum con-
 scia mens semper quod timet, esse putat,
 fontibus incubat horror. Conscia mens
 sceleris, sibi mille pericula fingit. Mens con-
 scia facti timet, Espanam gignit formidi-
 ne pænæ. Sint sane omnia tutissima; si
 malè conscius es, formidabis.

IMAGO VLADISLAI I.

VLadislavus hoc nomine primus, dictus
 Hermannus, Boleslai audacis frater,
 Cracoviae electus successit in Regnum, Re-
 gio diademate in poenam occisi Divi Sta-
 nislai privatum. Vir erat sui nominis,
 virtu-

virtutum gloria celebris, par summis
Regibus, solo duntaxat Regis titulo minor.
Religionis præsertim, humanitatis & cle-
mentię amantissimus fuerat Princeps San-
citas à Prædecessore suo leges, libero Po-
loniae gentis genio graves abrogavit, Polo-
niam interdicto Pontificio liberavit. Re-
belles Prussos, Pomeranos ac Bohemos,
qui se iugo exemerant, ultore & victore
ferro sibi Regnoq; subjecit, opes Siccie-
chi, exercituum Poloniae Ductoris genera-
lissimi. Clarius virtutis suæ præbuit do-
cumentum, dum Zbigneo extra legitimū
thorum nato filio suo primum arma sibi
inferenti, deinde ad paternos pedes sup-
plici, vitam, quam ferro adimere potuit,
donavit, malens filij spectare lacrimas,
quàm sanguinem. Ratus nimirum glo-
riosius esse triumphi genus de eo, cui parçitur;
quam qui ultricibus & victricibus armis
debellatur. Utiq; corpora magnanimo sa-
tis est prostrasse leoni. Pugna suum finem
cum iacet hostis, habet. Boni Principis est
parcere subiectis, debellare superbos. Satis

est victora, cum sponte inclinata ad pedes
 cadat protervia. Optimum victoria genus
 est, si ei parcas, quem vincere potuisti.
 Et certe pusilli animi est vindictam velle
 summere: gloriosum est cum Tiberio ride-
 re iniurias, aut cum Tito aspernari; glo-
 riosius cum Thedasio condonare; gloriosissi-
 mum cum Augusto etiam muneribus repen-
 dere. Equamvis crescit; si pateris, sce-
 lus; facundo caput tollit in otio impunita
 protervia. Hic maxime sevit, qui par-
 cit malis. Nimia clementia peior est cru-
 delitate, dum parcit, ferit. Nihilominus
 multa asperitate subditorum animi exulce-
 rantur: iniqua est iustitia, licetorem cum
 securi adhiberi, ubi sola proficeret virga.
 Interdum melius est agrotare, quam cru-
 deliter sanari. Irritantur scelera, quæ
 nimium sæpe vindicantur. Ad veniam
 sit pronior, quam ad penam Princeps, pau-
 cis supplicio gravis, utilis debet esse univer-
 sis. Durant, quæ non dura. Cæterum
 optimus Princeps in hoc solo erat malus,
 quod in Sieciechum plus æquo erat bonus,
 eius

eius nutibus & arbitrio nimiùm se permit-
tens. Namq; malè audiunt etiam optimi
Principes, si plùs æquo fiant boni. Inconsul-
ta Principum bonitas, pusilli animi est
indicium. Ministri auctoritas non postpo-
nenda, sed Principis maiestas præferenda.
Nihil potestas Regum valet, nisi valeat
& auctoritas. Is limitibus Principum ac
Ministrorum circumscribenda fortuna, ut
& illi non obliuiscantur se dominos, &
bi meminerint se esse seruos. Hac sit Prin-
cipis & serui concordia discors; ut seruet
studii fœdera quisq; sui. Quamquam pòlt
offensus Vladislaus. Sieciecho familiari
sua in aulâ, nimios in eum amores odiis
castigavit. Scilicet gratia Magnatum nē-
scit habere statum. Nihil citiùs, quàm
Principum favores decoquuntur. In tragi-
cam impingunt scenam; qui aulicæ vitæ
exercent actum: eadem est omnino fides
aulæ; quæ mobilis auræ. In aulâ non mi-
nùs certò interitus gratiæ expectandus est,
quàm vitæ. Regum sollicita quicunq; mo-
ratur in aulâ; aut fuit; aut semper postu-

lat esse miser. Periculosus aula oceanus
 est, multorum infamis interitu. Nemo, gra-
 dus nisi per plures ascendit in aula; ad
 descendendum, plus satis unus erit. Hinc
 monet Pœta Est aula pontus, spes tua na-
 viget vicina ripæ. Stet quicumq; vult
 potens aula culmine lubrico; te dulcis satu-
 ret quies. Et Valerius Maximus: Elige
 securitatem, ridens tugurium; quam tristē
 curis & solitudine aulam. Nam aula
 profanata est sedes aptissima menti, est hi-
 laris, gaudens vultu, spe dives inani. Au-
 la inter fomenta, occulta sunt tormenta.
 Inter molles aulicorum abyssos; calamitatum
 reperitur abysus. Regnavit Vladislaus
 annis 20. cessit fatis anno ætatis suæ 59.
 Placiæ tumultatus.

IMAGO BOLESŁAI

Krivousti.

AD bella planè natus Princeps Bolelaus
 Vladislai magni bellatoris non minor
 filius, pro puerili prætexta, militare por-
 tabat

tabāt sagum. Nondum puer, iam miles;
prius ferē gladium, quā Tolem vidit.
Novennis namq; ad castra profectus, mi-
litiae rudimenta positurus, in ediam, vigi-
lias, insomnes sub dio noctes, ceteraq;
Martis incommoda tolerabat. Potuit
de se dicere illud; *Infans sum vultu, sed
spiro corde Gradivum. Sic penē primis
proditur indoles angusta cunis Exiguo tru-
ces ex ungue noscuntur leones, Et tenero
Iovis ales unco. Nescit sub ipsis gloriis
fasciis latere. nescit idoneus tepere parvis
ardor in artibus. Quasi verō illud sibi
dictum putaret: Angustam amici pauperi-
em pati robustus acri militia puer condi-
scat, Et Parthos ferosces vexet eques me-
tucndus hasta. Implevit illud Boleslaus,
quō post Sarmaticus Vates ad bellicos
ausus animabat juventam; Pulchro Qui-
rites pulvere gaudeat impābis atas; Et
strepitum Et minas, iam nunc Et audaces
tumultus à tenero meditetur ungue. Vi-
sog; primum sanguine, gestiat inter caden-
tum signat neq; eligat, quō lassa post pugna*

reclinet colla thoro. Solidisq; somnum cō-
mendent armis: aut clypeo super effusus,
aut se cespitis explicet per summa, non par-
cus iuventa, & decorum pretiosus emptor.
Ne verò patriæ fortunæ successor à pater-
na aliquando virtute discederet: Patris sui
imaginem à corde magis, quàm à collo
ferrebat quotidie. Et quia melius est Ma-
jorum facta colere, quàm Imagines; exacti-
us eam, expressit moribus; memor illius;
qui in Majorum sanguinem succedit, in
virtutem etiam succedat, est necesse. Et
quamvis illi os intortum ex morbo, agno-
men Kryvousti dederat; formæ vitium non
erubuit, pulchro virtutum apparatu con-
tentus. Nimirum formæ virum neglecta
debet. Rarò forma viris [sæcula prospice]
impunita fuit. Sint procul à nobis iuvenes,
ut femina, compti. Fine coli modico forma
virilis amat. Non est dedecori vultus de-
formitas, si quis virtutibus est conspicuus.
Poterat de se illud dicere: Si mihi deffici-
lis formam natura negavit; ingenio formæ
damna rependo mea, sed magis virtute.
Belli

Bellica tamen virtus in eo maximè enituit. Cujus instinctu sapiùs loricam, quàm purpuram induebat. Henricum IV. Romanorum Imperatorem exigua suorum manu, numerosissimo exuit exercitu. Quo pacto docuit, *virtutè rem bellicā geri, discerniq; non virorum numerò. Errat quisquis militum robora numerat, non aestimat. Virtute pugnant; non numero viri. Et una sylvam sapiùs eruit bipennis. Et pauca sequuntur innumeras aquila columbas. Sæpe in minùs numeroso exercitu plus animi latet. Virtute metiendus est miles, non numero.* Zbignei spurii fratris armis provocatus, victoriam reportavit. Patrocinantem Zbigneo Bohemorum & Pomeranorum perfidiam, ad rogum condemnavit; ut clariùs inter flammæ illa orbi eluceret veritas; quòd *temerè suscepta sceleratorū patrocinia, plurimùm ipsis nocent patronis.* Cum Bohemico, Prussico, Moravico, Danico, Germanico & Russico Marte quoties confligit, semper victor extitit. Ut vero sui milites non minus bellicosi, quàm

Virtuosi forent, eos rigore militaris disciplinæ ad virtutum studium compellebat. Non ignarus; Exercitum scelera, maxima in bellis gerendis esse infortunia. Absq; virtutum suppetiis nemo unquam felici Marte militavit. Ili militat æther, & con-
jurati veniunt ad praelia venti; qui virtutū stipatur satellitio. Ut militum virtutes certam pollicentur victoriam; ita eorum crimina certissimum secutura cladis sunt augurium. Non est fortius ad vincendum robur, virtute. Miles quem ducit in campum virtus, non ad dubiam pugnam, sed ad certam pergit victoriam. Deest plerumq; sceleri fortuna. & dissoluti exercitūs mores non ligant trophæa. Infallibilis illum exercitum sequitur interitus, quem antecedunt injuria. Quem genitus pauperum ad castra committatur, ille nihil refert è prælio, nisi vulnera & cicatrices. Quis alienas prædatur fortunas, ipse plerumq; in acie Martis in prædam cedit libitina. Impossibile est; ut rem bene gerant in bellis; qui lacrimas & execrationes pro viatico,

lico, ad castra secum debebunt. Plerumq;
innocua pauperum lacrymae, proprio insolentis
militis expiantur cruore. Repetet ho-
stilis mucro graviori ictu illa vulnera; quae
insolens militis manus innocenti infixit pla-
becula. Militarem tamen rigorem Bo-
leslaus ducali leniebat liberalitate. Hinc
Zelislao Duci contra Moravos strenue di-
mican- ti, pro amissa in praelio manu, au-
ream reposuit, contulitq; dexteram. Wsze-
borscio vero e praelio transfugae, aliis ex-
plum fugae pernitesc danti, leporinam pel-
lem, fusum, & colum muneris loco sub-
misit; ut sub se Leone Duce, erubesceret
esse lepus galeatus. Skarbimirum Pala-
tinum Cracoviae, cum Zaigniew & aliis,
sibi rebellem oculis privavit: & in poenam
tanti ausus, Palatini Cracovien- sis prima-
tum infra Castellani subsellium colloca-
vit. Hinc ad haec usq; tempora Craco-
vien- sis Castellanus praestitit voto & subsellio
Palatinum. Bellicosus hic Princeps plu-
ribus victoriis, quam annis suum distin-
xit Imperium. Solum namq; triginta

Sex annis regnavit, quadragies verò & se-
 pties triumphavit. Russorum demùm &
 Hungarorum fraudibus circumventus, post
 cruentam hostilis ac sui exercitus cædem
 occubuit, Anno Domini 1130. ætatis suæ
 54. Plocia in templo Parochiali recondi-
 tus. Discat hinc posteritas, omnia huma-
 na vicissitudinè rerum esse obnoxia. Vin-
 cuntur etiam invicti. & felicissimi fiunt
 infelices. Diuturna quandoq; felicitas,
 infelici exitu terminatur. Rara est for-
 tuna, quæ infelicem non sortiatur even-
 tum. Nemo ex istis, quos purpuratos vi-
 des, felix est. In se magna ruunt; altis
 hunc numina rebus crescendi posuere mo-
 dum. Nihilominus eo ipso felix mors.
 Principis bellicosi; quia in Martis acie re-
 perta: namq; victore ferro se popularibus
 exemit armis. Ipsa fata fatiscere cogit;
 quisquis hostes cadendo fatis cedit. Mar-
 tem à morte, unica licet discriminet lite-
 ra; nunquam tamen Marte quasita gloria,
 in sanguinis oceano naufragatur; quæ eò
 ardet illustrior; quò copiosiori putatur ex-
 tingui

tingvi cruoris diluvio. Suam quisq; Heroum
interitus gloriam habet. Victores & in
morte sunt felices. Non solum vincere, sed
etiam perire, martia indoli est gloriosum.
Fata viris vitam generant, famamq;
perennem.

IMAGO VLADISLAI II.

Nemo Lucina meritis onustos debuit an-
nos. Illi supremum Patru Patrisq;
Scipio probrum, docuit scelestos e bonis na-
sci; tenebrasq; clarum gignere lumen. Id
ipsum in se probavit. Vladislav II. opti-
mi Parentis Boleslai Krywousti degener
filius. Minimè illi paterna suffragata est
virtus; qui vitiis erat deditus. Majorū
scilicet virtutes Avorumq; gloria, si sit
nepos inglorius, non reddunt gloriosum. Non
sunt tua, quæ Majores egerunt facinora.
Nemo alieno splendore evasit illustrior.
Suā Phæbus trabeatus luce, neq; adsciti-
tis resulget splendoribus. Suo quisq; est
dives & domestica felicitate beatus. Ni-

nil prodest optimo patre natum esse, si ipse
 es pessimus. Nihil unquam propudiosius
 vidit orbis, quam degeneres à Parentum &
 Majorum virtute successores. Quos ex-
 tincta virtutum lux obtenebrat; eos avita
 sanguinis splendor non illustrat. Hic in
 primo Regni aditu in vitium impegit:
 dum ut unus imperaret, fraterno san-
 guini parricidale indixit bellum. Ita cer-
 tē rara est concordia fratrum: impotens re-
 gnandi libido, etiā fraterno non parcat
 sanguini. Cedunt sanguinis iura, ubi suc-
 cedit ambitio. Aliquando quos uteri uni-
 us angustis incluserat natura, regni unius
 spatii agrē sustentat fortuna. Nulla sunt
 magis robusta odia: quam ubi cognati san-
 guinis venas regni libido invaserit. Et
 quamvis preces precordia ferrea tangunt;
 flectitur iratus voce rogante Deus, & fu-
 sis precibus placantur Numinis ira; nihi-
 lominus supplices fratrum preces rejecit
 Vladislaus; illi ergo, qui in Posnaniensi ar-
 ce obsessi, tandem equitate causæ erecti,
 profunda nocte spe tumidos Vladislai mi-
 lites

lites, vino somnoq; sepultos aggressi, succenderunt castra, fugarunt fuderuntq; exercitum, & suscitata odia cognato sanguine extinxerunt. Ita certè inter ipsa quandoq; infortunia nascitur felicitas. Facilius interdum vincitur qui sperat, quàm qui timet. Perniciosior non raro est securitas apertis periculis. Ne viduum illum judica, quem vides prostratum: non raro victores vincuntur, victi triumphant. Qui semel est fractus hostis, non contemnatur, sed timeatur. Non expectato vulnus ab hoste venit. Sape suum levis fortuna victorem reliquit, & medios secuit triumphos contemptus hostis. Non puta miserum, quem vides infelicem. Venit quondam felicior ætas. Quam negat præsens felicitatem dies, sanore ingenti sequens rependit. Quod vexant hodie Noti, cras lambent hilares æquor Ethesiæ. Mala tēpora melioribus pensantur. Vladislaus itaq; ex acie & regno profugus, in exilio cum uxore & liberis delitescibat, frustra sibi Conrado & Friderico Imperatoribus Romanis,

manis, restitutionem solii spondentibus. Hoc est nimia ambitionis fatum, dum appetit aliena, sua plerumq; amittit. Multi quarentes aliena, seipsos perdiderunt. Suae fortunæ fabri sunt avari, dum aureas sibi cudunt compedes, manicas in se induunt. Inter avaritiæ lucra, propriæ fortunæ inveniuntur dispendia. Belli & cladis causa fuit Christina Uxor Vladislai, natione Austriaca, Polonis infensissima: ex cujus nutu & arbitrio quia regebat imperium; eo se indignū fecit. Nam non est dignus Imperio, cui imperat fœmina. Ignarus forsitan, quod fœmina etiam si optimè velit, nunquam bene sapit. Prædictæ Reginæ instinctu Vladislaus Petro Dunin, antiqui moris viro, magis veritati & libertati, quàm Majestati addicto, linguam abscindi & oculos erui iussit. Certe si alicubi, in curiis vel maxime veritas odiū parit. Odit veraces aula affectas, assentatores amat Parasitos. Adulatio est meretrix aulica, cujus blanditiis sapius, quàm hostium ferro opes Principum everuntur. Raro Principum lucratur amores

E fa.

& favores, qui blandiri nesciat. Ineptus
 Principum est obsequio, quem assentationis
 gratia non commendat. Placent splendida
 mendacia, etiamsi sint palpabilia. Nemo
 suos, sed Domini mores Caesarianus habet.
 Imò nec soli assentationi, verum multis
 vitijs locus est in aulis. Equidem in Re-
 gum ac Principum aulis, tanquam in vera
 ac libera schola tyrocinium ponitur publica
 lucis; sed obnubilatur virtutis fulgor.
 Magnæ aulæ sunt magna vitiorum recepta-
 cula.. Etiam: ad innocentis Principis obse-
 quia concurrunt, & sese insinuant gran-
 dia mundi propudia; quæ etsi sanctior Prin-
 ceptis proscribat, non semel sub mendace pro-
 bitatis larva revertuntur. Rarum est
 miraculum aula sancta. Rara avis in ter-
 ris, nigroq; simillima corvo aulicus probus.
 In aulis paria virtutum, ac vitiorum colle-
 gia, imò celum cum tartaro mixtum. Vetus
 est dictum: Exeat ex aula; qui cupit esse
 probus. Prodigio majus est, mores quos
 intuleris, integros extulisse. Coacta ad
 ritus aulicos probitas citius ab aula exula-
 bit,

Est, quàm exultabit in tam insolenti ford.
 Inter odoratos nitores, & sœdos aularum
 nidores, non est melioris vite odor. Inter
 omnia tamen vitiorum agmina, astus, si-
 mulatio & hypocrysis primatum tenent.
 Qui fidus nullis, affabilis omnibus, omnes
 decipit, hunc primo suscipit aula loco. *Fraus*
 sublimi regnat in aula. Quisquis in am-
 bigua se non accomodat aula; omnibus inge-
 niis, non habet ingenium. Regulæ loco
 habetur hic illud: *Dissimula, simula*, quo-
 ties occasio possit; *Moribus ut morem, tē-*
poribusq; geras. Porro quantis sub hoc
 Principe Patria involuta fuit calamitati-
 bus piget calamum recensere; aricum id
 satis est innuisse, quod magna populi est
 calamitas, uxorius Princeps. Caterum
 regnavit Vladislaus annis sex; satis diu,
 quia malè. Nam etiam breve Principum
 Regimen est diuturnū, quod molestum. Quò
 brevius tyrannus regnat, eò melius. Ty-
 rannorum elogiū est breviter regnasse. In
 malis Principibus hoc unū est bonum, quòd
 citò moriantur, & non diu imperent.

IMAGO BOLESŁA I
CRISPI.

BOleslaus hic à cincinnis capillorum Crispius vocatus, digna Krywousti soboles, Regium Patris sui nomen, regiis implevit virtutibus. Ac imprimis sceptro potitus, ut Pater Patriæ, civium erat amantissimus. Hinc exactionum onera à Vladislao Prædecessore suo imposita partim imminuit, partim sustulit. Non ignarus, quòd *nimiam tributorum pondera, ipsam obruunt Rempublicam. Pressis & attritis pauperibus labuntur imperia. Illa tributa à subditis perduntur, quæ non sine dolore à Principibus imponuntur. Nihil est gravius, illis Principibus, qui miseram plebem faciunt tributariam. Religioni quoq; conservandæ ac propagandæ, erat addictissimus. Sola namq; Religio Reges & regna beat. Quid in Religionem committitur, in omniū fertur ruinam.* Hinc Religiosissimus Princeps, Prussiæ & Pomeraniæ Ducibus, armis Catholicam persvasit fidem. Ad instanti

stantiam Friderici Barbozæ Romani Imperatoris, Vladiſlao fratri ſuo cum Chriſtina in Germaniam profugo, immemor ſuæ injuriæ, Sileſiam pro alimentis conceſſit. *Hæc nimirum ſolida eſt Regum gloria, injurias ulciſci beneficijs. Nihil eſt in Principe glorioſius, quàm ſi edomitam iam armis pertinaciam, adhuc expugnet beneficijs. Illa eſt feliciffima memoria, quæ non recordatur injuriarum, niſi ut condonet. Nulla pulchrior eſt victoria, quàm injuriam vincere patientiâ & beneficiâ. Si- cut magnum malum eſt, malum ferre non poſſe; ita magnum bonum eſt, vincere in bono malum. Quanquam majoris animi eſt injuriâ non agnoſcere, quàm ignoſcere. Cum tibi aliquis injuriam adfert, noli curare; & vulnus omne curâſti. Nec bellandi animus & dexteritas huic defuit Principi, duorum Cæſarum, Conradi & Friderici arma armis reterſit; Bohemos & Germanos à finibꝯ Poloniæ ferro reiecit. Omnium armorum genera novit præter arcus cupidinis, victor ſui ſuorumq; affectuum gloria ſiſſi-*

riosissimus. Et certè non sunt boni illi Re-
 ges, qui sunt Reges suorum, non sui. Prin-
 ceptus ipse: erit autem, si affectibus suis
 dominari noverit. Antequam iniret bel-
 lum; in more habuit, belli causam con-
 silio explorare. Optimè gnarus, quòd Con-
 silio melius, quàm viribus arma geruntur.
 Plus quandoq; potest consilium domi, quàm
 arma foris. Ut vires quiescant, pugnan-
 dum est in genio. Ab ingenio quandoq; plus
 virium habetur, quàm à numeroso exercitu.
 Magis ferit librata forti consilio manus.
 Securior est victoria, cui pro galea, stat
 ratio & consilium. Inexpertis est, teme-
 rè ad bella ruere; lentè festinare, & præ-
 viò consiliò, sapientis. Felix Imperium,
 quod pacis tempore bellum prævidet; &
 Martem cogitat ante diem. Melius in-
 terdum capite dimicatur, quàm manu. Arti-
 bus indomitum spirans mens Martia pectus,
 semper felici prælia Marte gerit. Prævia
 consilia & Ducibus prudentia, belli Dux
 esto. Militis armet mucro manum, ratioq;
 caput. Porro æquitatis memorandum re-
 liquit

liquit exemplum, dum Bolestam Castell.
lanum Vifnensem, eò quòd Vernerum
Plocensem Episcopum per sicarios pere-
misset, severissimè iudicavit, rogoq; ad
terrorem aliorum cremandum addixit.
Scilicet *unius pœna, multorum est cautela.*
Vitabit scopulos, qui alios submersere. U-
bi *insidiosa favilla unum adusserit, secun-*
dus attrectare non audebit. Ibunt expan-
sis terrarum crimina velis, si liberum ubiq;
cursum nanciscentur, nec ulla remora in-
sanos eorum impetus detineat. Et quam-
vis ingentium malorum remedia, nunquam
suis carent periculis, nihilominus melius
periclitari, quàm sceleribus patrocinari.
Truncantur *S. artus; ut liceat reliquis*
securum vivere membris. Cæterum tot
tantisq; auctus meritis, post infaustum cum
Pruthenis bellum, & diram per omnes
Provincias famem, gravi morbo corre-
ptus, fatis cessit Anno Domini 1173. æta-
tis 46. in arce Cracoviensi tumultatus.
Non ita tamen mortalitatis explevit le-
ges; ut immortalis esse desierit: siquidẽ

Virtus

*Virtus perpetuum sibi condit ævum. Vir-
tus sepulchri nescia, funebrem non. nescit
urnam.*

I M A G O M I E C I S L A I
S E N I S.

UT nihil pulchrius est, quàm juvenis mo-
rum cœnitate venerandus; ita nihil tur-
pius, quàm levis & fatuus senex: qui nihil
aliud ad probandũ ætatẽ adferre potest; præ-
terquàm quodd. diu vixerit. Verùm non
longa annorum series, sed morum gravitas
senes efficit, & maturos. Sæpè vir in
puero est, in sene sæpè puer. Multi sunt,
in quibus non pueritia, sed puerilitas rema-
net. Non pauci authoritatem habent se-
num, vitia puerorum. Est levior puer,
longo licet obsitus ævo. Miecislauus Bole-
slai Crispi frater, non ætatis beneficiò, sed
morum gravitate, senis agnomen acqui-
sit. Quasi dixisset: Mento canescant
alii, nos mente, capillio, nos animo: facie,
nos pectore. Tempora certe virtutem non
prima

prima negant, non ultima donant. Illud
 ei apprimè quadrabat: *Lata viro gravi-
 tas, & mentis amabile pondus: quò possis,
 viso, dicere, Numen adest. Jam tunc ca-
 nities animi, jam dulce loquendi pondus &
 ingenium venerat ante diem: ingenium æ-
 leste suis velocius annis.* Hanc tamen
 laudem promeritus juvenis, amisit senex.
 Ita sanè non semper respondent ultima pri-
 mis; equidem omne exordium, augur est
 futuri exitus. Ut ab ortu futura diei
 presagimus serenitatem; ita à teneris ju-
 ventæ ungviculis, secutura colligimus vir-
 tutis incrementa. Solet illustris sanguis
 in tenero adhuc infantum vultu, grandæva
 monstrare indicia, & in prima atq; rasa
 tabula, futura vitæ imaginem adumbrare.
 Nihilominus sapissimè bonam juventam,
 flagitiosa oblitteravit senectus. Hic Prin-
 ceptus in privata extra solium vita mitis-
 simus, in Regio collocatus throno, fero-
 ciâ superavit tyrannos, scilicet Honores
 mutant mores; sed raro in meliores. Ple-
 rumq; cum fascibus crescit fastus. Etiam
 opti-

optimam indolem, quàm indidit natura, sæpè magna corrupit fortuna. Non raro mitem genum purpura efferauit. Interdum dignitas, quos bonos invenit, fecit malos. Scilicet: *Difficilis res est opibus non tradere mores; Et cum tot Crasos vice-
ris, esse Numam.* Sub hoc Principe nihil in Polonia erat liberum, ne vox quidem. Ipsa libertas eo regnante fuit micipata, nimirum: *naturâ inimica sunt inter se, gens libera, & Rex avaritiæ supra modum deditus, nihil sitiebat, nisi anrum.* In libra justitiæ, non rationum pondera, sed oblata munera ponderabat: nullus proinde eo iudice vicit causam, nisi dives. Severus aliis iudex, iniquus sibi; crimina non in se, sed in aliis castigabat. Aliena scelera punivit acerrimè, suâ connivente diffimulabat supercilio. Sic plerumq; illi gravius alienis irascuntur vitiis; qui impensius amant sua. Illud duntaxat in malis est bonum; quòd sui similes oderint. Ordinarius malorum rigor est, aliena plectere scelera, sua palpare.

Severitati crudelitatem adjunxit, feroci-
or in homines, quàm in feras. Et quam-
vis crudelis Princeps ab omnibus timere-
tur; ipse tamen magis timebat omnes.
Hinc Regalis Curia limen, ferrò terro-
reque armorum munebat. Sed tutior est
amatus quàm armatus Princeps. Non
excubia, nec circumstantia tela, quàm
tutatur amor. Melius est amorum, quàm
armorum cingi satellitiò. Pessimus Ma-
jæstatis custos, timor. Non eget excubiis,
quemcumque tuctur lene satellitum, & stri-
cta sine cade secures. Ingentes copia non
satis muniunt; cui muniendo non sufficit
paucorum præsidium. Ubi communis est
omnium amor, vel unus custodiae satis est:
& omnis numerus parvus est, ubi est odiù
omnium. Impietas & furor nullò arcium
munimentò, nullò armorum præsidio sunt
securi. Hoc est præcipuum munimentum,
munimentò non egere. Mali semper pavidi,
quia semper rei: semper de præsidio soli-
citi, quia conscientia sceleribus semper est
obsessa. Qui sceptrâ durò servus Impe-
riò

*riō regit, timet timentes; metus in aucto-
rem redit. Sola metu virtus caret omni:
ea tuta tribunal ambit, & à nullo fulmi-
nis igne timet. Illud solū boni in suo
Principatu fecisse visus; quod bina ex-
truxit Xenodochia: sed plurima fecit,
cum plurimos nimis tributis & exactio-
nibus oneratos, inopes miserosq; effecit.
Optimis infensus consiliariis, salutaria sper-
nebat Senatorum monita. Ignarus cer-
tē, quod statuere omnia sine consilio, præ-
sumpta felicitas est. Equidem omnia e-
xequi ex aliena sententia, & consilio, ser-
vitus est. Nihilominus cuncta pro libitu
absq; consilio agere, est temeritas. Pra-
cipua boni Principis est prudentia, alios
prudentiores putare; nemo omnes, neminem
omnes fefellerunt. Tot ergo tantisq; cri-
minibus, Duce Gedeone Episcopo Plo-
censi, indignatus Senatorius Ordo, Regē,
an potius tyrannum throno dejecit, &
impotentibus male tractantibus manibus sce-
ptrum eripuit. Discat hinc posteritas,
quod nunquam in solis perstat solidē plus*

æquò imperiosa potestas. Infeliciter imperant, qui Imperium licentiâ metiuntur. Impotens Regum favor nulli magis nocet, quàm sibi, dum ultra fas & æquum sævit. Quò se altiùs extollit superba felicitas, eò graviùs cadit. Qui nimium eminere ambit, ruit profundius. Longo nisu in sublime contendit ambitio, nullo ruit. Ad fatalem lapsum, plus nimio satis est ascendisse. Suprema honorum meta, gradum in præceps substituit. Magnarum molium ingenium est, magna moliri, ac representare ruinam. Sidunt ipso pondere magna, ceditq; oneri fortuna suo. Ter quidem contra factorum contumaciam thronum repetere nitebatur Miecisslaus; sed toties folio ac regno est pulsus. Regnavit annis tantum 4. Nimirum raro sunt diuturna improborum Imperia. Nulli scelestorum fortuna diu felix fuit. Ad maturitatem non pervenit superba felicitas. Nihil citius, quàm improbi decoquantur fortuna.

IMAGO CASIMIRI
JUSTI.

Post durum Miecislai Regimen, Casimirus ultimus natu Kryweusti filius, gratiosissimus Princeps successit in solium. Junt agnomen obtinuit eò, quòd causas justissimè judicâbat; nihilq; contra fas & æquum in Regno tolerari voluit. Et certè, sublatâ justitiâ, nihil sunt regna, nisi magna latrocinia. *Justitia Regum, est pax populorum. Jus & æquitas, sunt vincula civitatum, & Imperium reddunt diuturnum. Regnorum basis, est justitia. Corruunt Regna, agitatis adminiculò destituta. Justitia est scutum, præsidiumq; vita, templum & sacrarium virtutum, omnium rerum divinarum, humanarumq; robur & conservatio. Ut domus non cadat, fundamentò est opus; ut mundus non pareat, justitiâ & æquitate. Si justitiam in Principe non inveneris; ne ipsum quidem invenies Principem. In primo Regii honoris aditu, clementiâ & lenitate omni-*

um sibi devinxit animos. Nihil quippè
 tam decorum est in Principe, quàm si Ma-
 jestati jungat clementiam. Errat quisquis
 nimia Principum severitate, Majestati
 auctoritatem posse conciliari existimat.
 Tutius imperat quietus ensis, tutius in-
 cens chalybs, Majestasq; lætos Imperii
 populos coercet. Princeps sit instar apis,
 quæ ubiq; mella fundit, aculeum verò non,
 nisi necessitate coacta stringit. Qui mi-
 nus imperat, plus imperabit; quiq; cogit,
 ille minus populum movebit. Plectitur
 obsequiò curvatus ab arbore ramus; fran-
 ges, si vires experiare tuas. Singulare ta-
 men lenitatis exhibuit specimen, dum im-
 pactâ sibi à collusore Equite, ad alearum
 ludum alapâ, percussori crimen læsæ Ma-
 jestatis donavit: seq; ipsum, quòd ad
 æqualitatem subditi demiserit, tanti cri-
 minis reum prurunciavit. Quanquam
 non corrumpit lenitatis gloriam, debita in
 malos severitas. Crudelis lenitas est, quæ
 vitia palpat, non curat. Nimia clemen-
 tia non Regis virtus, sed regni virus.

Qui

Qui malos sustinet, non clemens dicitur,
 sed ignavus. Ingloria laus est, & probrū
 clementiæ, iniqua patientia. Non irasci
 perversis, non est pij animi, sed perversi.
 Infelix illud regnum, in quo impunita fel-
 citer regnat malitia. Pusilli animi est,
 inconsulta clementia. Aliena scelera facit
 sua, qui eis indulget. Ut multā asperitate
 Principis exulcerantur subditorum animi; sic
 nimīā lenitate solvuntur. Nihil boni speran-
 dū in regno, ubi vitia magna regnū obtinent.
 Magnū boni Principis arcanū est; ut subditos
 ad bonū flectat, rebelles plectat. Flagitia pa-
 trat, qui parcit flagitiosis. Nemo medicorū
 tyrānnus audit: cū putido sanguine tumen-
 tes venas incidit. Ne renuas molli fomenta
 medentia tactu: sava manus Medici, ni pre-
 mat, ulcus erit. Docet scelera, qui parcit
 sceleratis. Corrūpit bonos, qui tolerat malos.
 Hinc effrenem Magistratuum licen-
 tiam, despoticum in subditos dominatum
 Procerum, & profligatissimos potentiorum
 mores legibus cōercuit. Turbūlenta verō
 seditioforum capita ferro abstulit. Non
 F4 igna-

ignarus, quod nihil est perniciosius Reipub-
blica, quam civium seditio. Turbulenta
capita Respublica turbant corpus. Inter
domesticos dissidium, exitiale est regnorum
venenum. Civium secta, regna secant.
Seditiosi homines vipera sunt, quæ matris
rodunt viscera; fulmina sunt, quibus con-
cipiuntur, iisdem non parcant nubibus, sed
eas suo lacerant tumultu. Illud quoq; ac-
cedit in laudem Casimiri, quod latas à Præ-
decesore fratre suo leges, liberæ genti
graves, abrogavit: pares verò ferendo in-
stituit, & observari curavit. Non igna-
rus, quod legibus Respublica ad diuturni-
tatem firmatur. Bonis legibus & Reges,
& regna conservantur. Custodia legum,
est custodia Regum. Tria conservant Re-
publicam, bonus Rex, bonus grex, & bona
lex. Non aliâ re magis labefactantur re-
gnorum status, quam violatione legum. Præ-
sentis duntaxat sæculi, communis est lex,
nullam servare legem. Nihil faciunt le-
ges, nunc sola pecunia regnat. Pereunt
discrimine nullo amissæ leges. Nulla est
reve-

reverentia legum, nec metus, aut pudor
 est. Multi sunt, qui attendunt legibus ut
 alios convincant, ipsi verò vivunt exleges,
 quibus quidquid libet, licet. Et quamvis
 Regem lex regit atq; gregem; & leges ho-
 minum Dominas, non homines legum Domi-
 nos esse oportet; sunt tamen, qui invertunt
 ordinem; non legibus subditi, sed leges sibi
 subditas esse volunt. Quia verò parum
 est Principem in homines esse bonum; nisi
 sit etiam in Cœlites pius. Ideo religiosis-
 simus hic Princeps, plurimas Deo, Divisq;
 extruxit Basilicas; Sacrum Divi Floria-
 ni Martyris corpus, ad tuenda regni con-
 finia, à Romana Sede impetravit. Et
 certè frustrà Poloni cingimus oppida muris,
 & arces arcibus addimus; delubra si squal-
 lent, & altis Cœlitum viret herba tectis.
 Frustrà caduci fulminis artifex moles ab
 alta turri remugit; si mœsta respondere
 cantu templa negant, superùmq; pridem
 sacrò stupefiant ara silentiō. Dei cultus
 & Divorum, tutissimum est præsidium Re-
 gum, & regnorum. Et illud non præte-

reundum, quod Miecislao Haliciæ Duci
 ereptum Ducalem titulum, vi & armis
 vindicavit. Nec in solos cives, regniq;
 sui amicos, etiam inhostes benevolus ex-
 titit. Depresso namq; foedifrago Prussiæ,
 Russiæ, & Pomeraniæ fastu, veniam illis
 donavit. Tot itaq; immortalibus factis
 plenus, in festivo convivio de immortalitate
 animæ discursu facto, subitâ morte è
 vivis est sublatus: immortalia suorum
 facinorum præmia ab ipso cœlo recepturus.
*Bono enim Principi premiando, sola par esse
 potest immortalitas.* Justa justo Principi
 persoluta Cracoviæ. A. D. 1194.
 regni 12.

IMAGO LESCONIS ALBI.

Lesco Casimiri Justii filius, ab albo ca-
 pillitio, albi agnomen sortitus, ante an-
 nos curamq; gerens, animumq; virilem, in
 puerili ætate ad solium est assumptus. Cui
 mens ardua semper à puero, tenerisq; etiam
 fulge-

fulgebat in annis. Hic ore puer, pueriq;
 habitu, sed corde sagaci æquabat senium,
 atq; astu superaverat annos. De illo di-
 ci potuit: *Capisti, quâ finis erat; primor-
 dia tanta, vix pauci meruere senes.* Et
 quia *teneris est lubrica moribus ætas;* cum
 Helena matre sceptrâ tenuit, sed haud
 feliciter. Nec mirum: *Rectus perverti-
 tur ordo, si fœmineis manibus sceptrum
 comittitur: quas ipsa natura ad solum de-
 stinavit.* Majus miraculo est, si mulier
 benè regat: quæ regi, non regere nata, pa-
 rere, non imperare. Verba & componere
 fraudes, hoc unicum didicit fœmina semper
 opus. Est crudele genus, nec fidum fœ-
 mina nomen. Nulla ferè causa est, in qua
 non fœmina litem moverit. Experta id
 Polonia muliebri sceptro subiecta, exper-
 tus ipse Lesco à matris genio pendens, &
 arbitrio. Ter sceptris privatus erat: se-
 mel à Miecislao Sene armis è solio detur-
 batus, deinde ejusdem fraude captus, ex
 Imperio pulsus; tandem à Polonis regno
 fuit exclusus. Sublato tamen è vivis Mie-
 cislao,

cillao, rediit ad regimen non abiturus.
 Quod ita obivit; ut omnes Imperium sibi
 ferò datum dolerent. Princeps tot ma-
 lis eruditus; nulli nisi pessimo erat malus;
 Legum Patriarum & custos, & assertor
 fuit; rigorem iustitiæ clementiâ tempera-
 vit; & fontes punire, & insòntes tueri no-
 vit; ad honorum insignia dignos, & benè
 meritos promovebat. Et certè *felicior sta-
 tus est, in quo sub malo Principe ad digni-
 tates adhibentur probi; quàm ubi ab optimo
 Principe eleuantur improbi. Periculosus
 ille honoris est ascensus; cui nullum virtus
 extruxit gradum. Præcedat virtus est
 necesse, si comes è vestigio insistat honor. Ma-
 gnus honor, magnorum scelerum non paucos
 fecit captivos; qui virtutem in suppetiis
 non habuerunt. Nemo dignior honoribus, quàm
 cui virtus suffragatur. Nec solem latere,
 nec virtutem delitescere convenit. Opti-
 matum nomen & gloria, non nisi optimis
 debetur. Par est summis, qui non impar
 optimis. Nullus est eminentior è Proceribus,
 quàm quem procera virtus, & meritorum
 magni-*

magnitudo ad sublimes honorū evexit apices. Reddit honoribus vices, qui eos emerita cepessit manu. Virtutis præmium, rectè factorum merces, meritorum corona, debet esse honor. Et sicut bonis erat gratus, ita iniquis erat formidabilis. Romanum Haliensium Ducem olim à se creatum, beneficii immemorem, provincias suas invadentem, felici Marte profligavit. Tantis tamen virtutibus non favit fortuna: namq; à Sventopelco Pomeraniæ Governatore callidè in balneo circumventus, inde seminudus profugus, post feralium undarum usum, proprio sanguini immersus occubuit. Ita certè à nulla majestate procul est casus. Fortuna volucris ludimur impetu. Statur casibus: occidit quod surgit. Supremas quas dedit, auferet fortuna mitras. Nihil solidum diu stetit: in victa fatorum series; summissq; negatum stare diu. Excelsis prærupta adiacent. Quod est summum, proximum casui. Cælum pisum, quo nihil altius occurrit aspectui, fatum expectat.

[131]
IMAGO BOLES LAI
PUDICI.

Boleslaus Krywousti nepos, Pudici nomen sortitus eò quòd cum Cunegunde Regis Hungariæ filia, thori & throni sui consorte, in perpetuâ vixerit castitate. *Rara est virtus pudor in purpuris, verecundiâ in curiis: Rarum pratum sine flore, rarior juvenis sine amore, rarissima Principum aula cum pudore. Pudet plerumq; in aulis non esse impudentem. De virtutibus huius Principis non quære, ex Polonorum paroemia conijce: ubi pudor est, virtutem ne quæsieris. Scilicet, verecundiâ virtutis index est. Ubi pudor regnat, cetera virtutes famulantur. Sanctus tamen hic Princeps, parem magnis suis virtutibus fortunam non habuit: Sæpè enim optimis, pessima, pessimis, optima eveniunt. Iniqua rarò maximis virtutibus fortuna parcit.* Conjurasse in eum visa sunt infortunia, ac imprimis Tartarorum armis, & Conradi Patruï sui bellò pressus,

pressus, ad Belam Hungariæ Regem è
 Patria fugere debuit. Subsecuta diram
 armorum messëm ingens fames, pestifer
 aër, civium seditio, provinciarum à vici-
 nis gentibus vastatio, innumeraq; regni
 mala sunt comitata. Nempè *raro solita*
incedunt magna infortunia. Fatale
 malorum semen est, casus prior parit sequen-
 tem. Sape præsens malum gradus est futuri.
 Miseriarum non finis queritur, sed mate-
 ria mutatur. Vocant se in subsidium ca-
 lamitates: nec sinè earum mutua societate
 stare potest factorum malignitas. Tantò
 tamen illustrior erat Boleslai virtus; quan-
 tò fortior in adversis. Nempè apparet
 virtus arguiturq; malis. Magis spectatur,
 qui læsus ex prælio, quàm qui integer domũ
 redijt. Tantò erat dignior & laudabili-
 or Princeps; quantò patientior. Scilicet,
 adversis probitas exercita rebus, tristi
 materiam tempore laudis habet. Quisquis
 duros casus virtutis amore vicerit, ille si-
 bi laudemq; decusq; paravit. Nec caruit
 solatiò longa Principis patientia, eluctatus
 enim

enim ex malorum congerie, & Conradū
 Poloniæ Regnum ambientem, Belæ Regis
 Hungarorum suppetiis fultus, armis cōer-
 cuit; & Tartaros prædam in regno agen-
 tes, ferrō expulit. Henricum quoq; Vra-
 tislaviensem Ducem, cum numeroſo ex-
 citu graſſantem proſtigavit; Jazwingas
 unō præliō ad internecionem delevit: Ruſ-
 ſiam demū, Sileſiam, & Moraviam vin-
 dice gladio ſubjugavit. Sicq; *flebile prin-*
cipium, melior fortuna ſecuta eſt. Et cer-
tè creſcunt difficili gaudia jurgio. Gaudia
præmiſſi cumulant inopina dolores. Vera
proles lacrymarum eſt voluptas. Ceu rore ſe-
ges viret, ſic creſcunt riguis gaudia fletibus.
Multa dies, variuſq; labor mutabilis ævi
retulit in melius. Sæpè tulit laſſis ſuccus
amarus opem. Sæpè Iovis telō quercus ad-
uſta viret. Gaudet em̄ ſummis venalis
fama periclis. Mæſtum ſol bodie, cras
latum roſeo promet ab aquore caput. Al-
lerno redeunt choro, riſus & gemitus / &
madidis prope ſicci cum lacrimis joci. Na-
ſcuntur mediis gaudia ludibus. Cū leves
viſent

visent tua tecta casus, latus occurreris. Pe-
reunte luctu, faustitas & pax subeunt eos-
dem saepe Penates. Imò dulcius est post
adversa solatium, gratior post decumanos
fluctus malacia. Dulce loqui miseris, ve-
teresq; reducere questus. Porro rebelles
seditionum civium animos, quos aurò
non flexit, plexit ferrò. Turbulenta namq;
civilium seditionum capita, ferrò quandoq;
facilius domantur, quam aurò. Cæterum
inconditos discordantium Polonorum mo-
res, salisfodinis ad vota Cunegundis suæ
coelitus apertis temperavit. Tandem post
tot thori throniq; miracula, exactis in
folio annis 52. ad cælum pro pudicitiae præ-
mio evocatus. Nullam reliquit posteri-
tatem, præter Regiæ innocentiae famam
immortalem.

IMAGO LESCONIS NIGRI.

Lesco hic Dux Siradiensium, ab atro
vultus colore Niger appellatus, post Pu-
dicum

dicum Regem Patruum suum, in fortunæ
& gloriæ hæreditatem successit. In ipso
regiminis exordio bellum cum multipli-
ci hoste nactus, pro Ducali tiara milita-
rem galeam assumere debuit. Verùm
tutelaribus Divi Michælis suffultus sup-
petiis, feliciter illud superavit. Ingentes
Russorum, Tartarorum, Lithvanorum,
Jazwingarumq; in Palatinatu Lublinensi
grassantium copias fudit, fugavitq;. Scili-
cet, *feliciter in prælio vincit, cui Calitum
adsunt suppetia.* Sed atrocius hostili do-
mesticum in Patria discordantes cives mo-
vērunt bellum. *Melius enim est ab ex-
terno hoste premi, quàm à domestico oppri-
mi. Pejor est bellô pax, quæ arcano ubere
bella lactat. Honestius est cum hoste bel-
lum, quàm pax civibus turbulenta.* Nihil-
ominus ut felix in hostico victor, ita glorio-
sus in Patria extitit triumphator: ubi civi-
bus supplicium ob seditionem promeritis,
veniam & vitam supplicibus donavit. Et
certè *tot cicadas meretur coronas Princeps;
quot perire volentes servat cives.* Fædan-
tur

tur triumphales victorum lauri; si civili sanguine polluantur. Melius est unum servare civem, quam mille hostes occidere. Illa maxime corona victorem Regem decet; quæ à servatis civibus, civica appellatur. In bello civili, & qui cadit, & qui cadit, æquè est inglorius. Pulcherrima est virtus, civilis sanguinis parsimonia. Turpissimū vitium, civium laniena. Nulla in bello civili victoria, citrà vitium. Nullus de civibus triumphus, citrà crimen. Tantæ verò moderationis animi, & lenitatis erat Lescò; ut ne in hoste quidem captivos sævire voluerit. Vincere enim hostes, heròum est, sævire verò in eos, tyrannorum. Est vinci miserum, non semper vicissè, decorum. Tantis tamen armorum animorumq; victor fuisset gloriosior; si illatas sibi leves à Conrado Mazoviæ Duce injurias; ferro & igni non vindicasset; cognatoq; sanguini funestum bellum non intulisset. Magnus enim est Princeps, qui magnitudinem suam non tam imperiò, quam imperii moderatione, non tam hostium, quam hosti.

*hostilium suorum affectuum victoriis metitur. Ultionem hanc divina Nemesis castigavit. Mox enim aggressi Lesconem Tartari, potiori ex parte prædatorem ejus exercitum, ad tartara transmiserunt. Lesco verò turpiter è prælio profugus, multos suorum alienis prædis onustos, trajciendo flumen ad stygem misit. Tandem re-lux in Patriam amisso exercitu, & ipse in spolium cessit morti, Anno Domini 1289. Ex hac catastrophe istud erue documentum: *Semper cognati sanguinis ultor DEUS; triumphales laureas, in ferales transplantat tåxos. Sape nimiam ultionis sitim, ultrix Nemesis proprio ultoris restinguit sanguine. Vindicta lucrum est, in ipsa interdum vinci victoria.* Quanquàm & Conradus vel ideo vindex ferrum & ignem meruit, quòd Joannem Czaplam Canonicum Plocensem, Scholasticum Vratislaviensem, pietate & Doctrinà insignem, innocenter impio multavit suspensio. Hic excommunicationis poenâ in Synodo Łęczyceński latâ castigatus, sacri-legum*

legum luit crimen. A Gregorio IX. summo Pontifice absolutus, Lovicium pro Episcopatu Gnesnensi, cum adjacentibus bonis donavit.

DECAS IV.

Imaginum.

IMAGO PREMISLAI II.

PREmisslaus Majoris Poloniæ, & Pomera-
niæ Princeps, ablatam ob sacrilegum
in Divo Stanislao, per Boleslaum Audacem,
perpetratum crimen, tandem aliquando,
post ducentos & quindecim annos Coro-
nam recepit, inauguratus anno Regis Re-
gum 1295. vigesimâ sexta Junii Gnesnæ,
à Jacobo Swińka Gnesnensi Archi-Episco-
po. Princeps hic cum imposito capiti suo
diademate, regni curas suscepit, seq; totum
commodis Patriæ & civium devovit. Et
certè: *Nihil est augustius, quàm ad uni-
versa boni publici commoda, non verò ad
superbiæ fastum coronam gestare. Deducus
regnan.*

regnantis, est Reipublica calamitas. Non
 illustrat eum Principem fulgor auri; quem
 communis damnat inopia. Nihil magis in-
 timum cordi esse debet Principis, quàm bo-
 ni communis amor. Arma exui possunt à
 Principe, amor boni publici nunquam depō-
 nendus. Sinè trabea amoris, vividissima
 frigescent Imperia. Sinè purpura Chari-
 tatis, frustra regiū fulget paludamentū. Ma-
 gneticum amoris est robur, rigentia ferro
 pectora mutuos trahit in amores. Amor
 amorem serit: amor amoris est planta, &
 fructus. Hinc effecit boni publici, & ci-
 vium amantissimus Princeps, ut omnium
 corda in sui traxerit amorem. Sed fato-
 rum invidia, magna solatia non concedit
 esse diuturna. Sors nulli purior unquam al-
 luxit, nituitq; diu; sed læta profanat luctus
 atrox, didicitq; diē spoliare serenō. Rarò fe-
 licitas pervenit ad senium. Regna ut mare
 momento vertuntur. Nunquam sincera bono-
 rum sors ulli concessa diu. Res DEUS nostras
 celeri citatas turbine versat. Una dies quan-
 doq; Parens, quandoq; noverca. Nihil nimi-
 um diu

um diu stetisse, nec perenniore spe solidum
 radiasse, magni sanxere Divi. Effet hu-
 manis aliquod levamen cladibus; si res ca-
 derent eadem, qua morâ surgunt: sed hu-
 mant repente alta ruina. Dum namq; in-
 gresses Premissus medicatur actus, octavo
 regni sui mense à Marchionibus Brande-
 burgicis per insidias, vitâ simul & purpu-
 râ est exutus, ipsis Bachi Hilariis ad par-
 ricidium abusi hostes dicatâ piacularibus
 cineribus die, innocentissimam sui victimam
 in favillam redegere, & lætissimam gau-
 diorum scenam, tristi catastrophe fune-
 stârunt. Sic nulli sereno non inimicus for-
 tunc turbo. Alternat fortuna vices. Mi-
 scetur tristia lætis, nec populum toto pe-
 tore festa jurant. Ordinarius rerum hu-
 manarum stylus est, epinicia cum epicadiis
 confundere. Tristia lætisonos funestant fa-
 ta triumphos. Scilicet fors incerta vagatur:
 fertq; refertq; vices, & habent mortalia casû.
 Torva securibus fortuna, Reges destinat
 hostiam: Et quos coronavit, macello fune-
 redm parat in tributum. Sape magna sere-
 nitas

*nitæ fulminavit. Sæpe feralis erupit tem-
pestas, è felicitatis malacia. Hinc moneat
Pœta: Ne malè mobili permitte fortunam
carinæ; ambigus vehit illa ventis.*

I M A G O V E N C E S L A I B O H E M I.

Venceslaus Rex Bohemorum, scissâ in par-
tes Republicâ, simul cum Vladislao
Lothico Lesconis fratre in Regem est ele-
ctus. Lothicus tamen post quadriennium
usurpati Imperii, propter impudentiæ li-
centiam à Polonis rejectus, Venceslai labo-
rioso Marte armis pressus, non tam liben-
ter quàm reverenter cessit Imperiò. Ita
profectò, *arduum est ad coronas iter. Non
rardò ad regnum ferreâ eundum est semitâ.
Gloria difficili parta labore venit. Post
devoratos bolos, fructus laboris honor, datur
in obsonium. Succedit serenum gloria, post-
quam frons laboriosa depluit sudoris imbres.
Illi fronti pulchrius incumbit diadema, quam
laboriosa manus lavit sudore. Optimus ho-*
norum

orum architectus labor, aeternum perennaturae gloriae fabricat capitolium. Non attinget gloriae bravium, qui deside passu decurrit olympia. Ardua per praecipua gloria valet iter. Nec juvat ex facili lecta corona iugo. Imò sapientiae sanguine cum multo regalis gloria venit. Rarus in regalis auri possessionem, sine ferro venit. Sape regio diademati, praemittitur galea militaris. Sapientiae gladius sceptro locum parat. Raro purpura absq[ue] humano sanguine rubuerunt. Rarissime pomum aureum cedit in honoris obsonium; nisi prius mala ferrea degustentur. Princeps hic belli finem facturus, connubiale fœdus cum Rixa Premislai Regis filia, in sociam throni & thori assumpta inivit. Sed hæc rixas inter Polonos & odia erga Principem generavit. Ex ejus enim consilio Venceslaus in Bohemiam digressus, dum se oculis Polonorum subtraxit, ab animis est exclusus. Non semper iudicio Taciti major est longinquæ maiestati reverentia. Sape vapulat civium odiis absens Majestas Prin-

ceps non visus, plerumq; sit invisus. Quan-
tùm oculis, animò tam procul ibit amor.
Absenti nemo non nocuisse velit. Multa
de absentibus mala creduntur, plura & pe-
jora narrantur. Et illud non levis odio-
rum materia fuit; quòd ivadente Rixa
abiturus in Bohemiam, extris Imperii
commisit fasces. Passim Paternis displicet
incolis externa virtus. Frustrà mu-
neribus publicis exotica praficiuntur subje-
cta; dum domestica sunt paria, vel certè
aptiora. Cui melior domi; capaxq; penna
copia suppetit; frustrà peregrinos laborat
ad cytheram revocare Manes. Cæterùm
exterus Princeps dum Polonos minus sibi
fideles credidit, fecit: dumq; falli timuit,
fallere docuit. Quanquam & incredu-
lum esse & non circumspèctum in credendo.
non caret vitio: & omnibus credere, &
nulli, temeritas est. Fide parùm, multumq;
vide, nam fidere multum, & fidisse pa-
rùm, maxima damna parit. Principem
oportet esse ita sincerum & fidelem; ut de-
cipere non velit; ita prudentem & circum-
spèctum;

speculum; ut decipi non possit: decipere malignitatis, decipi simplicitatis est. Credulitas error potius, quam culpa videtur: est error, nimium credere, culpa parum. Qui cuivis quodvis credit; malè creditur illi: quò credis mihi plus, hoc tibi credo minus. Fide, sed absq; vide. nulli jam credere tutum: ante retroq; vide, ne capiare fide. Princeps hic Venceslaus in suo regno peregrinus, mortuus est peregrè in Bohemia Pragæ Anno Domini 1305. ætatis 34. regiminis 5. tumultatus est Vratislaviæ. Didicit sub hoc Prinbipe Polonia illud: Qui duobus præest regnis, alterutri deest; nec unum caput bino corpori, nec unus Princeps duplici regno sufficit. Sol unus, duo simul non illustrat b. misphæria: quoties uni oritur, alteri occidit. Satiùs est unum agere benè, quam multa malè. Pluribus intentus, minor est ad singula sensus.

IMAGO VLADISLAI
LOCTICI.

Non ex pusilla corporis statura, sed ex animo viri metiendi. Latet quandoq;

in Pygmaeis Giganteus animus. Non raro
in humili corpore, excelsa virtutis eminet
proceritas. Parva quoq; res, magnis motibus
aguntur. Unde gloriatur non nemo: Cor-
pore sum parvus, sed mente cacumina scan-
do. Hinc monet Pœta: Corporis exigui
vires contemnere noli. Maxima in exi-
guo regnabat corpore virtus. Parva ne-
cat morsu, spatiosum vipera taurum. A
cane non magno, sæpè tenetur aper. Do-
cumentum hujus rei præbuit in se Vla-
dislaus Loctici agnomine à cubitali fere
corpore appellatus. Princeps hic ad
summa natus, & virtutum magnitudine
præditus, nihil habuit humile, præter sta-
turam. Et quia ordinariè mali amores,
corrumpunt bonos mores; omnes in eo ex-
cellas animi dotes, parvus Cupido cum
Venere minuit ac depressit: ideoq; olim
cum Venceslao simul electus, regno thro-
noq; pulsus est à Polonia. Amans tum
virtutis erat Polonia; quia vitia Princi-
pum oderat. Alias purpurata scelera ra-
rò displicent. Speciosa sunt crimina, quæ
in pur-

in purpuris nutriuntur. Peccanitum claritas nobilitat culpam. Plerisq; vitia Principum imitari, genus quoddam obsequij est. Plures sunt, qui possimos mores sectantur, quam qui insectantur. Non paucis probro est, Magnatum vitia non sequi. Abominibus pleno ore bibuntur, & aliis propinquantur errores, si eos ipse Princeps prior hauserit. Sape Principes bene agunt soli: sed raro male agunt soli: quia subditos in bono exemplo varius habent sequaces. Invenit etiam amulos infelix equitia, Criminossissima sunt scelera paludata, si palam data. Namq; conspectiori lumine proditur affine, magnis crimen honoribus. Regium perenniori se scelus induit aternitate, & inter omnes a populo recitatur annos. Annales taciti Regum delicta loquuntur. Nempe vita Principum, censura est populorum, eaq; perpetua; nec potest dari regalibus unquam secretum vitiis. Postquam tamen exutus purpurâ Vladislaus, melioris vitæ induit mores; defuncto Venceslao admisus est ad folium. Hic impetrato a Joan-

ne XXII. Pontifice Maximo, regio diademate [quod olim per totum quadrien-
nium usurpare non audebat Venceslaus,
cum quo divisis Reipublicæ suffragiis ele-
ctus feurat] Cracoviæ simul cum Hedvi-
ge Conforte sua est coronatus Ab hoc
tempore Cracovia coronandis Regibus,
per legem est destinata. Loticus par
maximis animo, bis coronatus, bis est un-
ctus. In ipso regni aditu armis hostium
est impetitus, non fractus: quos ferrò vin-
cere par non erat, ingenio superavit.
*Namq; petenda sunt ab ingenio suppetia,
si alia desunt auxilia. Imo gloriosius est
vincere ingenio, quam ferro. Potentior est
armis in bello industria & stratagema.* Ne
itaq; Gediminus Dux Litvaniæ suos va-
staret fines; eum sibi affinem fecit, filiâ
Gedimini Casimiro filio suo elocatâ cum
hac dote; ut bello capti Poloni, Poloniæ
redderentur. Tanto affinitatis nexu auctus
Vladislaus, multa Cruciferorum millia
aliquoties vicit, fugavitq; & ad firmandas
pacis inducias cœgit. Didicit tum Po-
lonia

lonia quod ingens potentia firmamentum est,
vicinorum Principum amicitia. Exantla-
tis verò belli laboribus, dum tantisper re-
spirare voluit; natus ad Martem Princeps
expiravit in Martio, Anno Domini
1333. Si tamen expirasse eum dixeris,
cum Heroës etiam post fata vivant. Quip-
pe hanc Heroum interitus habet felicitat-
em, ut etiam post mortem triumphent im-
mortales. Vivit post funera virtus bellica.
Mors ipsi vita perennis erit. Qui morien-
do, famam pro vita substituit; esse desinit,
vivit tamen. Vir bonus etiam si moriatur,
vivit. Non moritur, qui in suorum pecto-
ribus aeternum vivit.

IMAGO CASIMIRI
MAGNI.

CAsimirus Vladislai Loetici filius, cum
Anna Consorte sua Gedimini filia, co-
ronatus, à proceritate corporis Magnus
vocatus, mensuram nominis non implevit:
nihil enim in se habuit magnum, præter
staturam. Sed vana Nominum jaëtantia. Ut
sub magnorum nominum titulis desides, ita

*sub minutiorum nominibus, generosos sæpe
 videmus. Parvum, id est vilem, suam
 quemq; vitium facit. Nullus bene magnus
 creditur, qui cupidatibus est minor. Sola
 virtus est, qua nos magnos facit, & maxi-
 mis pares efficit. Sine virtute nulla est
 magnitudo, sed tumor. Quem propius polo
 procera virtutis statura magnanimis socia-
 vit ausis, hic magnus esto. Princeps hic
 à Crucigeris paterno olim ferro subjugat-
 is, laceffitus ad bellum, Veneri non Bel-
 lonæ deditus, bellandi necessitatem negle-
 xit: imò iniquis conditionibus ingloriam
 cum illis pacem stabilivit. Ita sanè sæpe
 bellicosus parentibus, ignava nascitur so-
 boles. Et quamvis paterna prolem forti-
 us allicit, urgetq; virtus; ille tamen ri-
 gatas hostili sanguine à Patre laureas,
 marcescere permisit. Russiam nihilomi-
 nus ter in eam ducto exercitu subjugavit,
 & Reipublicæ corpori adjunxit: interim
 hanc de Russis victoriam redux è bello,
 victus à Venere funestavit. O quam tur-
 pe est, si victoris armatus ferrò manus,
 exar-*

exarmat Venus! Si victrix dextera pro
 triumphali lauro, meretricium præfert myr-
 tum! Infelix ille victor, qui regnis provin-
 ciisq; subactis, seipsum subdere nesciat, aut
 negligat. Ita sanè. Rara est felicitas,
 pax absq; vitiorum confinio. Sub auro am-
 bitio, & insolens rerum usus crescit. Sub
 pacifica oleæ umbra, torpor, & animi le-
 thargus, plurimaq; vitia stabulantur. Ar-
 mu bello, pace franguntur bellatores. For-
 tes Capua effeminat Annibales. Verùm
 hanc Regis libidinem, ultrix divina Ne-
 mesis, immissa toti Regno fame, & pesti-
 lentiâ vindicavit. Ita præfecto. Quidquid
 delirant Reges, plectuntur Achivi. Sup-
 plicium meruere potentes, turba subit pœnâ.
 Crimen erat Domini, castigat pœna colonû.
 Exiles animæ subeunt sine crimine pœnas.
 Quas meruit pœnas solus, digessit in omnes.
 Sæpè delicta Principum, luit innocentia po-
 pulorum. Nihilominus Princeps hic Va-
 ticano tactus fulmine resipuit, & quid-
 quid in suis pravo exemplo destruxerat;
 postea sacrarum Ædium constructione,
 Gs comi.

comitate & humanitate in omnes, demissione ad singulos, pauperum ab injuriis tuitione, legum sancitis, libertati minimè præjudiciosis, cœterisq; innumeris virtutibus reparavit. Et quod maximum est, rem nomine suo, & magnis miraculis majorem præstitit, dum libidinosos correxuit, & abolevit mores. *Facilius enim est mortuum ad vitam suscitare, quàm admissam libidinem animo excludere. Maius est depravatos cupiditatibus mores corrigere; quàm cupidinem nunquam nôsse.* Insuper dicatam nominis sui recordationi urbem extra Cracoviensia pomæria excitavit. His itaq; ingentibus in Superos & Patriam meritis, impletâ magni mensurâ nominis, in venatione delapsus equo, ad Optimum Ter Maximum pro præmio rectè factorum est evocatus, Anno Domini 1370. Princeps hic coronatam per tot annorum seriem, Piaſti posteritatem, exitu suo, veluti ultima clausit coronide.

152
IMAGO LUDOVICI
HUNGARI.

*M*irum est [inquirebat Sigisfuundus Imperator] quòd cum omnes recusent exercere artem, quam non didicerunt; nemo tamen recusat imperare, tametsi artem imperandi, quæ est omnium defficillima, nunquam didicerit. Ludovicus tamen Rex Hungariæ ad sceptræ Poloniæ invitatus, oblatos sibi à Polonis fasces recusavit: nec admisisset, licet peritus regiminis, nisi importunis precibus vinceretur. Et certe melius est ad honores ferri, quàm ire. Felicissima [vox est Augusti Cæsaris] Respublica foret; si à nolentibus gubernaretur: quippe turpe est [inquit Plato] ultrò, non verò coactum ad Imperium accedere. Nemo Imperio magis est dignus; quàm qui noluit imperare. Nihilominus verius est illud: Rarò beatâ floret adorea coacta virtus. Non benè respondent coacta ingenia & Imperia. Documento est Ludovicus Rex Hungariæ: qui precibus Polonorum
G6 regna-

regnare coactus, non ad vota populorum
 Rempublicam gubernabat. Ad primum
 solii limen in odia civium impegit: eò
 quòd sæpius ex Polonia in Pannoniam
 excurrens, Rex potius Pannonicus, quàm
 Polonicus dici & esse maluerat. Auxit
 odiorum materiam, quòd se absente matri
 suæ Poloniam reliquerat gubernandam.
 Non benè gnarus, quòd *partò heròum ma-*
nibus sceptrò, nata ad fufum manus, benè
uti nesciat. Virilis Polonorum thronus,
muliebre odit Imperium. Unam duntaxat
Poloni habuere Vendam, quæ ut se virum
probaret, nubere noluit. Absente à Polo-
 nia diu Principe, longum successit legum
 silentium, & nullis non aperta via sceleribus.
Magnum nempe regnis adfert mo-
mentum, Regum præsentia. Ut solis, ita Re-
gum absentia favet sceleribus. Urget
præsentia Turni. Præsentia quivis Rege
modestior, se pariori dissipat agmine furor,
videntiumq; quodvis non patitur scelus ora
Regum; at mox remoto Rege, licentia in-
vadit amplis regna tumultibus, imisq;
 permix-

*permiscendo summa, indomiti quatit æra
vulgi. Coeterum Princeps hic, dum Russiam
Polonorum armis vindicatam, Hungariæ
Regno adiungere cogitat, Poloniaq; ampli-
tudinem minuere meditatur, ipse vitâ &
vitâ est privatus, Anno Domini 1382. Itâ
sa nè patrandæ nemo non sibi destinât: at fæ-
ta vanis pollicitis dies, vanescit in noctem,
& per omnes sæcula præcipitantur horas.
Humana omnia nihil sunt, nisi conceptus
inchoati. Multa promitti speciosius possunt,
quàm fieri. Multa facilius dicuntur, quàm
funt. Sunt nulla in limite vota.*

IMAGO VLADISLAI JAGIELLONIS.

VLadislaus Jagiello, Magni ducatus
Litvaniæ Princeps, Olgerdi filius, ne-
pos Gedimini; regiis & egregiis dotibus
ac famâ Hedvigis Ludovici filiæ ductus,
in Sociam vitæ illam expetijt. Principis
huius voto annuerunt Poloni, cum his
conditionibus; Ut imprimis relicta errorum

caligine, Christianæ fidei face Hymænei
 toedis præluceret, item, ut arces & provin-
 cias, Litvanorum armis subactas, Poloniæ
 restitueret: insuper, ut Ducatum Litvaniæ,
 Reipublicæ adunaret: non ignari, unitam
 virtutem esse fortiolem. Hinc Sarmaticus
 svadet Apollo: *Sive res bellis agitata
 sive pace; collatas sociate vires. Alta cente-
 nis melius, recumbunt templa columnis. For-
 tius emicat unita virtus; æpiores juncta The-
 tys, decumat procellas. Magnum est conjun-
 ctio robur. Dum singuli pugnant, vincuntur
 universi. Unitas civium, Regum est unio
 & oramentum, regnorum robur & firma-
 mentum.* Hæc omnia Vladislaus implere
 appromisit: & fecit. Cracoviæ itq; sacro
 fonte ablutus, suorum votorum compos,
 connubiali nexu Hedvigi est sociatus, &
 coronatus. Tanti Principis exemplum se-
 cuti plurimi Litvanorum, una cum Vi-
 toldo Chittinam fidem ultrò suscepere. Sci-
 licet, *Regis ad exemplum, totus componitur
 orbis. Non opus est imperio, ubi jubetur
 exemplo. Quidquid faciunt Princeps, ver-*
 bis

bis quamvis fideant, exemplo imitant.
 Morum, quos fecit, præmia Doctor habet.
 Nobiliora tenent animo, exempla pudicos.
 Dant exempla fidem, qui facit, ille jubet.
 Ex unius picturâ, plurimorum imagines pos-
 sunt effingi. Mobile mutatur semper cum
 Principe vulgus. Rex velit honesta, nemo
 non eadem volet. Facta Principum non in-
 vitant, sed cogunt subditos ad imitationem.
 Nihil prosunt verba si absint exempla. Mu-
 tus Orator meliora suadet. Cultiores sepe
 evadunt auditores, si non lingua tantum,
 sed etiam virtutis morumq; limâ petrahan-
 tur. Hac est Principum felicitas, ut quid-
 quid faciunt, sit pro imperio. Exempla Prin-
 cipum, sunt mores populorum. Et quia è
 sensu politicorum: In omni Republica, in-
 ter omnes regni curas, debet esse religionis,
 & rerum divinarum sollicitudo: Vladislavus
 Apostoli functus officio, totum sese
 propagandæ fidei studio devovit. Non
 ignarus, quod Religione stante summa per-
 stant Imperia, hac ruente, corruunt. Eidem
 pio operi promovendo, Cracoviæ Acade-
 miam

miam erexit, accitis ex Pragenſi Uliverſitate Magiſtris. Auſtus viris & viribus Vladislaus, nec non compoſitis inter cives & cognatos internis diſſidiis, arma vertit in Crucigeros. Horum tumidus Ordinis, Magiſter Uliricus, ſpē victoriam devorans, intento ad aras rei ſacræ, Prīncipi cūm Vitoldo, bincos miſit gladios; cunctationem exprobrando. Verūm *Spes tumida crepuere vento*, poſt peracta namq; divina Myſteria, Vladislaus aggreſſus armis Crucigeros, quinquaginta illorum millia ferro delevit, inſuper capto Ordinis Magiſtrō, quadraginta quatuor millia duxit in Poloniam. Ita certè *Qui in ſpem nimium ambitioſus peccat, à vindice Nemefi plēditur. Non eſt nimium de fortuna præſumendum. Meretur vinci, qui ſe vinci non poſſe putat. Perſapē in portu fracta carina natat. Sapē immatura gaudia, aditum hoſtibus præbuere ad vincendum. Non exſpectato, vulnus ab hoſte venit. Satiūſ eſt nimium cavere, quā nimium audere. Ut verō totam victoriam Domino Exercituum;*

cituum, ejus auspicio triumphavit, re-
ferret; quinquaginta duo hostilia signa,
in Basilica Cracoviensi, in trophæum ap-
pendit. Exactis tandem 52. annis in Im-
perio, Victor hostium, & zelosissimus Or-
thodoxæ Fidei propagator atq; propugna-
tor, ad cœlestem lauream est evocatus,
Grodoci Anno Domini 1434. Sub hoc
Principe Anno 1414 Constantiensis Sy-
nodus, Archi-Episcopo Gnesnensi, Pri-
matis titulum declaravit.

IMAGO VLADISLAI III.

VLadislaus hic ingentem Jagiellonis Ma-
gni Patris nactus animum, in ipsa æta-
tis prætexta ad purpuram assumi meruit.
Principum nempe indoles, popularem exce-
dunt mensuram. Præcoces sunt sublimes
Heroum animæ, in ipso ætatis flore matu-
rescunt. Excelsus, & ad magna natus ani-
mus, annorū superat numerū. Generosa indo-
les supra ætatem sapit. Lentæ virtutis est,
diuturnam sui expectationem facere. Inci-
tata

tate iuvenes ab ortu currunt: quæ diu dubitat
 virtus, raro micat. Quæ annos expectat,
 in herba emarcescit. Properat vivere,
 qui meritis distinguit aetatem, non annis.
 Et quia angustas Regum mentes, regni
 unius non capiunt angustiae; ad Hungariæ
 regnum est invitatus. Ubi Albæ Regiæ
 mutuato è Divi Stephani capite, diade-
 mate in Basilica ejusdem à Strigoniensi
 Episcopo est coronatus, & inauguratus:
 Bulgariam, Rasciam, Romaniam victori-
 is emensus Vladislaus Amuratem
 Turcarum Imperatorem ab Hungaria
 ferro repressit, delictis in acie triginta
 Turcarum millibus. Sed nullibi planè
 magna fortuna diu favet. Rarò, & ma-
 gna, & diuturna bona contingunt. Breves
 habent inducias, magnæ felicitatis deliciae.
 Tragica est semper omnis magna felicitas.
 Rara est fortuna, sine infortunii appendi-
 ce: longa præmia, magna fortuna, habent
 breves periodos. Nihil felicius aequè cogi-
 tandum, quàm quòd possint esse infelices.
 Non semper continuant Superi pleno con-
 con-

cessa favore gaudia, successusq; novos suc-
cessibus addunt. Sæpè lassata triumphis,
desciscit fortuna datis. Iterato namq; vi-
ctor hic cōtra Amurathem præliò ad Var-
nam, acrius cum paucis suorum copiis in
ingentes hostium turmas investus, fal-
lente cursum equò, cecidit victimā Chri-
stianitatis: finitoq; vitæ curriculò vincere
& vivere desit. Ita certè, inter cruenta
Martis certamina, vitæ rumpuntur stami-
na. Sæpè Martis inter tumultus, & fero-
cientis Bellonæ tonitrua, fortunati vitæ
obnubilantur soles. Mors cum Marte vices,
alternaq; jura capeffit. In eodem Martis
campo, & triumphales lauri, & fatales
crescunt cupressi. Esse solent possim solidis
inimica triumphis fata: & funereos palmis
innectere taxos. Quæ favet; hæc ferit Bel-
lona dextrâ: & inter ipsas lauros, amat pe-
russè plausus. Clades hæc rupto cum Terça
foedere, olim ad decem annorum spatium
inito, imputatur. Si ita est, etiam
hosti data servanda fides. Stamina
rumpit Tei Lachesis, qui foeder
rum

*rumpit. Enim verò nihil est turpius[inquit Attilius Regulus] quam fidem fallere, promissa non præstare, & dictis conventisq; non respondere. Potius non promittenda fides quam non præstanda. Nihil bene bonis Principibus cedit, si non sit integra, & incorrupta fides. Gloria quanta fidem præstare, at frangere pacta Principibus, magnum dedecus atq; nefas. Hinc monet Silius Non rumpite fœdera pacis, nec regnis postferre fidem Aget agrum nocte dieq; despecta ex violata fides. Sanctam servate fidem; fulgentibus stro, hæc potior regnis. Ignobilis enim oanims-est, tam facile fidem frangere, quam dare Quamquam nulli fidem suam magis obligant, quam qui eam maxime violant. Regnavit Vladislaus in Polonia annis 10. in Hungaria 4. adolescens propè vigesimum primum ætatis emensus annum. Princeps hic ad belli opera, à teneris umbratili armorum exercitio sese habilitavit. Equidem hæc est digna omni nobili juventute occupatio, caput sapientia excolere, ut qui vel provincias gubernaturi sunt
pote-*

potestate, vel Principum soliis allaturi consilia, non adferant in curias inane caput: cui emergens crista sit tumulus emortuæ sapientiæ. Nihilominus privatus adulescens solas duntaxat artes trañet; Princeps verò etiam arma. Bellum, cui non præluditur umbratili armorum exercitio, occupat inexpertum. Discendum est in otio, quod agendum in bello; aliàs armis inexercitatus Princeps, parum fida Reipublicæ est salus. Rarus Princeps hostem non habet, ut armis non egeat: sed si ipse arma non noverit; alienis Rempubicam vix defendet. Sub hoc Principe Zbigniew Cracoviensis Episcopus, Ducatum Severiæ pro Episcopatu Cracoviensi emit à Venceslao Cieśiński Duce Severiæ.

IMAGO CASIMIRI II.

CAsimirus Vladislai frater Magni Ducatus Litvaniæ Princeps, solo nomine secundus, Patris duntaxat & fratris auspiciis felix, renuens ad coronam assumptus,

ptus, nihil prosperi & gloriosi in suo gessit regimine. Litvanis suis utpotè Patrii plus nimio favens, in odia Polonorum incurrit. *Singularis enim Principum favor uni impensus, omnes reddit offensas: qui uni parti sese impendit; utriusq; facit dispendium.* Reges Regnorum soles sunt, omnibus debent esse communes. *Sal omnibus astris sese communicat, omnes stellas aquè lustrat ac illustrat.* Diuturnum cum Crucigeris bellum infortunato Marte traxit potius, quàm gessit: nisi ex hoc fortuito eventu prosperum Martem dixeris, quod Crucigerorum turba lenitati Principis, non armorum felicitati succubens, æternum fœdus cum polonis inierit. Ab eo tempore Pomeraniæ & Chelmense territorium, de quo annis 130. ferrò certabatur, Poloniæ regno est adjunctum. Crebris ad bella cum Crucigeris gerenda exactionibus, nimium fuit onerosus. Equidem pecunia belli est nervus, sed enervantur cives, si hæc sapius emungitur. *Nec quies sine armis, nec arma sine stipendis, nec stipendia*

dia sine tributis haberi queunt; videndum
 tamen ne quid nimis. Extrema sunt vitan-
 da & vetanda. Quod extra medium exi-
 stit; turpe est & nocens. Non nimis emun-
 gas populum, sed viribus aqua exige.
 Quod est nimum, non est eximium. Sub
 nimio tributorum pondere fatiscunt ci-
 ves, labuntur regna. Grande ipsi telluri
 pondus est, gravis exactionibus Princeps.
 Sicut ab apibus, ita à civibus; nec omnia
 accipienda; nec nihil. Primum est, tyranni,
 alterum boni Regis. Margaburgum & alia
 propugnacula à Crucigeris occupata re-
 demit aurò: ut patet; Et, Nullum ita tutum
 esse propugnaculum; ad quod gratis aurò
 asellus nequeat penetrare, Nullus expu-
 gnandis arcibus aries potentior aurò. Nul-
 la validior machina, quàm pecunia. Au-
 rum per medios ire satellites, & perrum-
 pere amat costra potentiùs ictu fulmineo.
 Aurea clavi facile hostium propugnacula
 reserantur. Diffidit urtium portas vir
 Macedo, & subruit amulos Reges mune-
 ribus. Inclusam Danaen turris aeneae, &
 per.

pervigil male observat Molossus, dum Jupiter aureus influit. Princeps hic aliàs minùs felix fortunata & numerosa prole fuerat beatus. Nam ex Elisabetha Alberti Imperatoris filia, regni & thori sui consorte, septem filais, & sex filios suscepit. Ex quibus rarà felicitate 4. Reges erant: Vladislaus Bohemiæ & Hungariæ fasces rexit: Joannes Albertus, Alexander, & Sigismundus Poloniæ sceptruem tenuère. Divus Casimirus inter Cœlites relatus, ad Hungaris ad solium expetitus, mutatis eorum animis, Vilnæ 24. ætatis anno ad fasces æternitatis est assumptus Fridericus Episcopalibus Infulis, & Cardinalitiô biretô fuit insignitus. Decessit è vivorum numero Casimirus. Anno Domini 1492.

IMAGO JOANNIS
ALBERTI.

Joannes Albertus, Casimiri II. digna propago, Princeps literis excultus, in
pater.

Paternum assumptus solium, nulli Regum
 secundus, si par fortuna ingenio respon-
 disse. Librorum lectione præsertim hi-
 storiorum & astronomicorum impensè
 delectabatur. Afferens, nullum dignius
 Principe otium illo, quod literarium ap-
 pellatur. Et certè Alphonsi Arragonum
 Regis iudiciò: Princeps indoctus, est asi-
 nus coronatus. Melius illi capiti aureum
 incumbit diadema; quod antea sapientiæ
 laurea inumbravit. Felicius illa manu
 imperiorum rotantur sceptræ; quæ prius
 tractavit pennam: tutius ab Academi um-
 bris in apricum regalis throni evolutur.
 Præstantius est regio capiti ornamentum
 à sapientia, quàm à tiara. Illæ corona
 sunt pretiosissima, & fortunatissima; qua-
 rum frontem occupat pretiosus unio Acha-
 tes, Musis & Apolline signatus. Illi-
 teratus Princeps, idolum est in solio, &
 sub aureo vellere, stultam gerit oviculam.
 Rudes sub purpura animi, ementitum sunt
 pecus. Majus affricano est monstrum,
 Princeps ignorans: qui caput est multo-
 rum,

rum, hac stringitur obligatione; ut multa
 sciat. Neq; tamen literarum ardor,
 bellicum in hoc Principe imminuit fer-
 vorem. Mars enim artem non excludit.
 Bellis & libellis, feliciores parantur vi-
 toria. Optimè arma togæ, laurea lin-
 guæ sociatur. Nec Apollo Marti,
 nec Pallas Bellonæ obstaculo est, quominus
 vincant, & triumphent. Imò fortius
 quandoq; pennæ, quàm sagittarum pinna
 in hostes agunt. Etiam sedendo subinde
 vincitur. Non semel incruenta manus
 triumphavit. Fortius in militari arena
 dimicat Athleta, literario inspersus pul-
 vere. Luculento id probavit documen-
 to, doctissimus æquè ac fortissimus Prin-
 cept Joannes, fuso fugatoq; ingenti Tar-
 tarorum exercitu. Poterat illud de eo
 dici: Tibi nec docti desunt, nec Princi-
 pis artus, mista sed est aimo cum Jove
 Musa tuo. Tu modò bella geris, numeris modò
 bella cœrces. Par nigenium castrisq; to-
 gæq; Ofelicem Rempublicam! cujus Prin-
 cepti nec robur Achillis, nec consilium &

pru-

*prudētia deest Nestoris. Et quia sēpē
 militari gloria, inimica est fortuna; in
 bello Moldavico circumventus, & isto
 fœdere, fœdē est profligatus. Didicit hic
 Princeps, non esse nimium de victoria
 præsūmendum. Fallax est belli fortuna;
 qua vincere juvat, sēpē vinci permittit;
 quæ bellatorum dextera triumphales offert
 lauros, hæc eidem fatales ingerit cupres-
 sos. Incerti fallax fiducia Martis, mil-
 le mali species, mille salutis habet. Re-
 dux ē bello minùs prospero Princeps,
 dum tristem de suorum clade mentem,
 Hilariorum tempore, inter nocturnum
 larvatorum gregem relaxare voluit; fœda
 in vultu notatus est cicatrice. Docuit
 tum suo malo Joannēs, majestatem le-
 nitati quidem, sed non levitati esse con-
 jungendam. Quod sol in calis, hoc Rex
 in terris, utrumq; tenebra dedecet. Nul-
 la larva totum Principem tegit. Principes
 publici regnorum soles, cū deficiunt,
 tunc maxime spectatores habent. Eminent
 iudicio, prodita flamma suo; quodq; magis
 tegi.*

regitur, tectus magis astat ignis. Quis enim celaverit ignem? lumine qui semper, proditur ipse suo. Ceterum dignus amore Princeps, in odia civium incurrit eò, quòd Callimachi ex Italia profugi, libertatis Polonæ hostis, consilio utebatur. Et certè Peregrina* consilia nunquam, aut rarò vernacula odia non merentur, Mancipata enim absoluto dominio ingenia, neminem ex liberis non vellent esse servum. Assveta tolerando jugo collis, omnium cervices cuperent esse sub jugo. Jam vero conscia avita libertatis pectora, nihilominus didicere, quàm jugum pati. Princeps hic, postquam regnasset annis propè novem, dum Turcicum meditatur bellum, ipse Thorunii tactus apoplexiâ, cessit in prædam mortis. Solebat hic Princeps illud ex Socrate usurpare: Quinque hominum genera in Republica non sunt toleranda: Adulator in palatio, meretrix in prostibulo, cupidus Sacerdos in templo, falsus judex in tribunali, fraudulentus mercator in foro. Et illud:

SEX

*Sex sunt arario pernicioſa: conſilia bel-
licoſa, adificia ſumptuoſa, munera pre-
tioſa, natura litigioſa, vita luxurioſa,
menſa gulofa.*

IMAGO ALEXANDRI.

Alexander M.D.L. Princeps, nomine
& animo non impar Magno Macedo-
num Regi, Polonorum regale ſolium
occupavit. Adeo in cives erat liberalis;
ut proijcere, non dare beneficia paſſim
diceretur. Quo pacto elogium, Magno
olim Alexandro à Demosthene datum,
fecit ſuum: Nihil in fortuna ſua majus
habuit; quàm ut poſſet: nihil melius, quàm
ut vellet bene facere. Et certè, immor-
talitatem merituro Principi; nullum im-
pendii genus eſt dignius; quàm quod in
ſuos erogatur. Qui liberali ſpargit opes
manu, ſervat. Nullibi pecunia melius
quæritur, quàm ubi fœcundiſſimè expenditur:
Nulla Principum major eſt felicitas; quàm
alios, feciſſe felices. Hoc Reges habent
H3 ma.

magnificum & ingens, nulla quod rapiet
 dies, prodesse miseris. Equidem plerique
 sunt liberales, sed ex alieno: quod de
 Republica sumunt, privatim largiuntur.
 Philosophicum olim erat axioma: nemo
 dat, quod non habet. Nunc nemo dat,
 quod habet, nisi cum accipit, quod non
 habet. De alieno largus non de suo. A-
 renti terram aquam subtrahunt, flumina
 irrigant. Verum turpis est liberalitas, de
 ablatis. Præstat nihil largiri Principem,
 dummodo auferat nihil. Non bene cedunt
 in paucorum lucra, multorum dispendia. In-
 dignum est, pauperum casas everti, ut
 Principum domus construantur. Non hu-
 jusmodi liberalitatis genium habuit Ale-
 xander. Gazophilacium suum fecit pu-
 blicum: nihil se magis habere ratus; quam
 quod in suorum manibus deposuisset: &
 quod plura de proprio ære erogaverat; eò
 se credidit ditiores. Quidquid magnifi-
 ca Regis splendebat in aula, hoc aliis de-
 derat. Non hic divitiis, nigrantibus ab-
 didit antris, nec tenebris damnavit opes,
 sed

*sed largior imbre sueverat innumeras
hominum ditare catervas. Præcepta illa
manus, fluvios superabat Iberos, aurea
dona vomens. Non ignarus, quod meli-
us est, esse multæ pretii, quam possidere mul-
tâ pretiosa. Nec auro solum, verum
etiam lauro, clarus erat Princeps; Ste-
phanum namq; Moldaviæ Palatinum,
primum ex malè occupata Pokutia,
deinde è vita expulit, fugavitque. Bo-
gdanum quoq; paternæ Stephani fata vin-
dicantem, profligavit. Prædonēs Scy-
thas Poloniæ spoliis tumidos, ad ducenta
fere eorum millia ita fortiter cecidit; ut
ne nuntium quidem clâdis reliquerit. Las-
sus tandem victoriis, quievit anno Do-
mini millesimo quingentesimo sexto,
tumulatus Vilmæ. Vixit ætonis 46.
regnâvit quatuor, & octo mensibus,
dignus ut integris regnâset sæculis, sed
regni brevitâs pensatur laude perenni:
Quod mors eripuit, gloria restituit.*

IMAGINUM.

IMAGO SIGISMUNDI I.

Sigismundus I. Casimiri II. ultimus
 Snatu filius, à Ducali ad Regiam eve-
 ctus dignitatem, tanto erga Poloniã
 ferebatur amore; ut Pater Patriæ mēue-
 rit appellari. Ante electionem Dux &
 miles, Polonis contra Tartaros auxiliares
 tulit suppetias: partâq; de iis laureâ, regi-
 um promeruit diadema. Et certè glo-
riosius nemo regnum, quàm victoriis obti-
net. Illi Principi decora est maxime pur-
pura; cui plurimum hostili rubet sangui-
ne. Dignus regalis pomi auro; cui dul-
ce ferrum fuit. In bellis gerendis forti-
 ssimus, æquè ac fortunatissimus erat; Ba-
 silium Magnum, Moschorum Imperato-
 rem, sola nominis & adven tūs sui famâ
 profligavit. Fuerit sanè gloriosum Caro-
 lo Magno, venisse; vidisse, & vicisse: glo-
 rio-

riofius erat Sigismundo, quod non dum
venit, aut vidit, & iam vicit. Sopi-
tum tantisper Moschoviticum bellum
Michaël Glinfcus Regum favoribus tu-
midus, vulgata affectati à se Principatus
suspicionem, ad Moschum profugus, & Pa-
triae rebellis, suscitavit. Ita certè nimis Re-
gum favores, non rarò cives reddunt fe-
rociores. Ut liberaliore annona cicures
etiam fera insolescunt; ita pleriq; largiori-
bus Principum beneficiis efferantur. Non
rarò inconsulti Regum favores, civium
odis vapularunt. Multi sunt, qui pœnā
pro munere sumunt. Multi potentiores
Regibus ipsis fuerunt, quos nimis favor
Rarus, nimium fecit potentes. Non rarò
odium est beneficii consequentia, & mer-
ces injuria. Est & supplicii causa fu-
isse pium. Fructus obest, peperisse nocet, nocet
esse feracem. Quosdam beneficiis offen-
disse probat ingratitudo, quos tibi demeruis-
se putasti. Quidā dū nimis beneficiis one-
ratur, ipsimet benefactori graviores nō grati-
ores extiterunt. Scilicet beneficia eousq; la-

ta sunt, dum videntur exolvi posse; at
ubi meritum vicere, pro gratia odium red-
ditur. Nihilominus rebellium recepta-
tor Moschus, victricibus Sigismundi ar-
mis ad quadraginta suorum millia ita
fortiter cœsus, ut ipse Borysthenes offuso
perēptorū sanguine, ejus cladem eru-
buerit. Didicit hic suo malo, temerē su-
scepta sceleratorum patrocina, plurimum
patronis suis nocuisse. Partam de Mo-
schis in Litvania & Moschovia victoriam,
Scythicæ in Russia, Moldavicæ in Valachia
& Podolia, Prussicæ de Crucigeris in
utraq; Prussia lauri sunt comitata. Pa-
catis domi forisq; regni finibus, exorta
inter Principes Christianos dissidia, con-
silio, literis, & manu composuit, Pul-
lulantem ad Balthicum littus hereseos an-
guem; in ovo suffocavit. Tantū fi-
debat Polonorum virtuti; ut solitus fue-
rit dictitare, in sinū cujusvis Poloni se pos-
se securissimè somnum capere. Inter
alia memorabile est illud Apophtegma:
In bello longè plus habet momenti prudentia;
quàm

quàm vires consilii expertes. Et illud! Principum officium est, pacis ac belli tempore de annonâ providere. Nec non illud: patientia & constantia sunt duo maxima ad bellũ feliciter gerendum præsidia. Itẽ illud: Urbes in bello sunt tutamenta, in pace ornamenta: infelix illa Respublica, in qua stant mœnia, ruunt mores. Princeps hic Cracoviensibus incolis, ut Urbẽ murò circumdaret, seq; nõ solũ manibus, sed etiã mœnibus tueretur, supplicatibus respõdit: Polonos a cãpis esse dictos, muros curare nõ debere. Hinc forsità Sarmaticus cecinit Apollo: Nec Lechus, neq; Lechicis proles illa fuit nata nepotibus; primus qui docuit suis urbes Sarmatia fidere machinis. Cãpestres benè Sarmatæ, cãpis bella gerunt. Sub Jove libero natam militis indolem, frustrà belligero clauditis otio. Arëtis opida mœnibus virtutem cobibent, dum male fortibus addunt consiliis moram; & cresecentes hebetant Martis adorea. In plano generosior campo pugna calet. Aer ingenuis patet in pugnas aquilis. Quid ju-

*vat angustis angusta recondere vallis pœ-
 tora? quid forti mœnia tuta viro? lingu-
 Polone pigris flata cingere pergama fos-
 sis, dextra tibi vallum, mœnia pectus ad-
 est. Nudo vince polo, cœlis gere nomen
 & arma; consona sic inter bella Polonus
 eris. Sub hoc Principe, Masoviae Du-
 catus post fata Joannis & Stanislai Du-
 cum Masoviae Regno Poloniae est adjun-
 ctus. Demum annorum & gloriae plenus,
 regni sui diadema filio suo Sigismundo
 Augusto tradere maluit, quam relinquere.
 Natus annos 82. uno supra quadraginta
 rerum potitus, Anno Dni 1548. ad re-
 stitutorum primum est evocatus.*

IMAGO SIGISMUNDI AUGUSTI.

Sigismundus hic Matre, Bona dicta,
 Joannis Sforciae Neapolitani Princi-
 pis Filius genitus, à pacata Patria, uti ille
 Octavianus Romanus Romae, Augusti no-
 men sortitus, maternae appellationis bo-
 nita-

nitatem in mores derivando, in prætexta
 ad purpuram assumptus, decennis scilicet,
 sexagenario Patri superstiti meruit in
 throno affidere coronatus. Nullibi au-
 gustius hospitata sunt Musæ, quàm in
 regio Augusti pectore: primum ætatis
 florem illis dicavit, non inscius, quod
literæ sunt nutrices Principum, mamillæ
Regum, bases regnorum. Sapientia in
ignobili est argentum, in nobili aurum
in Principe gemma. Pulchro ligari sæde-
re gestiunt libris tiaræ. Nec ad apri-
 cum regalis gloriæ evecto displicuit *Apol-*
linaris ūbra Corymbi; literis nāq; & litera-
 rum studiosis etiam in proveciori ætate
 apprimè erat addictus, seq; doctis præbuit
 Mæcenatem. Non obfuit tamen litera-
 ti Principis studiorum amor bellico
 studio, & militari disciplinæ. Affines
 sibi sunt *Pallas & Bellona, utriq; lau-*
ri & laureæ debentur. Bene etiam
 in bello, cum libello: *arte sapius, quàm*
Marte triumphatur. Literatus ergo hic
 & armatus Princeps, non minore fa-

cilitate & felicitate literarium tractans
 stylum ac gladium, nullibi non victor
 extitit. Crucigeros ac Moschos felici mar-
 te à Polonia repressit: Turcas & Scy-
 thas pari ac olim Pater suus ferrò pro-
 fligavit. Polonicum regnum Curlandiæ
 & Semi Galliæ accessione auxit: firma-
 tam olim Litvanos inter & Polonos unio-
 nem stabilivit; sacras humanasq; leges
 olim sancitas, sed executionis defectu so-
 pitas resuscitavit. Quidquid demum ad
 Patriæ felicitatem desiderabatur, instau-
 ravit, ut merito libertatis, jurium; co-
 mitiorumq; Parens & Auctor appellaretur.
 Tot tandem tantisq; meritis cumulatus
 Princeps, relicto meliori regno, quàm
 acceperat; postquam vixisset annos 52.
 regnasset stante vitâ Patris annis 18. post
 mortem 24. ultima Jagellonica Domus
 coronis, Knyszynii anno Domini 1572.
 18. Julii non mortuus est, sed ad beati-
 tatis coronam invitatus. *Virtuosi namq;
 Principes, sunt immortales, eorumq; virtu-
 tes mori nequeunt. Omnia mors perimit;
 fata.*

*fatali mortis ab idu cuncta cadunt: Virtas
nescia sola mori. Non totus, mortis, Pom-
pejus clauditur urna: non totus Caesar
tristia busta colit. Nec totus Macedo
gelido sub marmore torpet; nescit cum vo-
lucris tempore fama mori. Eximitur vir-
tus fati, mortisq; tributo, virtuti ex ipso
funere vita venit. Illud Romano Augu-
sto inscriptum, optimè huic nostro conve-
nit: Mortuus Augustus magis regnat in
cordibus civium, quàm imperans in solio
Tiberius.*

IMAGO HENRICI VALESII.

NUllum ante hac Principum tam
splendido pompæ apparatu, regale
Polonorum solium conscendisse testantur
annales; quàm Henricum Valesium, na-
tione & origine Galki: ut vel inde orbi pa-
teat, Poloniarum regnum parvi pretij
non esse; ad quod cum magno auri &
armorum venit apparatu. Coronatus

est Valerius à Iacobo Uchanſcio Archi
Episcopo Gneſnenſi, Anno Domini 1574.
vigefimâ Februarii, primâ die Bacchan-
tiorum. Et quanvis Principem naſci ca-
ſus eſt, virtus eſſe. Glorioſius eſt, ſi quis
regnum nanciſcatur, & in regem eligatur;
quàm ſi Rex naſcatur, & in iſſis faſci
is ligetur faſcibus. Glorioſior Princeps,
cui non ſanguis & natura, ſed virtus &
libertas ad ſceptra ſuffragatur. Nuſ-
quàm pulchrius itur in capitolium; quàm
ubi per præcordia electorum, porta pandi-
tur triumphalis. Malè imperia: fortuitæ
indoli committuntur: electio plerumq; virtuti
militat. Succeſſionis jura, etiam peſſimos
Principes obtrudunt tolerandos: electio
verò optimum quemq; aut invenit, aut
facit. Sapè nati Principes ſolò naturæ pri-
vilegiò coronati, invitis dominantur: jam
verò pulchrius eſt volentibus imperare.
Nihilominus hic Princeps ſucceſſionem
in regnùm, liberæ præpoſuit electioni,
maluitq; nativa inter lilia, quàm inter
ſceptra degere: quaſi non pulchrius eſſet
impe-

imper
periâ
ricus
ni ſui
incon
clâm
nij. p
narun
aurei
liaru
limin
Etâ r
exuer
tam
purp
Tut
gno b
ſtetij
veru
Rege
dama
alma
Mag
unt

imperare liberis; quàm natura lociq; imperiò præesse coactis. Acceptò namq; Henricus de morte Regis Galliarum Germani sui nunciò, ut in solium succederet, inconsultâ Republica è Polonia in Galliã clâm noctu secessit Cracoviã 1574. 18 Iunij. post reginẽ sedecim duntaxat septimanarum. Minus tamen prospero delectu, aureis Poloniæ sceptris lilia prætulit Galliarum, ibi namque in ipso imperij sui limine in odia civium incurrit, qui tintâ regali sanguine purpurâ Valesium exuerunt. Simulq; parricidali, ferro vitam Principi ademêrunt. Ita fanè raro purpuræ absq; humano sanguine rubuerunt. Tutior certè est in secreto virtus: sæpè magno honore sublimis corrui; qui privatus stetisset. Mundi Dominis securius avum, verus agit pauper. Pleriq; meliori, quàm Reges felicitate, in privata fortuna abundamus. Misera est magni custodia censûs: alma quies, parvisq; habitat concordia tectis. Magna pericula humi jacentem non subeunt casam. Temnit iratas levis ulva

nubes, temnit insanum Boreæ furorem;
cum potens cali Notus eminentes proruit
urnos. Ast minax astris, nimiumq; calo
culmen, infestis agitatur Euris & repen-
tinis feriuntur ætæ ictibus alni. Magna
gloria rarô est sine magno periculo. Al-
liciunt aut provocant fatorum invidiam,
magna culmina Fulmina rusticas ferire
dedignantur ades, sed rutilis propiora cæ-
lis; quæ pænè celsas, non humili mitra vi-
cère nubes, sollicito scopi metaq; majoris,
superbo alta metunt monumenta telo. Fe-
licius certè hic Princeps rexisset fasces Po-
loniarum, quàm Galliarum: valeret cer-
tè melius Valesius ad candorem Polono-
rum, quàm ad lilia Gallorum: illi enim
quamvis aliquos Regum quos ipsa pro-
scripsit impietas, privarunt vittâ, nullum
tamen spoliârunt vitâ.

IMAGO STEPHANI BATORY.

Stephanus Batory Transylvaniæ Prin-
ceps, primus è sua stirpe, regali diade-
ma.

mate insignitus, divisis regni Ordinibus, alijs scilicet Maximilianū Imperatorē, alijs Stephanum renuntiantibus electus 1575. ab Episcopo Cujaviensi, adhærente parti adversæ Uchańscio Gnesnensi Archiepiscopo, est coronatus Anno. 1576. 36. Maij. Diffidiū Ordinū regni in generalibus comitijs pacificationis, Andrzejoviæ est cōpositū. In primo regni exordio, ne Polonæ gentis libertas in licentiam degeneraret, legum instauratione effecit. *Polona namq; libertas exlex non est. Tum maximè Poloni liberi, cum suis legibus sunt adstricti. Habet libera gens Polonorum suos Numas, & Lycurgos: ijs legibus adstringi non recusat, quæ soli licentia, invisa, nihil derogant libertati. Nemo magis liber est, quā cui intra legum limites, agendi potestas cōstringitur. Libertas absq; legibus, licentia est.* Paucas tamen leges Princeps hic formaverat: non ignarus, quòd sicuti qui non vetat peccare, cum possit, jubet; ita sæpè docet, qui nimium vetat. Multi nimis inhibendo, jus peccandi dederunt.

Mul-

Multas leges timebunt omnes, sed magis ne illas legant, quàm ne transgrediantur. Sinè legibus Respublica stare non potest; minùs tamen stabit, si illis obruetur, Decem tantùm praecepta Deus instituit, quibus non omnes obtemperant: nec millenae leges ab hominibus instituendae: nam facilliora erunt hominibus flagitia, quàm leges. Praecipuè tamen magnus hic Polonae libertatis Arbiter, liberae genti suavi prae fuit imperio: optimè gnarus, quod nihil est liberae genti odiosius, quàm violentum imperium: libera ingenia sponte sequuntur, si se suaviter duci sentiant: quod si violenter trahantur: fortissime recalcitrant. Ingenuae mentes violentiam non tolerant. Generosiores equi facillius frano, quàm flagello compelescuntur. Delicata virgulta violenter si trahantur, et trahentur; citius franguntur, quàm flectuntur. Non violentia, non astuosus virium impetus, sed ratio moderatur orbem. Genuina Polonorum vox est: gens libera sumus, nulli servivimus unquam. Iam

verò

verò uti libertatis amans erat Princeps, ita licentiæ osor & hostis. Hic rebelliam contumaciam, & seditiosorum insolentiam, quam lenitate non correxit, severitate castigavit. Mirum tamen apud omnes habuit amorem & timorem. Quippe *timor est non crudelitatis, sed majestatis progenies; quem comitatur reverentia, non tormentorum suspicio. Moderati rigores, conciliant reverentiam, & amores: Ut fateri suo Principi illud cogantur subditi: Amamus, Pariterq; timemus, ipse metus te noster amat.* Et illud. *Difficilis, facilis, jucundus, acerbus es idem.* Et certè non corrumpit lenitatis gloriam, blanda puniendi severitas. Labe pari peccat, pariter crudelis uterq; qui parcit cunctis & nulli. Nobilis ira est, citra iram punire reos. Vibrandus est interdum aculeus, non ad infligendum vulnus, sed ad aperiendum ulcus. Innocuum vulnus morsq; est, si Regibus enses gratia procudit, tela ministrat amor. Parcere verberibus, nec
quo

quò jubet alta potestas ire, sed armatas
multum sibi demere vires, & ferrum
nulcere togâ: sic itur in altum, sic me-
lius mixto reverentia fudit amorî. Nec
solum cives amore devinciebat, hostes
etiam ferro vicebat, gloriosissimus ani-
morum & armorum triumphator. Bel-
lum namque contra rebelles Gedanenses,
nec non contra Basilium Moschorum Im-
peratorem gessit feliciter. Magis ta-
men in admirationem Moschica rapie-
bat mancipia, insolita Principis in hostem
clementia, quàm victoria: quâ ita mode-
ste est usus, ut etiam ipsi captivis, à
tam clemente Principe vinci placuerit.
Hac est vera clementia, qua etiam alie-
no sanguini pareit, tanquam suo. Nulla
hostilis sanguinis parsimonia, non ultra
virtutem fuit: Laudatissimo cuiq; Duci
laudabilius est, cum potuerit perdere,
pepercisse; quàm cum parcere potuerit,
perdidisse. Ad divinitatem propius ac-
cedit, qui servat eos, quos perdere potu-
it. Novum victoriae genus est, scire par-
cere

*cere. Novum triumphi genus est, vi-
 ctore gladio non ferire, qui eodem peri-
 re potuerunt. Ne verò Bellonæ addi-
 etior, quàm Astreæ esset; Sarinaticum
 Arcopagum, tribunalitia regni judicia,
 tum primùm in Polonia instituenda,
 excitavit: causarumque momenta æqua
 librari lance statuit. Non ignarus,
 quod *jus & æquitas*, imperium red-
 dit diuturnum. *Vbi viget justitia, mar-
 cescunt vitia*. Quippe *vitijs à stirpe
 recisis, elicit oppressus tenebroso carcere
 leges justitia*. Tales verò ca-
 sarum Iu-
 dices esse voluit, quos fas & æquum
 in suas traherent partes, non quos in
 diversa pro quântitate munerum inex-
 plebilis propelleret avaritia. *Iudex qui
 palpat munera, palmarem præterit veri-
 tatem*. Antiquitas omni luce privave-
 rat Arcopagum, non quasi cæca justitia
 odisset lumen, sed ut auri excluderet
 splendorem. *Splendor namq; auri eti-
 am media de nocte, multorum Iudicum
 perstringit oculum, ne æquum ab iniquo di-
 scer-**

scernant. Xenia & dona Iudicum ex-
 cacant oculos. Deorum licet in terris vi-
 ces sortiantur Iudices, non semper tamen
 triumphat veritas. Multi pro caca justi-
 tia, cæcam in ferenda sententia admise-
 runt avaritiam. Avari iudicis manus,
 quoties librat justitia lancem; præponde-
 rat iniquitas. Crudelis tyrannis est lu-
 dicum avaritia: quæ molliore licet auri
 metallo se viat in corda hominum, sed no-
 centiore ictu. Pretiosus ab auro infligi-
 tur vulnus, sed crudelius: quo dum Iudi-
 cum læditur integritas, non raro inno-
 centia & aqutias lethaliter saucitur.
 Pleriq; à levi iniquorum Iudicum ca-
 lamo gravem mutuatur calamitatem.
 Corruptorum hujusmodi animorum pe-
 stis ne Iudicum afflet mentem, hæc præ-
 animo habenda: Iudici tam leve au-
 rum videatur, ut aequi lancem non infle-
 bat. Tanta Iudici insit veritas, & se-
 veritas; ut per illam nihil ingravetur,
 per hanc nihil ignoscatur. Non aliud
 sententia Iudicum debet esse pretium: quam

bene

benè judicâsse, omnis aditus obstruatur
gladiò, ut scelesti ad Judicum subsellia
confugere nequeant, sed sola fugiant sce-
lera. Cunctatores Judices oportet esse,
cùm judicant de salute: quia alia senten-
tia corrigi potest; quæ transacta est de vi-
ta, se mutari non patitur. Ad pœnitendum
properat, qui cito judicat. Neo reo, nec
actori utraq; præbenda auris. Qui statuit
aliquid parte inaudita altera, æquum li-
cèt statuerit, haud æquus erit. Juxta
debet esse Angelus, qui omni consangui-
nitate caret. Ut possit de eo dici: Justiti-
æ cultor, rigidi servator honesti, in com-
mune bonus. Hic omnigenæ eruditionis
plenus, adeo literis literarumq; cultoribus
erat addictus; ut omnes ferè in regno suo
cuperet esse literatos. In quem finem plu-
rimas literarum & pietatis exstruxit pa-
læstras: certus pulcherrimum esse impendij
genus, quod in literarum impenditur admi-
nicula. Scholasticam juventutem ad stu-
dia excitando, hisce sæpius alluebatur:
Disce latine, & ego te faciam aliquando,

Moſci Pánie. Et qamvis Stephanus majestatem cum lenitate & clementia conjunctam semper habuit; semel tamen in comitijs irritatus, dextrâ gladij capulum tenens in hæc verba prorupisse dicitur; *Rex vester sum; non fictus neq; pictus, regnare volo: neq; feram, ut mei sitis pedagogi.* Nec miretur quispiam hunc Principem mitem aliàs & clementem, lacessitum tamen in asperiora verba profiliisse: utiq; magno se *Judice* quisq; tuetur. Non solum taurus ferit uncis cornibus hostem; verum etiam instanti, laesa repugnat ovis, Dulcissima & jucundissima, & pro corporis captu pugnacissima sunt apes, & aculeos in vulnere relinquunt. Etiam minimus capillus à sole tactus umbram habet. Injuriam nemo immota mente accipit, sed ad sensum ejus perturbatur. Sunt & incrimibus iræ columbis, sunt cehinis, sunt apibus, sua tela parvis. Porro ad prædicta Regis verba, Joannes Zamoytcius libero respondit ore: *Rex ne moveas ferum, ne te Cajum Cæsarem, nos Brutos se-*

ra loquatur posteritas: Electores sumas
Regum, sed detrusores Tyrannorum; re-
gna, sed non impera. Docuit hic Sena-
tor, quo Pado in curijs procedendum.
Libera genti & sentire quæ velit, &
quæ sentit, dicere licet. Linguam solu-
tam consilijs adfer, non tam dicendi copiâ,
quàm sententia libertate. Monet Plato:
In curijs, arcanorum debent esse nundinae,
nunquam alias venales. Ut foris loqui
est vitium, sic in curia tacere est nefas.
Ad consilium cum ingrederis, Oratorem
indue; cum egrederis, Harpocratem. Qui
placituri studet, interimit veritatem: fa-
ctus alienæ sententiæ servus, suæ turpis
vespillo. Curiam ut forum ingredere, non
ut carcerem, in quo ligeris metu, strin-
garis gratiâ, concateneris voluptate.
Quod prodest, loquere; non quod placeat;
nisi placeat, quod prodest. Adulatio Pha-
laridis tauros fabricat, & illusio per si-
mulationem consilio, auctori interitum
nundinatur. Cui vel Regis gratia, vel
propria utilitas est Numen; aut silentio

thurificat, aut mendacium veneratur; verum non sine sacrilegio litatur, ubi veritas immolatur. Audus tandem immortalibus factis, absolutissimus Princeps vivere desijt Grodnæ 1586. regnavit annis undecim, vixit quinquaginta quatuor. Compendiosum illi enconium inscripsit Starovolscius: In republica plusquam Princeps, in consilio plusquam Senator. in Ecclesia plusquam Sacerdos, in exercitu plusquam Imperator, in tota vita sua plusquam Philosophus.

IMAGO SIGISMUNDI III.

Sigismundus III. Joannis Sveciæ, Gotthorum, Vandalorumq; Regis Filius, Matre Catharinâ Jagelloniâ Sigismundi I. Poloniarum Regis filiâ natus, divisus in Maximilianum Archi-Ducem Austriæ Rudolphi Impetatoris fratrem Reipubl: suffragijs, in Regem Poloniæ electus, nequidquam prævalente Maximiliano. Coronatus est Cracoviæ à Karnkovio Archi-Episcopo Gnesnensi. In bellis gerendis Prin-

Princeps erat felicissimus; regiæ imprimis
 fortunæ æmulum Maximilianum vicit,
 fugavitq; feliciter. Hunc è fuga ad se
 adductum, suæ Majestatis hostem, velu-
 ti hospitem clementissimè excepit; nec
 non liberali veniâ donavit. *Hæc est [judi-
 cio Lipsij] prima victoria, hostes victos
 non pænâ mulctare, sed veniâ donare.
 Satis est pænâ victum esse; qui vincere
 sperabat. Bis vincit, qui victo hoste de
 se ipso triumphat. Meretur veniam vin-
 ctus hostis, cum petit. Hæc est summa
 victoria de hoste victo nolle triumphare.*
 Insuper Princeps hic clementiâ plenus,
 corrivalem suum & honoris æmulum non
 ulciscendo; sed tacendo castigavit: quasi
 ei dictum illud foret. *Parce queri, me-
 lius sic; ulciscere tacendo.* Nec solum
 in Patrio, etiam in hostico nunquam non
 triumphavit Sigismundus. Sub Chocimo
 quadringenta Turcarum millia, Tarta-
 rorum centum viginti millia, sexaginta
 millibus ad interneccionem in acie cæsis,
 exili suorum exercitu profligavit. Mo-

schorum Imperium deletis sexaginta eorum millibus, & Duce capto, unâ cum Metropoli Moscuâ, sibi suâq; Reipubl: subjugavit, filiumq; suum Vladissauum Magnum Moschoviæ Carum inauguravit. Smolenscium olim imperante suo Avo Sigismundo I. fraude ereptum, armis vindicavit, & Poloniâ restituit. Nullum tamen atrociorē hostem habuit, quā cognata acie instructum: nihilominus & huic vincendo, par non defuit fortuna. Ericum in Svecia, Carolum in Livonia, Patruos suos felici Marte vicit. Gustavū Adolphum Patrualem suum in Prussia, ipsa lenitate & indulgentia sanguinis superavit. Civili verō bello impetitus, multo gloriosior extitit victor: quando rebellibus primò Civibus, tandem supplicibus veniam dedit: ratus nimirum boni Principis esse, etiam malos servare cives. Nocere malis, etiam pessimus quisq; potest; prodesse nemo, nisi optimus. Ut medicum multa funera, ita Principem multa infamant supplicia. Quantâ pervicaciâ

ciâ in
plices
Princ
Et a
est,
pern
qui
adion
qui
cam
Pomp
Et
Qua
prec
enim
incl
fove
belli
opus
Paro
Por
Non
virtu
virtu

ciâ in perduelles, tantâ clementiâ in supplices utendum. Noverat forsitan hic Princeps, quòd de hoste victoria, laurò & aurò digna; de cive trophaum, ruina est, & ignominia. Nihil est bello civili perniciosius: in quo tam qui cadit, quàm qui cadit, non omnino pius est. Magis ex actione, quàm ex nomine Lepidus Romanus, qui cum suo decertans Augusto, domesticam evertit pacem. Plus pompæ in nomine Pompeij fuisset, si funesto exercitu, orbem & patriam funeribus non implevisset. Quanquàm & humiles civium supplicum preces, ad veniam profuisse puto: Eò enim felicius, quò profundius cadit sponte inclinata protervia. Pax humiles intacta fovet, minuitq; modestia crimen. Illas rebellium credibile est fuisse voces: Nil opus est bello, pacem veniamq; rogamus. Parce tuas in nos, perdere victor opes. Porrigimus victas, ad tua jura manus. Non deerant & aliæ in hoc Principe virtutes: imò omnes erant, nempe unica virtus coronam non implet. Cateris &

vulgo hominibus, singula ferme virtutes
sufficiunt; Princeps nisi omnes habeat,
paucas habere censetur. Regnandi tamen
suavitas & clementia, egit in eo princi-
patum. Nimirum uti crudelitas, etiam in
unum exercita, omnes armat ad odium,
ita clementia, etiam uni exhibita, singu-
los stimulat ad amorem. Obsequium ti-
gresq; domat, tumidosq; leones. Non per
fulmina tantum novimus in caelo magnum
regnare Tonantem; imbelli tonitru pas-
sim leniq; procella contentus monuisse.
Iustitia & amor, valide sunt Principis
arces, nulla tyrannorum vis diuturna fuit.
Quamvis iratum vibret sua spicula vul-
gus, spicula Rex ulli figere nescit apes.
Temnere nimirum Regum est, contendere
vulgi. Non bene regio offusa fulgebit
sereno casaries, quoties cruentus e subdi-
torum vulnere sumitur, daturq; cersus.
Crudele regnum mole ruit sua, constat pa-
ternum. Hinc Lechicus monet Vates:
Regnet in augustis, residens clementia
sceptris, rideat & placido, regia sole
domus.

*domus. Alta superciliô ponat reverentia
fulmen, nec faciles onerent livida fata
manus. Blanda thronô, magnisq, ruat de
fascibus ira, nec rigidus quatiat Lechica
sceptra furor. Gratia regna regat, ver-
set clementia sceptrum, clemens & gra-
tus Principis esto thronus. Plenus tandem
armorum & meritorum Princeps, finem
vitæ, non gloriæ fecit Varſaviæ, annô
Domini millesimo sexcentesimo trigesi-
mo tertio, ætatis sexagesimo sexto, Regni
quadragesimo quinto.*

IMAGO VLADISLAI IV.

VLadislaus IV. Sigismundi III. filius,
concordibus omnium suffragijs, uno
duntaxat ad speciem libertatis nonnihil
reclamante, in paternum solium est eve-
ctus. Vix regio insignitus diademate,
pro purpura loricam, pro corona galeam
assumere debuit. Brevi enim post corona-
tionem, cum triplici conflixit hoste, cum
Moscho in Severia, cum Turca in Po-
dolia, cum Sveco in Prussia, ubiq; & de

omnibus victor. Religionis & pietatis cultor erat acerrimus, noverat quippè, quòd *mutuis auxilijs religionem Princeps, religio Principem servat. Religione salva, stat floretq; Republica; neglecta & prolapsa, Rempublicam trahit secum in ruinam. Principes debent esse quantum ferro, tantum pietate potentes.* Hinc meritò Princeps hic à summo Christi in terris Vicario, *Septemtrionis decus, Religio- nis & fidei præsidium* est appellatus. Jam verò Patriam tanto complectebatur amore; ut Pater Patriæ diceretur. Et quamvis omnium civium corda, rara humanitate, singulari ultra Principum consuetudinem, familiaritate habuit sibi devinctissima; illa tamen regiâ munificentiam singulis ferè momētis studuerat devincire, id unicum se habere ratus, quod in alios effudisset. Et certè *non sibi, sed civium commodis nati sunt Principes. Nulla Principum major est beatitudo, quam alios facere beatos. Hac est Regum felicitas, facere alios felices.* Et quamvis monet

Tul-

Tullius: *Ita te aliorum miserescat: ne alios tui misereat. Ita de nostro lumine, alteri est concedendum, ut nobis luceat; sic egenti est dandum, ut non egeas; sic dolore Princeps debet, ut semper possit. Nimiā namq; liberalitate, Regia liberalitas exhauritur.* Nihilominus Princeps hic, adusq; regiarum fortunarum angustias fuit liberalis; & quò plura erogaverat; eò se credidit ditiozem. Dignus immortalitate Vladislaus, mortuus est Mercej vigesimā Maij, annò Domini millesimo sexcentesimo quadragesimo octavo, ætatis quinquagesimo tertio, Regni decimo tertio.

IMAGO JOANNIS CASIMIRI.

Joannes Casimirus, Vladislai IV. frater, ex tyrocinio Societatis JESU ad regale solium à pulla veste, ad purpuram à Polonis invitatus, illo poterat gloriari: *à virtute datis, utor honoribus.* Omnium Principum dotes, in hunc unum Superi collegerunt. Præcipue tamen Re-

I 61 ligio:

ligione, pietate, prudentiâ, æquitate,
 fortitudine, & magnanimitate animi ad
 prodigium insignitus, re ipsa monstravit:
 quod donec ascenderet thronum, in vir-
 tutum extiterit magisterio. Porro tur-
 bulentissimo Reipublicæ tempore Imperij
 elavo admotus, centuriata in Patriam
 mala, infracto animi robore sustinuit,
 pressam namq; Svecicis, Moscoviticis, Co-
 saticis, Hungaricis, Tartaricis Civilibusq;
 armis Patriam, ab ultimis ferè
 vindicavit ruinis. Ita sanè: *premunt non
 opprimunt heroicum pectus calamitates.
 Magnus animus nescit metiri leta, nisi
 ipsis periculis. Virtutem incitat, quid-
 quid infestat. Explorant adversa viros,
 per quæ aspera durò nititur ad laudem
 virtus interrita cli-vô. Decet magnani-
 mitas quemlibet mortalium, etiam illum,
 infra quem nihil est. Vires pepulit, pon-
 dusq; mali; casus animò qui tulit æquò.
 Non cessat naufraga virtus. Tanto ma-
 lorum agmine pressus Princeps optimus,
 quidquid ab illo proluxit vitæ tempore,*
pena,

pœna, fuit. Paterat de se dicere identidem : Non mihi grata dies , noctes vigilantur amara , morsq; minùs pœnæ , quàm mora mortis habet. Meliùs est enim inter strenua opera semel perire , quàm multarum injuriarum patientes , vivere , Nonne mori satius , quàm vitæ ferre pudorem. Quamquam mortis habet vices , lentè cum trahitur vitæ gementibus. Nihilominus ex hac malorum congerie , faventibus Superis est eluctatus. Scilicet & victus reperit gladiator arenam , & redit in tumidas naufraga puppis aquas : Victiq; resurgunt , & quos deseruit , melior fortuna revisit. Secedenti extra limites Patriæ Casimiro , gravem fuisse regiæ fortunæ recordationem vel inde colligere licet , quòd in immerita calamitate tristissimum est , temporum exortum felicitas. Et quàmvis non rarò contudit ingenium patientia longa malorum. Hic tamen Princeps fortissimò animò omnes sustulit calamitates : non ignarus quòd tempus & dies medetur malis ,

sanitatemq; adfert animis. Quod ratio
nequit, sæpè sanavit mora. Pleraq; tem-
pore mulcentur, & acerbissima quaq; ma-
la dulcescunt morâ. Paulatim atrocibus
ira languescunt animis, & vis mollita
senescit. Mora dat vires, teneras mora
præcoquit uvas. Et quia alijs imperare
fortuna est, sibi suisq; affectibus est vir-
tutis. Pacatis undiq; in Patria rebus,
ultro regni diadema abdicavit, annò Do-
mini millesimo sexcentesimo sexagesimo
octavo. Et certè non mitra Regem sola,
sed efficit regina virtus. Rex est, qui
honores spernit, & se ipsum regit. Tunc
omnia jure tenebis, cùm poteris Rex esse
tui. Potestas culminis, tempestas mentis.
Privata vita, potior publicâ. Plurimi re-
gia felicitate, ut privata fortuna abun-
dant. Levatur oneribus, qui privatur
honoribus. Omne quod supereminet, plus
mœroribus afficitur, quàm honoribus gau-
det. Unde Seleucus dicere solebat: Pau-
cis notum esse regnum; & neminem qui
illud noverit, inventum iri, qui diadema
Regi.

Regium humi projectum tolleret. Princeps hic mortuus est in Gallijs, tumultus Cracoviæ, unâ cum Rege Michâele.

IMAGO MICHAELIS KORYBUTI.

Michâel Korybutus Wiśniowieccius admirando omnium regni Ordinum consensu in Regem Poloniarum est electus, annô Domini 1669. Non diu in ejus electione deliberatum: *vel solo meruit Princeps ex nomine regnum. Cessant nempe longa deliberandi spatia, ubi virtus est in confesso.* Circumvolitans ipso electionis tempore examen apum, futurum Principem melleum portendebat, nec aliter respondit rei eventus. Tantæ enim clementiæ & suavitatis erat Princeps; ut delictum & amor populi vocaretur. Et certè *nihil tam deforme est, quàm ad Supremum Imperium, etiam acerbitatem natura adjungere.* Nulla major felicitas, quàm imperare alijs, qui propter metum parent. Sicut medicina, apud

abud agros, uñus, etiam apud sanos honor
est; ita clementiam, quamvis pœnâ digni
inocant, etiam innocentes colunt. Potent
tix charister, formidandum supercilium, &
vultus fastidiosus abominationi est. Nulla
re magis, vulgarem staturam excedunt
Principes, quàm humanitate & clementia.
Celsa potestatis species non voce feroci; non
alto simulata gradu, non improba gestu.
Hinc benè Plinius monet. Princeps ma
ximè timeat, ne timeatur. Et Tacitus:
Rex sit civium amor, hostium terror. Et
Claudianus monuit suum Principem: Sis
pius imprimis, nam cum vincamur in omni
munere, sola Deos aequat clementia nobis.
Sub hoc svavi & melleo Principe, mel
lea forent tempora; nisi illa fellea effe
cisset fatorum inclementia: quibus cessit
Leopoli Anno 1673. 11. 9bris, illâ ipsâ
die, scilicet D. Martino Episcopo sacrâ,
quâ exercitus Regni, & M. D. L. cæsis
ad Chocimum 30. Turcarum millibus,
insignem de barbaris victoriam reportavit.
Regnavit annis 4. O! si totidem regnâs
set

set sæculis. *Illud tantum malum est in bonis Principibus; quod nanquam satis suis vivunt. Vixit annis 30. satis breviter: nihilominus ille longum vixit, aeternum sibi qui merendo vendicat ævum. Quem sui raptum gemuere cives, hic diu vixit. Nullus namque Polonorum fuerat; qui hunc optimum Principem non ploraret. Et certe sine termino debet esse is dolor; quo maximis & optimis Principibus parentatur. Magnarum mentium cladem; vix perennia lachrymarum cluunt diluvia. Sicuti magnæ moles non imparem ruinam, ita magnæ mentes, ab obitu suo, parem trahunt luctum. Sola deplorandis magnorum Heroum fati sufficit aeternitas.*

IMAGO JOANNIS III.

JOannes hoc numero III. ex antiqua, & in Regno Poloniae clarissima togâ sagôq; Sobiesciorum Familiâ oriundus, à galea ad coronam, à lorica ad purpuram, à clava & Scipione ad Sceptrum est assumptus. Agens namque Generalissimum
Exer-

Exercitus Regni Ductorem; & Mare-
 schalcum, omnium Ordinum consensu
 Rex Poloniæ est renuntiatus, Varſaviæ
 1674. 21. Maij. Coronatus Craſoviæ
 à Primate Regni Andrea Olszovio Archi-
 Episcopo Gneſnenſi 1676. 1. Februarij.
 Princeps hic *Marte ferox, & vinci
 neſcius armis*, non ſolùm liberis civium
 ſuffragijs, ſed etiam recteſactorum con-
 ſcientiâ candidatus, per ſtrages & tumu-
 los hoſtium, per purpuratos Tauricano
 ſangvine aſcenſus, inſtrato viſtricibus
 laureis calle pervenit ad ſolium. *Maximus
 unus dignus*, qui Patriæ perſonam ſume-
 ret unus. Et certè nemo dignior cenſetur
 Sceptris; quàm qui devoto pro Republica
 capite coronam licitatur. Nemo glorioſiùs
 acquirit regnum; quàm qui illud victorijs
 illuſtravit. Nemo digniùs regalem aſſumit
 purpuram; quàm qui priùs beſili ſangvi-
 ne eſt purpuratus. Digna ſceptro manus,
 quæ ſalutem publicam gladio aſſeruit. Di-
 gnum regali diademate caput; quod ſub
 galea deſudavit. Dignus coronario auro

ver-

vertex, qui martiali onustus ferro, laureis cingebatur. Minus supremæ sentit onus mitra, dura probatus pondere castidis. Non paucos Regum vel fors natiendi, vel fortunæ favor, in regali collocavit throno; Joannem verò virtus & mérita promoverunt ad solium: ut de illo cecinit Pœta: Regna alijs Lucina tulit, vel munere cæcus error, & abrupti studijs pugnâcibus æstus: tu solium virtute parâs; tibi debita merces. Quippè comes virtutis honos; & militat omnis emerito fortuna sago. Et certè officij celsitudo, sinè meritorum sublimitate nihil est, nisi honoris titulus, sinè honore. Gloriosius est honorem mereri, quàm obtinere. Mereri nonnisi optimis contingit, obtinere etiam pessimis. Ex condigno cedit ei dignitas, quia nihil aut parùm suffragijs, plurimum debet virtuti & meritis. Indecorus honor, qui precario aut sorte obtigit, non virtutum & meritorum impendio. Clariùs virtutum inter umbras relucet honor. Omnes Honorij debent esse tales, ut

quod

quod olim de Stilicone dictum, de se
dici audiant: *Querantur ut omnes, Impe-*
tium tibi serò dari. Princeps hic augusti
corporis maiestate, & absolutæ pruden-
tiæ amplitudine, bellandi ac regnandi ar-
tibus, - atq; rerum gestarum gloriâ nulli
Regum post Reges natos secundus, dignus
ut non uni Poloniarum Regno, sed orbis
universi præfesset imperio. Egregium sem-
per Patriæ caput, ille Senatus, vindex ille
fori, legum, ritusq; togæq;. Turcarum, Co-
sacorum, Tartarorumq; fulmen erat. Bis
Orientem castris exiit: semel ad Choci-
num, alterâ vice ad Viennam: gladiumq;
per omnes exegit gentes: victor in omni
cursu signa tulit. Nec solum proprios
vetricibus armis tuebatur limites; etiam
alienas Provincias triumphali ferro defen-
debat. Nam sua retinere, privatæ do-
mûs, de alienis certare, regia laus est. In-
gloriam est, sua duntaxat generosè tueri,
& alièna damna intueri: generosum pe-
tus etiam aliena torquet injuria. Ingentis
gloria auctoramentum est, pugnare pro
alijs,

alijs, cum pro te non habeas opus. Fortunam & virtutem extendere oportet, non claudere. Famam extendere facilis, hoc virtutis opus. Hic gloriosissimus Joannes, Leopoldum II. Imperatorem auxiliaribus juvit copijs, & Viennam Austriacam obfidione hostium liberavit. Illic toto descenderat ense in jugulum Scythia. In se cuncta arma, virosq; gerebat. Ibi factus S. belli Generalissimus, caesis Turcarum & Tartarorum 3000. plurimis fugatis, Salvatoris nomen obtinuit. Tangere difficile est, quae Mars tuus egerit illic, fortissime Joannes: paucis absolvam: Victoria, felix auspicijs, mox facta tuis. Paucis in bella secutis accessit, vincit, redijt. Cæterum recensendis hujus Principis virtutibus omnes Mathematici, describendis ejus laudibus omnes Historici, deprædicandis meritis, nec integra cum Oratoribus sæcula sufficerent. Illud tamen non omiserim, quod in Chocimensi bello Serenissimus hic Præcursor, sub ferrea olim casside, antequam aurea

coro.

coronaretur cydari, prodromo ad pugnam
passu, stricto prævit mucrone. Docuit
hoc pacto: tum potissimum triumphare
Exercitum, quando ipse belli Imperator
non solum pugnae spectator, sed etiam so-
cius est, simulq; commilito. Quod jubeas
vide, primus exple. Dextras minores ac-
cendunt exempla Ducum. Tunc bene fortis
equus referato carcere currit, cum quos
prætereat, quosq; sequatur, habet. Omni-
um in bello successuum, Ducis exemplum,
anima est. Nec illud reticere fas est,
quod supra naturam erat humanissimus,
ultra Principum consuetudinem familia-
rissimus. Illius certè propria erat virtus,
quam suo Trajano adscripsit Plinius: Per-
inde summis atq; infimis charus, tantà
concordiâ gloriam amoremq; contigisti, ut
nihil veritati hilaritate, nihil gravitati
humanitate detrahatur. Heret lateri tuo,
quisquis accessit; finemq; sermoni suus
ejusq; pudor, non tua superbia fecit. Sunt,
qui cum induunt purpuram, exuunt huma-
nitatem, erubescunt familiaritatem; &

cum

cū incipiunt esse Principes, desinunt esse homines. Sunt, qui dignitati suæ detrabi putant; nisi in palatij sacrario, tanquā occultum Numen secreta veneratione consulantur. Sunt, qui auctoritatem ab ambitione non discernunt. Ipsum Domini vocabulum satis invidiosum, nisi familiaritate aliqua mitigetur. Multi consensu solo, Cælum se conscendisse putant, & veluti Numen à longe adorari volunt. Gratiissimo verò Joanni, quo non surrexit major Princeps, æquæ ante, ac in solio eadem fuit humanitas, clementia, affabilitas, facilisq; accessus. Hinc merito quispiam illud ei inscripsit encomium: Deliciæ orbis, & urbis, civium amor, hostium terror, fulmen Orientis, invidia seculorum, exemplar Regum, Joannes, id est Sarmatia gratia, numero tertius, sed regnandi & bellandi arte nulli secundus. Hic ergo tantusq; Princeps post immortalia facinora, illo die, scilicet SS. Trinitati sacro, quo olim solium conscenderat. Villanovæ propè Varsaviam 17. Junij, anno

anno 1696. Regni sui 22. mortalis esse
desijt. Si tamen quis credet eum fuisse
mortalem, qui nihil in vita gessit, quod
non spiret immortalitatem. Non ita
tamen mortuus est gloriosissimus Princeps;
ut etiam post fata superstes non vivat in
cordibus posterorum. *Nesciunt post fata
extingvi illustres animæ, etiam inter te-
nebras mortuales, diem ferunt. Succutiant
cætera, claudibusq; involvant parca, unica
despectat virtus, & fama sepulcrum.
Vivet, & à nullo tenebris damnabitur
ævo. Qui pulchra patrat, nescit atræ
mortis iter, trepidumq; funus* Illud post
fata Principis hujus declamari poterat:
*Utinam vel nunquam natus fuisses, vel
nunquam morereris. Magna tamen sola-
tia Lethi inde feres; quod te populiq; Pa-
tresq; ingemuere mori. His citius Lachry-
ma decerunt, quam causa dolendi.*

IMAGO AUGUSTI II.

Augustus II. Sacri Romani Imperii
Electoꝝ, Hæreditarius Saxoniz Prin-
ceps,

ceps, post Hungaricam Turci-
camq; lauream Sarmatici Regni
Coronam assumptus, & in Re-
gem Poloniarum anno millesi-
mo sexcentesimo septimo, die
vigesima septima Junij electus,
à Stanisłao Dąbscio Episcopo
Cracoviensi decima quinta Se-
ptembris Cracoviæ coronatus.
Princeps hic *Dives Avis Ata-
visq;*, suo de sanguine ducit proge-
nie admotā *Superis, caloq;*, locatā.
Vetustissima hujus Regnantis
Familia, retroactis, clara sæcu-
lis, in sex Romanis Imperatori-
bus, scilicet in Ottone primo,
in secundo & in tertio (qui
Bolesłao primo Poloniarum
K. Regi

Regi regale contulit diadema)
 in Henrico primo & secundo,
 in Sanctorum numerum rela-
 to, in Lothario secundo, ad om-
 nem fulget immortalitatem.
 Verum sopitos non movendo
 cineres, & *quidquid secula prisca*
tegunt nec ampla Saxonicae Do-
 mus recensendo decora, quibus
 pleni annales, & *conscia veri*
fama canit, totum pridem vul-
 gata per orbē. Quod attinet Per-
 sonam Regiam; Rex est gratio-
 so vultu conspicuus, ingenij
 solertiā consiliorum maturitate,
 armorum peritiā, & invicta a-
 nimi fortitudine præstantis-
 simus. Ad belli opera, *quorum*
for-

*Fortuna per orbem signa dedit, à
teneris vitæ annis est innutri-
tus. Ejus illud est elogium,
quod suo Cæsari Florentinus in-
scripsit Vates: Reptâsti per scu-
tâ puer, Thrâcumq; recentes exu-
via tibi ludus erant. In te mens
ardua semper à puero; tenerisq;
etiam fulgebat in annis. Primor-
dia tanta, vix pauci meruere se-
nes. Ad Rhenum, & in Bra-
bantia gloriosissimè militavit:
Moguntia vindicavit; in Hun-
garico bello sic ille Ducis sum-
mò præfuit Imperiò; ut Sul-
tanus se ipso jam minor, è cam-
pis Hungariæ profugus, in gen-
tes animos, & vincendi fidu-
ciam*

ciam amiserit; Pannonia verò
 amissam planè receperit secu-
 ritatem. Catholicam amplexus
 fidem, rarò in Saxonia exem-
 plò Orthodoxam nobilitavit
 Religionem. Tertio regni sui
 annò sine armorum strepitu,
 solâ nominis sui famâ itâ totum
 exterruit Orientem; ut ad ex-
 pectata longo tempore univer-
 salis pacis fœdera, & restituti-
 onem Kameneci inclinaret. Sci-
 licet *magnorum bellatorum nomi-
 na, sunt ipso penè timenda sonò.*
Validior est quibusvis machinis,
præcōcepta opinio. Et quàmvis ra-
 rus est, quem *auri sacra fames,* &
opum studiosa cupidò non torque-
 at.


at. Sunt, qui licet congerie auri
 saginantur, non tamen satiuntur.
 Sunt, quorum domestica limina
 aureus alluit Pactolus, & tamen
 magna torquentur siti. Crescunt
 & opes, & opum furiosa cupido.
 Crescentem sequitur cura pecuni-
 am, majorq; fames. Non implent
 cupientes omnia mentes, quidquid
 fodit Iber, quidquid Tagus ex-
 tulit auri. Nihilominus procul
 est hæc labes à Principe nostro:
 Dispersit cum sole manus. Non
 sua privatis crescunt æraria da-
 mnis, nihil negat, & sese vel non
 poscentibus offert: Inquiens: An-
 te oculos interq; manus, sunt o-
 mnia vestra. Ne tempore perde

precando, quod petis, omne feres.
 Si quid fert impetus; opta, cun-
 cta dabo. Et certè dulce est Im-
 perium, ubi potius munificentia
 Principis, quam ipse Princeps im-
 perat. Regium est accipere parva,
 largiri magna. Ex aurea benefi-
 ciorum semente, gloria seges pullu-
 lat immortalis. Torpet virtus, si
 aureis non excitatur calcaribus.
 Scilicet egregios invitant præmia
 mores. Non satis est principi, sub-
 ditos ad benè agendum exemplis
 provocare, nisi provocet & præ-
 mijs. Hinc liberalissimus Prin-
 ceptus indecora detestando lucra,
 & inglorios pro honoribus pro-
 ventus, vacantes dignitatum
 Cu-

Curules non auri, sed virtutis
& meritorum pretiò æstimatas,
gratis dispensavit. In benè pro-
meritos, viduos partitur honores,
nec prece, nec pretio motus. Et
certè, venalis animi Princeps est,
si omnia habet venalia: gratus
est donum, quod gratis offertur.
Beneficij nomen amittit, quod
prece vel pretio acquiritur. Carò
emitur, quod precibus emitur: carò
quoq; veditur, quod precibus ven-
ditur. Non gratis largitur, quis.
quis erogat in rogantem. Pulcher-
rimum est Regia dignitatis elogiũ,
benè meritos munerari, sine spei
tormento, sine petitionis Marty-
rio. Optimorum Principum est,

prævenire Civium preces, antever-
nere desideria. Gratia quæ prope-
rat, prægrata est gratia: gratia quæ
tardat, nomen inane gerit. Sol
non expectat mortalium preces ut
oriatur, ultrô se etiam non cogitan-
tium oculis infundit. Odisse potest
gratiâ, qui diu expectavit. Divi-
num aliquid sapiunt, qui non pe-
tentibus occurrunt. Non liberalita-
tis, sed tenacitatis indicium est,
diu liberata offerre beneficia.

Nō memoro reliquas hujus Prin-
cipis virtutes, digniori calamo recē-
sendas: *Annales veterū, Princeps tua*
fata loquētur: inscribet tibi posterita-
quacūq; mereris. Quæ hic subticui
fiēt ista palā, cupiēt & in aēla referri
prisca recēsis, volvēt hac sacula fastis.



SERIES PRINCIPUM & REGUM POLONIÆ.

1. Lechus I.	<i>fol: 3;</i>
2. Visimirus.	10.
3. Palatini Duodecem.	15.
4. Cracus.	19.
5. Lechus II.	25.
6. Venda.	27.
7. Præmislaus seu Lescio I.	32.
8. Lescio fraudulentus.	37.
9. Lescio. II.	41.
10. Lescio. III.	45.
11. Popielus. I.	49.
	12.

12.	Popielus. II.	53.
13.	Piaſtus.	57.
14.	Zemovitus.	61.
15.	Leſco. IV.	66.
16.	Zemomiſlaus.	70.
17.	Mieciflaus I.	72.
18.	Boleſlaus Chrobri I. R.	76.
19.	Mieciflaus II.	82.
20.	Cafimirus I.	85.
21.	Boleſlaus Audax.	91.
22.	Vladiflaus I.	95.
23.	Boleſlaus Kriwouſti.	99.
24.	Vladiflaus II.	106.
25.	Boleſlaus Criſpus.	112.
26.	Mieciflaus Senex.	116.
27.	Cafimirus Juſtus.	122.
28.	Leſco Albus.	127.
29.	Boleſlaus Pudicus.	131.
		30

30. Lefco Niger.	134.
31. Premislaus. II.	138.
32. Venceflaus Bohemeus	141.
33. Vladislaus Loeticus.	144.
34. Cafimirus Magnus.	148.
35. Ludovicus Hungarus.	152.
36. Vladislaus Jagello.	154.
37. Vladislaus III.	158.
38. Cafimirus II.	162.
39. Joannes Albertus.	165.
40. Alexander I.	170.
41. Sigismundus I.	173.
42. Sigismundus Augustus.	177.
43. Henricus Valesius.	180.
44. Stephanus Battory.	183.
45. Sigismundus III.	193.
46. VLADISLAUS IV.	198.
47. Joannes Cafimirus.	200.
	489.

48. Michàél Korybut. 204.
 49. Joannes III. 206.
 50. Augustus II. 213.

Principes subditis suis imperant: ratio statûs etiam Principibus. Principes circumveniri possunt: ratio statûs nunquam.
Arnodus.

III hist. Covil.

VIII.

is San*

Ordinū Do-

ctor,

I 3



iotheca 3002.
ensium in Bielany

liotece Jagiellońskie



05799

E.I.59

DEI

ado-

48. Michàél Kory

49. Joannes III.

50. Augustus II.

Principes subditi
rant: ratio statûs et
pibus. Principes ci
possunt: ratio statûs

Arnodus.

VIII.

is San*

etus peritissimū Ordinū Do-

etor,

I 3

DEI

ado-



746008

Bibliotheca

3005

P.P. Camaldulensium in Bielany

Depozyt w Bibliotece Jagiellońskiej



05799

E.I.59

42

776-62-62